

# Wir Ferdinand von

Gottes Gnaden Römischer, zu Hungern  
vnd Bohaim etc. König, Infant in Hispanien,  
Erzherzog zu Osterreich, Herzog zu Burgun-  
di, Steyr, Kerndten, Crain vnd Tirol, etc.  
Graue zu Tirol vnd Görz etc.

Embieten allen vnd ye-  
den vnsern Geistlichen vnd weltlichen, Prelaten, Grauen,  
Freyen, Herrn, Rittern, Knechten, Hauptleuten, Verwesern,  
Bisdomben, Vögten, Pflegern, Verwaltern, Ambtleuten, Bürger-  
maistern, Richtern, Räten, Burgern, Gemeinden, vnd sonst allen  
andern vnsern Vnderthanen, zügewondten vnd getrewen vnserer  
Nider Osterreichischen Lande vnd Fürstlichen Graffschafft Görz  
was Wirten, Standts, oder wesens die seyn, den dise vnser Ord-  
nung oder Abschafft dauon zusehen oder zulesen fürthomen, ge-  
zaigt oder verkündt würdet, vnser gnad vnd alles guets, Vnd geben  
euch hiemit gnädiglich züerkennen.

Wiewol wir vonn eingang vnserer Regierung allerlay offen-  
licher la. . . / mispreuch, vnordnung, eigennützigheit, vnd beschwe-  
rung, vnd sonderlich nicht wenig mengl vnd geprechen an gueter sit-  
lichen Ordnung vnd Pollicey in berüerten vnsern Nider Osterreichi-  
schen, Landen befunden, Vnd derhalben zü abstellung sollicher  
laster, mengl vnd vnordnung, so nicht allain das zeitlich leben vnd  
wesen, sonder auch zü vordist der Seelen nachtail, vnd verdammus  
berüeren, mermals vnser ernstliche General Mandat vnd gepot,  
auch sonderlich im nechstuer schinen Zway und uierzigsten jar, mit  
Rath vnserer Nider Osterreichischen Lande vnd Fürstlichen Graf-  
schafft Görz Ausschuss ain Pollicey Ordnung außgehen lassen. So  
haben wir doch nicht mit geringer beschwerung bisshier vermerckht,  
das solchen vnsern General Gepoten vnd Pollicey Ordnung von  
vnsern Landtleuten vnd Vnderthanen nit allain wenig gelebt,  
sonnder nahendt all schwäre laster, leichtfertigkeit, misbreuch, vn-  
ordnung vnd beschwerung vnder allen Stenden oberhandt ge-  
nomen, vnd gleich in ain hochschedlich vnseelige gewonheit erwach-  
sen vnd gezogen worden, darauß dann vermuetlich eruolgt, das  
der Allmechtig Vns, vnser Lande vnd Leüt mit so manigfaltigen  
plagen vnd straffen, als mit enghung, misratung vnd verteurung/  
aller handt frucht des Erdtrichs, Hunger vnd Sterbens nöten,  
Auch fürnemblich durch den wüertenden Erbfeinde Christlichen na-  
mens

mens vnd Glaubens den Türcken, vnd in ander mehr wege ain zeit  
her beschwärtlicher als hievor nie hertiglich haimgesuecht, Wir auch  
größlich besorgen, das an allen bissheer erlitten vnnnd oberstandnen  
anfechtungen, Trübsal, Mlagen vnnnd straffen khain ende noch auf-  
hörung sein, sonder der zorn Gottes nach gelegenhait vest schweben-  
der leuff, auch ergerlichen verweisslichen vnnnd sträfflichen leben vnnnd  
wandels vnter allen Stenden, noch beschwärtlicher auf Vnser Landt  
vnd Leüt fallen vnd verhengt werden möchte.

Wann nun aber die handt, Straff, vnnnd zorn des Allmechtigen  
nit bas noch bequemer abzuwenden, vnnnd sein Göttlich gnad, huld,  
glück vnd Syge zuerwerben sein mag, dann so sich die Menschen zu  
Gott bekheren, bessern, vnd von allen Lastern, ergernusz, vnd leicht-  
fertigkeit abstehn, auch allen vbermässigen pracht, kostlichait, ver-  
schwendung, eigennützigkait vnd veruortailung des nebe menschen  
abstellen, vnd sich in Christlicher Gottesforcht vnd zucht, auch sittlich-  
em wesen, Ordnung vnd gueter Pollicey, erhalten, ainander trew-  
lich maynen vnd bedencken:

Demnach vnd dieweil dann all guet, löblich vnd beständige Re-  
gierungen an erhaltung gueter Ordnung vnnnd Pollicey beruehen  
vnnnd on dieselben nicht bestehen mügen. So haben wir als Christ-  
licher Rhünig, Herz vnd Landtsfürst in krafft Vnsers obligenden  
Ampts mit zeitlichem wolbedechlichem Rat zu abstellung der ge-  
mainen Laster, auch wendung vnd besserung anderer fürnemblich-  
sten eingerisnen ergerlichen mißbreüch, mengl, vnnnd vnordnung ob-  
bemelte vnser vorausgegangne Ordnung, Reformation vnd Pol-  
licey, in berüerten vnsern Niderösterreichischen Landen, vnd Fürst-  
lichen Graffschafft Görz, vnsern getrewen Landtleüten vnnnd Vn-  
derthanen, zu sonderm nutz, aufnehmen vnnnd wolhart, wider genedig-  
lich fürhanden genomen, ernewart vnd erklärt, Welche wir Euch  
allen sament vnnnd sonderlich hiemit gnediglich verkhünden, Rat-  
nen vnnnd wollen, das Ir derselbigen alles inhalts bey straff vnnnd  
Peen darinn verleibt, stat vnnnd vestigentlich für euch selbs gelebet, vnd  
die Ewren dahin weiset, vnnnd vermüget, sollich Vnser Ordnung  
vnnnd Reformation bey vermeydung gleichmässiger straff  
auch also vnnachlässlich vnnnd vnuerprechlich zu-  
halten, vnd deren gehorsamlich nach ze-  
thomen vnd zugeleben.

Von Gottes Allmechtigen auch seiner außermel-  
ten Mueter Marie, vnnnd der Heyligen Iessterung,  
Schweren, vnnnd Fluechen.

**D** wir bey Vnns selbs zu gemüet füren vnnnd bewegen, das die Goteslesterung der beschwerlichisten vbelo ains ist, dadurch der Allmechtig nicht allain gegen den Thättern, sonnder auch den Obrifaiten die sollichs zeweren schuldig sein, vnnnd gedulden, zu den wercken des zorns, vnnnd erschrockenlicher zeitlicher vnd ewiger straff bewegt wirdet. Demnach solchen zorn vnd straff Gottes von Vnns vnnnd vnsern Vnderthanen abzuwenden, Segen, Ordnen, vnnnd wellen Wir, wellicher oder welche Personen, Hochs, Gemains, oder Niders, Geistlichs oder Weltlichs standts, Alt oder Jung, Manns oder Strawen geschlechts, niemandts außgenommen, in Vnsern Niderösterreichischen Landden, es sey an was orten das well, in Ernst oder Schimpff, niechter oder trunckhen, darzue bewegt, oder auß aigner leichtfertigkeit vnd böser gewonhait, wie oft das geschehe, Gott vnsern Heylandt, Maria sein außermölte Mueter, oder Gottes Heyligen Iessteren, oder bey iren Heyligen Namen fluechen vnnnd schweren wurden, die sollen vnnachlässlich gestrafft vnnnd gepüest, vnnnd darinn niemandt was Standts der sey obersehen oder verschont werden, wie hernach klärlich angezaigt vnnnd beschaiden wirdet.

Von vndershaft aller Personen vnd durch  
wen ain yede zestrassen seye.

**N**emblichen, wo die Geistlichen vorgeer, als Prelaten, Bröbst, Regulierten, Erzpriester, Dechant, Canonickhen, Pastores, Pfarrer, Vicarien, Beneficiaten, vnnnd alle gemaine Priester, auch Doctores vnd ander gelert, so den Studijs vnnnd Schuelen anhangen in iren Gotesheüßern, wonungen oder besamlungen, vnder jnen selbs bey Gott, seiner rainer Mueter, oder lieben Heiligen schwören, fluechen, oder die Iestern wurden, die sollen von iren Ordinari Obrifaiten darumben gestrafft, vnd darüber yeder zeit vleissig inquisition vnd erkündigung gehalten werden.

Wo aber berürte Geistlichen vnnnd gelerten yndert öffentlich an weltlichen orten, in den Gastgeb, Viert, oder Leütgeb heuser, oder weltlichen besamlungen, wie oblaut, schwören oder fluechen wurden, die sollen gestrackts der weltlichen Obrigkeit an den orten da

solches beschiecht, angezaigt, von derselben fürgefordert, vnd alsdann  
iren Ordinarien zu billicher vnd ernstlicher straff vberantwort  
werden. Wo aber der also erfordert Geislich nicht erschine, so soll  
alsdan die Weltlich Obrigkeit nach demselbigen greiffen, vnd  
auff seinen des verprechers Costen, seiner Geislichen odenlichen  
Oberkeit, zu gebürnder Straff vberantwort werden.

Wir wollen Vnns auch zu allen vnd jeden obbestimbten Geist-  
lichen Ordinarien vnd Obrigkeiten gnediglich versehen, vnd Sy  
hiemit ires Ampts ernstlich vermant vnd ersuecht haben, das Sy  
gegen den jenen, so jnen zuuersprechen steen, vnd sich dieses schwe-  
ren lasters tailhafftig machen, mit ernstlicher vnd schöpfferer straff  
dann gegen den gemainen Layen gepflegen wirdet, fürgeen. Damit  
wir im faal irer hinlässigkeit mit bewegt werden, zu auszreüttung  
dies vbel, so Vnns vnder den Geislichen so wenig als bey Welt-  
lichen in Vnnsern Landden vngestraft hingeen zelassen gemaindt,  
ander gepürlich Ordnung fürzunemen.

Graven, Herrn, Ritter, vnd Edel, so sy mit Schwören, Leßtern  
oder Fluechen, wie oblaut, verhandlen, vnd das warhafftig ober  
Sy khundt wurde, sollen Sy in yeglichem Landt Vnserm Landt  
marschalch, Haubtman, Verweiser, oder anwaldt angezaigt wer-  
den, der drey oder vier nachgesehen Landtleüt zu jm nemen, diesel-  
ben Verhandler fürfordern, vnd mit erkantnuß nach yedes Landts  
gebrauch vnd hienachvolgunder mäßigung gegen jnen mit straff  
verfaren vnd handlen solle.

Gleicher gestalt sollen die Burger, Handtwercher, Knecht vnd  
annder gemain volckh in Stetten, wo sy verhandlen, iren odenlichen  
Obrigkeiten angezaigt, vnd durch dieselb mit wissen vnd Rade  
dreyer oder vierer vom Rath oder Gericht fürgefordert, vnd auch  
nach bestimbter gesetzten masz gemäsz gestrafft werden.

Also sol es auch in Märckten, Dörffern vnd Aligen, auff dem  
Landde, auch mit den Verckhnechten, Hawern vnd andern, Sy  
seyen angeessen oder ledig, gehalten, das ain jeder so bey Gottes  
seiner lieben Wuetter, oder Heiligen namen schwören, leßtern, vnd  
fluechen, den Landttrichtern derselben ort, da solliches beschiecht, an-  
geben, vnd durch dieselben mit Rat dreyer oder viern iren Veyßig-  
ern (one vnderschied wem die Vnd erthanen zuegehören) auff nach-  
bestimbte masz gestrafft, vnd die odenlich oder sonst gepreulich  
vberantwortung (dardurch in disem schwerem laster, vil vbel  
gehügel)

gezügelt / vnnnd vngestraftt vbersehen wurd ) allain in disem faal nit stat haben / noch angesehen werden solle / Doch sonst in all ander weeg aines yeden Landtmans habenden herlichait / gerechtigkeit altem heerthomen / vnd ersessnem gebrauch vnuergriffen vnd one nachtail.

Der Grauen / Herrn / Ritter vnd Edelleüt / Knecht vnd Diener / auch die Edlen so in iren diensten sein / wo Sy berüertem vnserm verpot zewider verhandlen / die sollen gestrackts durch dieselben ire Herrn mit vrlaubung / vengknus / züchtigung / vnnnd ander gepürlich wege gestraftt / vnd jnen nicht vbersehen werden.

### Von maß vnd Straff der Gottes lessterung.

**S**dain gemainer Armer vnuermügllicher Mann erfahren vnnnd betretten wirdet / der Gott / vnser liebe Frawen / oder die Heyligen gelesstert / oder bey irem namen geschworen vnd gesluecht hetter / derselb soll gestrackts desselben orts er gesündet hat / in die Diechen gespant / oder in der Kirchen gätter ains gelegt / vnnnd zestrafft darinnen ain oder mehr tag gehalten werden.

Welliche dann in solcher lastterung betretten werden / die nicht gar Arm / sonder ains vermögens sein / die sollen fürs erst vnd ander mal an gelt gestraftt werden.

Als nemblich der gemain Pawersman / Hawer / vnd dergleichen personen / omb sechs Kreüger.

Der Handtwerchman in Stetten / omb zwölff Kreüger.

Der Burgersman / omb zwainsig Kreüger

Die vonn der Ritterschafft vnnnd Adl / omb ain halben gulden Keinisch.

Vnd Grauen vnd Herrn / omb ain gulden Keinisch.

Welliche aber in sollichem Zaster zum dritten mal betretten werden / oder so die Lessterung das erst / oder ander mal / so gar bedächtlich / fräuenlich / ergerlich vnnnd vermessenlich geschehe / gegen denselben soll one vnnderschied der personen sy seyen Hochs oder Niders Standts / Arm oder Reich / mit zeitlicher verstrickhung / vengknus / Wasser /

Wasser vnd Brot, Leibs züchtigung, vnd sonst nachgestalt der ver-  
prechung, vnnnd erkantnuß yeder Obrigkeit sträflich vnnnd ernstlich  
gehandelt, vnnnd verfahren werden, vnnnd hierin gar kein vbersehen  
noch verschonung der personen beschehen, sonnder wie oben gemeelt  
gegen dem Adl durch vnser Landtmarschalch, Landtschaubtleüt  
Verweser vnd Anwäldt, in Stetten die Obdenlich Obrigkeit, vnnnd  
auff dem Lande durch die Landtrichter die bestimbt vnnnd gesetzt  
Straff eigentlich angebracht, fürgewendt vnd volzogen werden.

Vnd ob sich begab, das der Landtlewt vnd Adl personen diener  
vnnnd knecht in Stetten vnnnd Märckhten, bey dem Wein, Spil, oder  
andern orten, in bestimbtler lesterung Gottes, Maria, vnd der Hei-  
ligen betreten oder angezaigt wurden, die mögen vnnnd sollen durch  
die Obrigkeit daselbst auffgehebt, vnnnd ainem Landtmarschalch,  
Landtschaubtman oder Verweser züvolziehung obangezaigter straff  
geantwurt werden.

#### Von angeben vnd dargen der Vbertreter.

**G**leich wie ainem yeden menschen die Gotelesterung, Schwö-  
ren vnd Fluechen verpotten ist, Also soll auch ain yedem hoch  
vnnnd Niders Stammdts beyderlay geschlechts, von Vnns hiemit ge-  
botten, vnd Er schuldig sein, züordist Gott, seiner werden Mueter,  
vnd den Heyligen zü eern, auß göttlicher auch brüderlicher Lieb,  
zü pesserung seiner negsten, vnd darüber bey verwüreckung gleicher  
straff alle die personen so Er schwörn, Zestern, vnnnd fluechen hören,  
mit allen vmbstenden, auch welcher enden, wie, vnd was gestalt, vnd  
wie oft das geschehen, den Obriheiten, denen solch laster, wie ob-  
laut, zestraffen gepürt, getrewlich anzezaigen. Darzue mag ain yede  
Obrigkeit für sich selbs, oder durch ire Richter, Ambtleüt, Burger,  
vnnnd Vnderthanen nach irer gelegenheit besonder ordnung bedenc-  
hen vnd stellen, wie in gehaim an allen orten auff die Gotelesterung  
gemerckht, dieselben erfahren vnnnd zü der straff angezaigt werden  
mögen.

Vnd nach dem sich die Gotelesterung gemaingelich bey dē Wein  
vnd in Wirtheußern zuetragen. So sollen die Viert vñ Leütgeben  
in sonderheit bey iren Eren vñ pflichten so sy der Obrigkeit gethan,  
schuldig vnnnd verpunden sein, wo sy yemandts hören oder erfahren,  
der Gott den Allmechtigen, sein werde mueter Maria, oder die Hey-  
ligen

ligen lesteret / schmebet / oder spöttlich dauon redet / dieselben gestracks der Obigkeit / vnnnd sonderlich die Zeit geben / wo sy vom schencken nicht thomen mügen / ihren Herrn den sy die Wein schencken anzuzaigen. Wo aber erfahren vnd befunden wurde / das yemandts ain sollich sündlich vnnnd vnleidlich lestern / vber das Er solliches gehört / gewist / oder erfahren / verschwigen hette / gegen denselben als mituerhengern der Gottolesterung sol mit zwifacher straff / wie gegen dem Tätter gehandelt vnd verfahren. Doch sol alles anzaigen solliches Lasters auff gueten grundt vnd warhafftigs wissen / damit hierinn niemandt vnrecht beschech / gestellt werden.

### Von sicherheit deren so die Vbertretter anzaigen.

**W**ir maynen vnnnd wellen / das alle die ihenigen so die Vbertretter diser vnnnd aller nachfolgenden Sagungen anzaigen / in pöfster gehaymb gehalten / vnnnd nit vermärt werden sollen. Wellicher oder welche aber ainen der Sy angezaigt hette / mit worten oder that vmb des willen anfeindten / vnnnd in was weg das beschehen möchte / zubeschwärn vndersteen wurden / die sollen von stundan der Obigkeit anzaigt / vnnnd von derselben schwerlich gestrafft werden. Doch die vom Adel nit außserhalb fürfoderung vnnnd erkantnuß wie obsteet.

Wie auch die straff obgeschriben mit den Mans personen gehalten werden / Also soll auch mit dem Weibs geschlecht beschehen.

Vnnnd inmassen durch Vns der Gottolesterung halben der Obigkeit wieuor steet zehandlen / beuolhen vnnnd aufgelegt wirdet. Also wellen wir inen in sonderhait der Waarsager vnnnd Waarsagerin / vnnnd anderer Zauberey halben / die in vnsern Landen in manigerlay weeg vnnnd weysz geüebet werden / auch hiemit ernstlich eingebunden vnnnd beuolhen haben. Nach dem durch sollich aberglaubisch bößsachen vnnnd handlungen / die der Allmechtig in der schrift zum höchsten verpotten / sein Allmechtigkait in vil weeg / hoch belaidigt wirdet / die auch Vns zu ainer straff vnnnd betrug verhengt / darauß verdammuß der seelen vnnnd die verführung / das der Mensch sein gemüet vnnnd glauben darein setzt / eruolgt / wellichs doch der höchsten Gottolesterung aine ist / das durch dieselben Oberkaiten in vnsern Landen weiter thain Zauberey / Waarsagen / oder dergleichen in kainen weeg nicht geduldet oder gelitten / sonnder dieselben allenthalben souil müglich außgereut / Vnnnd wo dergleichen personen be-

treten werden, gegen inen vmb Ir verschulden nach außweisung  
der geschribnen Recht mit straff gehandelt vnnnd verfahren, Vnnnd  
dann gegen den ihenen so sollich Warsager vnd Zauberer besuechen  
auch gebürlich strafffürgewendt, vnnnd darinnen niemant vbertra-  
gen noch verschont werde.

Solche all vnnnd yed straff vnnnd püessen, sollen aus kainem hasz,  
neid, noch zu aignem nutz, sonder lauter zu Gottes Ehren vnd pesse-  
rung der Menschen, Auch auf beweislich darbringen wolbedächt-  
lich, vnnnd mit zeittigem Rat, wie obsteet, fürgenommen vnnnd erkent,  
auch yeder zeit nachgestalt, vnnnd grösse der verprechung, vnnnd auß  
was bewegnuß die beschehen, auch nach gelegenhait der condition ai-  
genschafft, vnnnd gewonhait ainer yeden Person gemässigt, gestai-  
gert, vnd geringert werden.

Vnnnd was straffen obbestimpter massen in Gelt gewendt wer-  
den, sol sollich Gelt an yeglichen ort durch dieselb Obrigkeit, so disz  
vbel wie vorsteet zustraffen haben, oder ire Verwalter trewlichen  
eingezogen in vier gleich thail trewlich gethailt, dem Anzai-  
ger als-  
pald der viertail solcher straff, in gehaimb damit Er nit vermärt  
noch offenbart werde, zügestelt. Die vbrigen drey thail in beschlos-  
sen Büchsen züsamen getragen, vnnnd nachmaln zwen thail hauszar-  
men nottürfftigen Lewten, daran es angelegt, Vnnnd der viert thail  
der Oberkait vmb irer müe, sorg vnnnd vleissigen auffsehens willen,  
Wo aber thain anzai-  
ger vorhanden, sol der selb thail, so dem Anzai-  
ger verordnet, auch hauszarmen verfolgen, Auch sollich außstaplung  
yedes Quottembers Sontage durch yede Obrigkeit, in beysein vnd  
gegenwürtigkeit dreyer oder vier ihrer beyssiger ordenlich vnnnd vleis-  
sig geschehen, Vnnnd sollich straff gelt sonst zünichte verwendet oder  
gebraucht werden. Welchem also getrewlich nachzefhomen wir ai-  
ner yeden Obrigkeit zum höchsten vnnnd Ernstlichen eingebunden  
vnd aufgelegt haben wollen.

### Von zütrinken / süllerey / vnnnd Spil.

**D**zeweil der mißbrauch der lesterlichen Süllerey, vnd vnmaßi-  
gen vbrigen vnd vnuermessnen Trinkens (so man zütrinken,  
gewarten, oder bescheid thuen neñet) die trunckenhait geberet, welli-  
che sehr wider Gott, die natur vnd guet Sitten, auch die Menschen  
des gebrauches irer vernunft, Syynn vnd Gleder entsetzen ist, darauß  
vil

vil Gottes lesterung, Mörderen, Todtschleg, Gebrauch vnd sonst vil laster vnd vblehaten entstehen, Also das sich die Zuetrinckher vnd Solle Zeit in geferlichkeit irer Eeren, Seel, vernunft, Leibs vnd guets begeben. Demnach gebieten wir allen vnd yeden Vnsern Landtleuten vnd Vnderthanen Geistlichen vnd Weltlichen, Mann vnd Frauen personen, das Sy sich vor obbestimten vnehrlichen laster, desgleichen gemessnen, oder betrangten zuetrinckens, bringens, gewartens, beschaid thuens vnd Füllerey ( wie mann dem namen oder schein geben möcht ) genslich enthalten, dasselb hinfürs kains wegs mehr, weder haimblich noch offentlich, durch wort, zaichen, geperd, noch ainich ander bedeutung gebrauchen noch vben, Auch khain Geistlicher noch weltlicher, Herz Edelman, Hauszuatter, Viert, Rhellner, Leutgeb, vnd sonst niemant solliches gestatten noch zusehen.

Es soll auch ein yeder Viert, der solliche Zuetrinckher vñ Sollen wissen oder ersaarn würd, dieselben den Herrschafften, Oberkattent, vnd Richtern derselben Ort von stundan auf sollich Ir that anzebringen, vnd nit züuerschweigen schuldig sein.

Doch wellen wir durch diese vnser Sagung das beschaiden freimlich anpieten ains vnbedingten, vnd vngemessnen Trunckhs nit gemaint, sonder vnuerbotten haben.

Welcher oder welche aber dise Vnser Ordnung obertretten, das gleich gemessen, oder bedrangt Zuetrinckhen vnd aigenwillig Füllerey nit meyden, zusehen, oder die verprecher nit anzaigen wurden, die sollen der Herrschafft oder der Obrikeit der Orten in Stetten, Märckhten vnd Fleckhn da solliches beschiecht, vnd die vom Adel auch irer ordenlichen Obrikeit anzaigt, vnd durch Sy gestrafft werden. Doch wo in ainier Herrschafft mehr als aines Herrn Vnderthon wären, Soll ain jeder Verprecher erstlich seinen Amptman angeben, vnd durch ine hienach bestimbter mass gleichformig gestrafft werden. Wo aber das durch die Herrschafften oder ire Amptleüt nicht beschäich, Soll vnd mag alsdann der Landtrichter desselben orts die Verprecher selbs für fordern vnd straffen.

### Von mass der straff des zuetrinckens.

Damit der vnuernünftig Vihisch mißbrauch des gemessnen zuetrinckens, vñ lasterlichen Füllerey abgestellt werd. Welle wie

gnediglich zugelassen haben, das die Verprecher diser vnser Sagung zum ersten vnd andern mal, auch vmb gelt gepüest werden.

Nemblich der gemain Pawersman, Hawer oder dergleichen personen, so ain andern ain gemessnen Trunckh zuebringt, vmb vier, vnd der so es annimbt vnd gewarttet vmb acht Kreuzer.

Ain Burgerzman vmb Acht, vnd der es gewartet vmb Sechsehen Kreuzer.

Die von der Ritterschafft vnnnd Adl, vmb Sechsehen Kreuzer, vnd die es gewarten vmb ain halben gulden Keinisch.

Ain Herz vmb ain halben, vnnnd der es gewartet vmb ain gulden Keinisch.

Ain Graff vmb ain gulden Keinisch, vnnnd der es gewartet vmb zwen Keinisch gulden.

Zm faal aber das sich yemandt wer der were, auch ausserehalb vermessnem Zuetrinckhens, für sich selbs dermassen oberweinen, vnnnd Voltrinckhen wurde, das Er seiner Synn vnnnd vernunft entsetzt vnnnd beraubt, vnnnd sich ergerlich vnnnd vnbeschaidenlich halten wurde, Sol alsdann so oft das beschicht, der gemain Pawersman, Hawer oder dergleichen Gemaine personen vmb Acht, ain Burgerzman vmb Sechsehen Kreuzer, ainer vom Adl, oder Ritterschafft vmb ainen halben, ain Herz vmb ainen, vnnnd ain Graff vmb zwen gulden Keinisch gepüest vnd gestrafft werden.

Wo vnd souerz aber diese geltstraff vnuerfenghlich, vnd von yemand wes Stannnds der wär, diser vnnsrer Ordnung zum dritten, oder mehr maln, zewider verhandelt wurd, gegen denselben sol mit zeitlicher enziehung vnd verpictung des Weins, auch verstrickung vnnckhnusz, Wasser vnd Brot, nach erkantnus, der Herrschafft oder Obrigkeit fürgegangen, vnd ye alwegen nach gelegenheit aines yeden verprechern die straff erhöhet, gemert vnd geschöpfft werden.

Dergleichen sol auch wider die Viert vnd ander so das gemessen oder bedrangt Zuetrinckhen vnnnd Füllerey gestatten, zusehen, vnnnd nit anzaigen, mit gepürlicher Straff nach mässigung yeder Herrschafft oder Obrigkeit, gehandelt werden.

Wie

Wir wollen auch hiemit gegenwürtig vnd künfftig vnser Rath, Diener, Ambtleut, vnd sonst alle Obergkait niemandts außgeschloffen, bey iren pflichten vermant, vnnnd inen aufgelegt haben, das sich Ir yeder des gemessnen Zuetrinckhens, Gewarttens vnnnd Füllerey genglichen enthalten, dardurch dem gemainen Mann desto weniger weegweiß oder vrsach disem argen bösen laster nachzeuolgen, sonder sich gleicherweysz daruor züuerhüeten, raißung vnnnd guet Exempel gegeben werde.

Vnd nach dem auß der öbern bösen Exempel, vnnnd sonst die sacht dahin khome, das sich die knecht täglich vassit vberweinen, vnnnd sich alsdann gegen irn Herrn allerlay muetwillens, vnschicklichait, vnd Rumors gebrauchen, darauß dann gar leichtlich grosser vnnraat entsfeen mag, vnnnd so weyt eingewurgelt, das die knecht derhalb vngestraftt zesein vermainen. Welches Vns aber in Vnnsern Landden zusehen oder zügestatten in kainen weg gemaint ist, Demnach so lassen wir zue, ist auch Vnser beuelech vnd Ernstliche maynung, wann sich ain knecht vberweint, das ain yeder Herr, Er sey Geistlich oder Weltlich, denselben diener derhalbten ain, zwen, drey, oder vier tag in ainen käreker oder gefencknuß legen, vñ also bisz Er wider zü necterkait kumbt straffen müg. Wo ers aber darüber vnd zum dritten mal thätte, mag vnd soll Er gegen ime mit ainer lengern fencknuß verfaaren. Wo sich aber ain diener in sollicher vollen weißz, oder aber sonst Rumorisch oder vnschicklich empöret, vnd erzaiget, gegen dem sol wie sich in sollichen fällen gebüert, durch die Obergkait mit Ernstlicher straff nach gelegenhait des fráfels, vnnnd der verprechung gehandelt vnd verfaarn werden, vnd wellicher Herr hierinn läßsig vnd dermassen befunden wurde, das Er sollich bösz handlung gestattet vnnnd zusehe, solle gegen demselben als mitverhenger dises Lasters vnnnd vnzucht, durch die mehrer Obergkait auch straff sürgewendet werden.

Wir gebietten auch allen Obergkaiten, Herrschafften, Burger, maistern, Richtern, Viertten, Gastgeben, Zeitgeben, vnd sonst meniglich das Sy hinfür an den Feyertagen die Tafeln, Keller vnnnd Trinckstuben, vor verrichtung des Gottodienst, Nemlichen den Predigt vnd hohen Ampts, oder wo kain Hoch Ambt gehalten wirdet, der Heyligen Mess nit öffnen, noch Kreutwein oder ander wein auftragen, desgleichen auch sonst dem statem vbrigen trinckhen des gemainen Manns, so biszheer bisz in die nacht, vnnnd etwo noch lenger beschehen, vor sein, Vnnnd nemblich ober Neun vhr gegen der nacht

IV  
Summer vnd Winter zelt, niemandt zetrincken gestatten noch  
sigen lassen, noch auch darzue in andere Heroser W. in aufgeben sol-  
len, außgenommen die frembden Gest so in gueter zucht vnd be-  
schaidenlich beyeinander in ehlicher gesellschaft versamblt wären.

Vnd dieweil das Spil wie offenwar vnd Landtkündig ist, zu  
vil schwären Sünden, Lastern, vnd vbelthaten vrsach gibt, vnd nit  
allain die klainuermügigen, sonnder auch etwo die Reichen zu ver-  
derben laytet, dardurch iren vnschuldigen Weib vnd Kindern an  
ihrer notturfstigen Leibs nahrung vnd vnderhaltung, zu vilmalen  
mangl vnd abgang eruolgt. Sowellen wir vnser Landtleut, vnd  
Vnderthanen gnediglich vermant haben, das Sy sich aller vnd je-  
der theuern, schwärer vnd hässigen Spil enthalten, vnd sich selbs  
samt iren Weib vnd Kindern dardurch vor abfaal, schaden, vnd  
verderben verhüeten. Das auch fürnemblich alle Oberkatten, Herr-  
schafften, Burgermeiter, Richter, Viert, Gastgeben, Zeitgeben,  
vnd menigleich, den Handwerchern, Knechten, auch Haweroleü-  
ten, Hawern, vnd also dem gemainen Mann gar kaine Spil groß  
noch klaine, mit Wirffel, oder Karten, zu kainer zeit gestatten noch  
zusehen, vnd wo yemandt fräuenlich hierwider thätte, dieselben  
schwärlichen darumben straffen. Auch die Viert vnd Zeitgeben  
yeder zeit das Gellte, so solliche Spiler vor inen ligen haben, zu iren  
handen annemen, vnd zu andrem straffgelt erlegen.

Welliche Viert oder Zeitgeben aber diesem Vnserm Gepot  
zewider handeln, vnd das Spil gestadmen, die sollen so oft vnd vil  
das beschicht, allmain vmb ein Reinschen gulden gestrafft werden.

Was geltstraff dann von den Zuetrinckhern vnd Spilern auch  
derselben Verhengern geuallet, damit soll allermaß vnd gestalt, wie  
oben bey der straff der Gotelessterung vermeldt gehandelt werden.

### Von leichtfertiger Beywohnung auch an- dern offentlichen lastern in gemain.

**W**ann auch vil Leichtfertig personen außershalb von Gott auff  
gesetzter Ehe bey einander wonen, oder sonst der vnehm phle-  
gen, Auch der offentlich Ehebruch vngestraft gestatter, dardurch  
der Allmechtig, nach dem es wider sein Göttlich gepot ist, hoch belay-  
digt windet, vnd zumil ergernuß vrsach gibt. Demnach wellen Wir  
allen vnd yeden Oberkatten, bey den pslichten damit Sy Vnns  
verwont

verwont, auch vermeidung Unserer schwaren straff vnnnd vngnad  
 Ernstlich eingebunden haben, das Sy sollich gemain Laster des  
 Ehebruchs, auch vnehelicher leichtuertiger beywouung vnnnd vermi-  
 schung, deszgleichen weder Kuppler noch Kupplerin, noch auch ai-  
 nich ander offentlich vbl. Laster vnd leichtuertigkeit in vnsern Lan-  
 den, Stetten vnd Flecken jr yedes Ambtsouerwaltung mit nichten  
 gedulden noch gestatten, sonder gegen den Verpfechern, Tattern  
 vnnnd Verhengern Hochs oder Nider Standts, nach rechtmässi-  
 ger erkantnuß der Obrigkeit mit straff zum strengisten verfahren, vnd  
 darinnen gar niemandt verschonen, Darinn wir auch jnen yeder zeit  
 gnedigisten schirm vnd Ruckhen halten wollen.

Wo auch von vnsern nachgesetzten Obrigkeiten, oder vnsern  
 oder andern Ambtleütten, Beuelchhabern vnnnd personen, aines hö-  
 hern Standts hinfüro im Laster des Ehebruchs, oder Vnehe-  
 lichen leichtuertigen Beywouung vnd vermischung betreten wur-  
 de, sollen dieselbigen alszpaldt irer Ambter vnd Beuelch entsetzt vnd  
 zu thainen Gerichtlichen, oder andern Ambtern gebraucht, sonder  
 für Infames vnd vntüchtig geacht vnd gehalten werden.

Es sol auch ain yeder Pfarer sein Pfaruolck, all Sonntag von  
 obbestimpter Goteleserung, Zuetrinckhen, auch allen andern ge-  
 mainen Lastern, Sünden vnnnd Ergernuß vleissiglich verwarnen,  
 Auch zum treulichsten ermanen zebietten, das der Allmechtig die-  
 selben Lastern von seim Christlichen volckh gnediglichen abwen-  
 den vnd Vns in den wegen seiner heyligen gepot vnd Götlichen wil-  
 lens vätterlich erhalten vnd sterckhen welle.

### Von vnordentlicher costlichkeit der Claydung.

Nach dem die costlichkeit der Claydung vnd anderer Gezierden,  
 vnder allen Stenden Geistlichen vnd Weltlichen, Mann vnnnd  
 Frauen geschlechte, dermassen gestigen vnnnd oberhand genommen,  
 das ye ain Standt ober den andern, vnnnd die geringern den höhern  
 gleich sein wollen, also das wenig vnderschiedlicher erkantnuß mehr  
 gesehen wirdet, dardurch die Leüt wider Gott zu hochfart vnnnd  
 anderm sündlichem nachthail geraist, vnd sonderlich die vnuermüg-  
 lichen, aintweders zu gleicher nachuolge, oder doch zu vngedult be-  
 wegt vnnnd geergert, Vnnnd nit allain sondere personen, besonder ge-  
 maine Landtschafften an irem vermügen höchlich erschöpfft wer-  
 den

den/erarmen/auch in abnemung vnd ringerung irer narung täglich erwachsen / Demnach sollichen Sündlichen/ vndd gemainem nutz hochnachtailigen/ schedlichen / vndd verderblichen miszbrauch abzustellen/ hochmüet/ vnwillen/ vnd ergerung/ zwischen vnsern getrewen Landtleuten vnd vnderthanen züuerhüeten / Sy auch bey irem Vermügen / vnd dann zwischen allen Stenden gepüerlich vnder schid der Claidung züerhalten. So haben wir nachfolgende Ordnung der Claidung fürgenommen / die wir auch bey Straff vnd Veen darauf geses/ genslich gehalten/ vnd hiemit allen Obrigkeit vnd Herrschafften Ernstlich aufgelegt vnd gebotten haben wellen / darob gestrenglich zühalten/ vnd darinn gar niemands verschonen.

Erstlich wellen wir alle Erzbischoff/ Bischoff/ vnd Prelaten / so in Vnsern Erblanden gesessen / oder deren Geisliche Jurisdiction darein gehet/ hiemit gnediglich ersuecht haben/ ire Clerisey vnd Geislichen dahin zehalten vnd züermügen/ das Sy sich mit iren Claidungen in Kirchen vnd auff gassen / als irem Stande nach wol gezimbt / vnd inmassen die Geislichen Recht vndd erbarkeit des eruordert/ Erbarlich vndd Geislich halten vndd tragen/ vndd all vnzimblliche Cosslichkeit/ auch leichtfertigen ergerlichen wandel/ Leben/ vnd wesen genslich abstellen.

### Von Pauersewten auff dem Lande.

**W**IR Ordnen Sezen vndd wellen / das der gemain Pauerz/ man/ Hauer/ Arbeyttendtleut vnd Tagelöner/ auch ire Weiber vnd Töchtern auff dem Landt/ hinfüron khain Büllin Tuech/ so inner oder aufferhalb Vnser Rünigreich vndd Erblanden gemacht wirdet des ain Eln ober drey ort ains Reinischen Gulden wert sey/ zü Röcken oder Käntln anmachen noch tragen. Es mögen aber die Mann Hosen/ vnd die Weiber Zoppen vnd Goller von pefferm Büllin Tuech / doch das die Eln nit ober ain Reinischen Gulden coste/ auch Mann vndd Weiber den Parchet zü aller irer notturfft aber alles vnuerprämpt/ vnzertailt/ vnd vnzer schnitten geprauchten vnd tragen.

Weitter wellen wir Mann vndd Weibern allgeschlagen / gezogen vnd gespunnen Gold vnd Silber/ auch all gang vnd halb Seyden waaren/ Schamlot/ Borstat/ Harras/ Sattin/ vndd dergleichen Gattungen/ weder zü Ringen Claydern/ Kräge/ Röhm/ Schlayrn vndd

vnd Gürteln/oder in ainich ander weg vnd schein hinfüran zuge-  
prauchen/zekauffen / angemachen vnd zutragen genglich verpotten  
haben.

Allein erlauben wir iren Weib vnd Töchtern/ire Clayder oben  
herumb / auff das maist dreyer Finger prait/mit Vorstat / Harras  
oder Sattin zuuerprämen / dergleichen auch Samaten vnd Seyde-  
ne Haarpäntl vnd Saydene zöpff zutragen.

Vnd dann von Rauher waar / oder gefüllwerckh den Mannen  
zum höchsten Fuchslawen/ vnd den Weibern zu Rhürsen Künigl-  
rückhen/aber sonst zu Nölgen vnd Süettern Lemern/ Gassen/ vnd  
dergleichen schlecht Gefüllwerckh / vnd kain pessers angetragen/ ze-  
machen noch zugebrauchen.

### Von Burgern vnd Inwonern in Stetten vnd Märckten.

**S** Ehen / Ordnen vnd wellen Wir/das hinfürter die gemainet  
Burger/Rhramer/Hanndtwercher/vnd Inwoner in Stetten  
vnd Märckten gleichermassen wie oblaut/khainerlay Goldt / Sil-  
ber/Perlun/auch ganz oder halb Seyden / vnd Schamlot/noch zer-  
stückelt/zerschnitten/oder verprämbt Clayder/ desgleichen khain Fe-  
hen/ Märder / oder dergleichen Costlich sueter tragen/sondern sich  
mit zimbllicher gepürlicher tracht/von Bullem Lündischem Tüch/  
Vorstat/Arrasz vnd Sattin/auch von Rauhen suetern mit gerin-  
gen Naschen/Süchsen/Pltes / Rhüniglwerckh / Lemern vnd der-  
gleichen benüegen lassen.

Deszgleichen sollen sich ire Hauszfrauen vnd Töchtern in ire  
Claydung auch halten.

Doch mügen Sy ire Clayder allain oben herumb mit ainer hal-  
ben Wiener Ein Samat/oder guetem Atlasz aufs maist/ oder sonst  
oben vnd vnden herumb mit Brichhischen Atlasz/ Arrasz/Sattin/  
oder von Rauher waar mit halben Feschwammen oder Rückhen be-  
schaidenlich verprämen / auch zu Rhürsen aufs höchst/ Sech Süchs  
oder Küniglwammen geprauchen.

Deszgleichen ain/oder mehr Ring mit oder one Edlgestain/nicht

ober Zehen Keinisch gulden werdt.

Krägen mit Seyden vernät.

Schlayr mit gulden Zeislin nit ober zwen finger pratt.

Taffaten, Schamloten, oder Brückhisch Atlafen Goller.

Bnuergult beschlagen Gürtel/nit ober zehen Keinisch gulden werdt.

Vnd Gesper mit ober zwen Keinisch gulden werdt.

Desgleichen die Zunchsfrawen, Verlen Widl, oder Samaten Haarpäntl/Doch nit ober Sechs Keinisch gulden werdt.

Von Burgern in Stetten/ so vom Rath Geschlech-  
ten oder sonst fürnemblichs heerkho-  
mens sein, vnnnd nicht Hand-  
werch treiben, Auch von  
Kauff vñ Gewercks-  
leüten.

**W**ir Sehen, Ordnen, vnnnd wellen, das die Burger in Vnsern  
Haupt vnnnd andern Stetten, so der Stat Oberer, Als Bur-  
germeister vnd Richter, auch vom Rat, vnd alten geschlechren sein,  
so nicht Handtwerch treiben, Dergleichen auch die Kauff vnnnd Ge-  
wercksleüt nun hinfüro khainen Samat, Chamasch, Atlas, oder  
Seyden zu Röckhen, auch weder Goldt, Silber, Verlin, Gulden  
noch Silberen Haarhauben tragen. Doch erlauben Wir inen  
Schamloten Röckh, auch Seydene Chamasz aussershalb, Samat  
vnd Carmasin, inen soll auch ire Röck, Käntel oder Rappen, aufs  
höchst mit anderthalben Wiener Eln Samat, oder Atlas, zuuer-  
prämen hiemit zuegelassen sein.

Doch sollen Sy khain Tuech die Eln ober zwen Keinisch gul-  
den wert, inen anmachen lassen, oder ainig Böbl, Hürmblin, vnd der  
gleichen Costpore Sueter, antragen, wol mügen Sy vnd ire We-  
ber das Sechwerch, auch Wärderen Sueter vnd Hürsen zum höch-  
sten gebrauchen.

So soll

Es sollen jnen auch erlaubt sein, ainen oder mehr Gulden Ring zu tragen, doch all vber dreissig oder vierzig gulden nicht wert sein.

Aber Gulden Ketten/gang Silberen Schaiden an Längen vnnnd Kurgen Böhren, dergleichen Samaten Daret, Schaiden vnnnd Schuech, auch Seyden vnder die Hosen zefüetern, dergleichen Seyden Clagpinden soll allen Burgern vnd Stetleüten Manns personen verpotten sein.

Dergleichen sollen ire Weiber sich auch sonst in Claidung halten, Doch khain höher Seyden als Tobin, oder Taffat, zu ober Köcken jnen anmachen, vnd doch auch derselben nicht ober ainen, oder zwen haben noch tragen, Solch Seyden vnnnd ander ire Köckh mügen Sy oben vnnnd vnden herumb mit anderthail Eln Samat oder Atlasz oder mit gefüllwerch zimlich verprämen.

Berner erlauben wir jnen Doppen von Tamaschkh, Atlasz oder anderlay geringer Seiden vnse schnitten, vnd vnzerstückt zetragen, vnnnd mit ainer halben Eln Samat oder Atlasz auffo höchst zu verprämen.

Auch Samaten Goller, mit vergulden Gespörn, nicht vber vier, oder Sechs Keinisch gulden werd.

Auch gulden Ketten nicht ober Fünffzig Keinisch gulden werd, Doch wellen Wir, das Sy sich Clainater vnnnd Gulden Armpändl zetragen enthalten.

Ein beschlagne Gürtel, nit vber fünffundzwainzig Keinisch gulden werdt.

Ein oder mehr Gulden Ring, so all nit vber Dreissig oder Vierzig Keinisch Gulden werdt sein.

Schlayer mit gulden Reisten, dreyer oder vierer finger prait.

Es mügen auch ire Töchter vnnnd Junckhfrauen Perlen Haarpändtlen vnnnd Bartten, bisz in fünffundzwainzig Gulden werdt auftragen.

Wir Ordnen vnd wellen auch, das aller Burger in Stetten vnd  
E ij Märckten

Märckten, Diener, vnnnd Dienerin auch Handtwerchs gesellen  
sich mit irer Claydung noch geringer, vnnnd nähner, als von den ge-  
mainen Burgern vnnnd Handtwerchern hieoben bestimbt, halten  
vnd ensiehen vnd sich kainer Seyden gebrauchen.

### Von Aduocaten Cansleyuerwand.

ten Gemainen Offitiern, Hoffgesindt,  
vnd Ambtleuten.

Verhaltung merers vnderschiedts, auch ersparung vñ abstellung  
vonnottürfftiger, schödllicher Costlichait, Ordnen vnnnd Setzen  
Wir, das die Aduocaten, Secretarien, Phleger, Bögt, vnd Ambt-  
leut, so mit vom Adl, noch vnser Räte sein, sich sambr iren Weib  
vnd Kindern, den Burgern von alten heerthomen vnd Geschlechten,  
Aber die, so vnser Räte wären, mit aller Claydung vnnnd zierung den  
Adls personen gleichmässig halten mügen.

So sollen sich Geistlicher vnnnd Weltlicher Herrn Diener, mit  
samt iren Weibern, den gemainen Burgern vnnnd Inuonern in  
Stetten gemasz halten.

### Von der Ritterschafft vnd Adl.

Denen von der Ritterschafft vnd Adl, so sich von iren Renten  
vnd Gülten erneren, vnd sonst sich irem Ritterlichen oder A-  
dellichem Stanndt gemasz halten, soll Samaten Röckh vnnnd andere  
Seyden, dergleichen ain, oder mehr gulden Ketten, die nit vber zway  
hundert gulden Keinisch werdt seyen, auch alle Rauhe waar, vnnnd  
Gefüllwerckh ( aufferhalb Böbl ) zuetragen vnuerpotten sein, doch  
das Sy solliche ire Clayder weder mit Guldenem noch Silberem  
Tuech, oder Stückh, Schnüren oder Passyman verprämen, aber  
mit dreyen Wiener Ein Samat, Atlas, oder anderer Seyden, die  
selbigen zuuerprämen, soll inen zuegelassen sein, Doch das die auch  
nit mit Seidenen Schnüren oder Stückhwerch, Fransen oder Passy-  
man, sonder allain mit ainer Seiden an yedem Ort des Prämsh, ain  
mal gestept werden.

Inen soll auch gang Samaten Hosengesäß, dergleichen Hosens  
vnd Wamasz mit Stepp, vnnnd Schnürwerch zuetragen genslich ver-  
potten sein.

Es mügen auch die vom Adl vnd Ritterschafft, Samaten Varet vnd ob Sy wollen, ain zimlich Medey daran tragen, Aber goldene Streiffen, Kößl/oder goldene Kettl/vnd ander dergleichen Geschmuckh, an jren Vareten oder Claidern zetragen, des sollen Sy sich gänglichlich enthalten.

Damit auch zwischen dem Adl vnd denen so Ritter sein, ain vnderfchid gehalten werde, Sollen die vom Adl so nicht Ritter sein, Messing oder vergulte Sporn, Böhren, Vherdtzeug vnnnd dergleichen zetragen vnd zefüren vnderlassen.

Die jhenigen aber, so vom Adl sein, vnd sich von jren Kennt vnd Güllten vnd sonst dem Adelichen Stanndt gemess nicht halten, sonder sich Rauffmanshandel, oder Burgerlichen handuerungen gebrauchen, Die sollen kein Samat, oder Carmasin seiden anmachen, sonder jnen zum höchsten Tamaschkh, Atlas, oder ander geringere Seiden, doch vnuerprämbt zetragen zuegelassen sein, Aber ander jre Claidern, so nit Seyden, mügen Sy mit drey Eln Samat vnd nit darüber verpremen, desgleichen Samaten Wammass vnnnd Varet, auch gulden Ring vnd Haarhauben, vnd dann ain Ketten die nit ober ain hundert Keimisch gulden werdt sey tragen.

So mügen der vom Adl vnnnd Ritter Hauszfrauen sich mit der Claidung jren Mannen gleichmessig halten, vnd von Gefüllwerck, aufs maist Hermelen oder Merderen Rhürsen, vnd Fueter gebrauchen, Doch sollen Sy jnen ober drey Seyden Ferröckh nit anmachen lassen, noch tragen, vnnnd ob Sy dieselben verpremen wellen, mügen Sy solches zum höchsten mit Guldem oder Silberem Tuech alain oben herumb, vnnnd nit ober ain halb Viertel ainer Wiener Eln prait thuen, aber Samat oder Seyden mügen Sy oben vnd vnden, doch vmb ain Claid, nit ober drey Eln, vnnnd dann das gefüllwerck jrem gefallen nach verprämen, Doch soll jnen das schnür, Stuckh vnd Stepwerck, wie oben vermeldet, auch verpotten sein, Ob auch etlich weren, so meh Claidern dann yeso gemelt hetten vnnnd dieselben für jre Rhinder vnnnd Töchtern behalten wolten, soll jnen vnbenomen sein.

Auch mügen Sy Varet vnd Hauben tragen, doch das die mit allem gepändt vnnnd geschmuckh nit ober Zwen vnnnd dreyssig Keimisch gulden werdt sein.

So mag auch ains Edelmans oder Ritters Hausfrau vnnnd ire  
Töchter an Rhetten, desgleichen an häffeln, halz oder Armpant  
vnd andern Clainaten sambt den Ringen auff Dreyhundert Kei-  
nisch gulden werdt, vnd nit darüber an Ir tragen.

Rer an gulden Bartten vnd Gürtl, nit ober Fünffzig Keinisch  
gulden werdt.

### Von Doctorn.

Desgleichen sollen vnd mügen die Doctores, vnnnd ire Weiber  
D auch Claiden, Geschmuckh, Rhetten, gulden ring vnnnd anders  
irem Standt vnd Freyhait gemäsz tragen.

### Von Grauen vnd Herrn.

Grauen vnd Herrn sambt irem Egemaheln, sollen Khatn gang  
Gulden noch Silberen stuck tragen, sonder sich zu vnderchied  
des Fürsten standts derselben enthalten, Sy mügen aber Samat  
Carmasin, vnnnd all ander Seyden gebrauchen, vnnnd die Mann ire  
Claiden mit Silberen Tuech, oder Samat, doch wie oben von den  
Rittern vnnnd Adl gesetzt ist, on alles Schnür, Stuckh oder Step-  
werch, Aber die so Ritter sein, auch mit Guldem Tuech, vnd dann  
ire Egemahel mit Verln, Gulden, oder Silberen Tuech, doch des  
Gulden, oder Silberen Tuechs, an ain Claid, nit ober drey Ein ver-  
prämen, vnd auch an alles Schnür vnd Stepwerch.

Wir erlauben auch Grauen vnnnd Herrn, gulden Rhetten bisz in  
vierhundert gulden werdt, vnnnd iren Egemaheln von Rhetten/  
Clainat, vnnnd geschmuckh, sambt den Ringen auff Sechshundert  
gulden werdt, vnd nit darüber zutragen.

So mügen Sy auch sambt iren Egemaheln an iren Vareten vñ  
Claidern, gulden Medeyen, Stefft, vnd dergleichen geschmuckh vn-  
geuerlich bisz in ain Hundert gulden werdt tragen, Doch sollen Sy  
sich der gulden Rhetten an den Vareten vnd Prämen enthalten.

Wir Segen, Ordnen, vnd wellen auch, das der Grauen, Herrn/  
Ritter vnd deren vom Adl Diener dergleichen auch derselben Haus/  
frauen Dienerin, so nicht vom Adl sein, sich Erllicher Claidung,  
wie hteoben von den gemainen Burgern in Stetten gesetzt vnd geor-  
dnet ist, gebrauchen sollen vngeuerlich.

Demnach

Demnach wellen wir all vnnnd yede Vnsere Landtleit, Vnderthanen, vnnnd Innwoner, Hochs vnnnd Niders standts, bayderlay Mann vnnnd Frawen geschlechts genädiglich ersuecht haben, sich nit allain diser Vnnsere fürgenomen Ordnung, vnnnd Reformation der Claidung, gehorsamlich zehalten, vnd daruber nit zeschreiten, Sonder sich vil mehr, noch genähner einziehen, vnnnd also ye ain Standt dem andern, vnnnd sonderlich die höhern den Nidern, zu abstellung dieses hochschedlichen mißprauchs der Cosslichkeit, ain guet vorbild zetragen, vnnnd fürnemblich die Frawen vermant haben, das Sy sich zu vnnnd in den Kirchen, Erbarer, vnergerlicher wolbedeckter Claidung bekleissen, vñ ire zürlich zeperde, Geschmuckh auch scharpff vnd raffige Claider außserhalb der Kirchen gebrauchen, damit zwischen dem Rirgang vnnnd andern Weltlichen besamlungen ain pillicher vnderschied gesehen, Auch das gemain Volckh dardurch destweniger geergert, vnd von andacht engogen werde.

Doch wellen wir Vnnsern Landtleiten vnnnd Vnderthanen, Mann vnd Frawen personen hiemit genädiglich zuegelassen haben, das Sy ire Claider vnnnd Gezierd so vor aufrichtung vnnnd erneuerung diser Ordnung gemacht, vnnnd derselben zewider sein möchten, ain gang Zare nach Dato diser Ordnung abtragen, oder darzwischen vertreiben mügen.

Welcher oder welliche personē aber, Hochs oder Niders Standts, sich diser vnnser Ordnung, ain yeder nach seinem Standt, nicht gemäsz halten, vnnnd die verpotne Claider oder Zierd anmachen lassen oder tragen, oder sich dern, so vor diser Ordnung gemacht weren nach verscheinung aines Zars nach Dato gebrauchen wurden, der oder dieselben sollen allenthalben durch ire ordenliche Obrigkeit, erstlich omb den zehenden thail desselben verpotnen gangen Claid, oder Gezierdt, Zum andern mal omb den halben tayl, Vnnnd so Sy zum dritten mal damit betreten wurden, omb dasselb gang Claid, Gezierd oder Clainat, Es sey von Gold, Silber, Edlem gestain, Seyden, Befüllwerckh, oder andern gestrafft werden.

Von welchen straffen, so offt die an Belle, Claidern oder Clainaten geuallen, sol der Viertail als bald dem Anzaiger, Zwen tail Armen nottürfftigen Leüten, vnnnd der Vbrig thail der Obrigkeit, vnnnd wo kain Anzaiger verhanden, der Viertail der auch Armen türfftigen

dürfftigen Leuten, allermassen wie oben vom Gotslefftern geordnet  
ist, cruolgen vnd zuegestellt werden.

Wir behalten Vns auch beuor die Handtwercher / so verpotne  
Claydungen / Gezierd vnnnd anders, diser Unser Ordnung zewider  
yemant wissentlich machen wurden, darumben strenglich zestraffen,  
welches wir auch yeder ort vnd enden den Obriqkaiten hiemit ern-  
stlich aufgelegt haben wollen.

### Von vbrigen vncosten der Hochzeiten/ Ladschafften, vnd Kindelmalen.

Nach dem auch mit Gastung vnd Schenkungen zu den Hoch-  
zeiten, desgleichen zu andern gemainen Ladschafften vnd Kin-  
delmalen, vil vberige vncostens auflauffet, welches zu mercklicher  
ringerung vnd verschwendung des zeitlichen vermögens vnd sched-  
lichem nachtayl gemains Nus, ye lenger ye mehr, beschwerlicher  
wechst vnnnd zucnimbt. Damit dann sollicher vnnuzer costen vnnnd  
verschwendung, abgestellt, vnnnd geringert werde. So ordnen Se-  
gen, vnnnd wollen wir, das die von der Ritterschafft, vnnnd gemainem  
Adl zu jren Hochzeitlichen Feern vnnnd Freuden, vber Zwo vnd  
dreyssig, aber Grauen vnnnd Herrn, vber Vierzig personen beyderlay  
Frauen, vnnnd Manns geschlächts, aufferhalb jrer Zunchfrawen  
vnd Diener nit laden, vnd sollen die von der Ritterschafft vnd Adl,  
vber Siben oder acht, aber die Herrn vnd Grauen vber Zehen oder  
Zwelff Nicht nit geben noch aufsetzen.

Vnnnd mügen Grauen vnnnd Herrn, ob Sy wellen, zum höchsten  
vier, aber Ritter vnd Edelleütt drey malzeit halten, vnnnd damit jre  
Hochzeit enden.

Die ansehnliche Burger vnd Kauffleüt in Stetten, sollen zu jren  
Hochzeiten vber Vierundzwainzig person nit laden, aufferhalb jrer  
Kinder, deren auch vber Zehen nit sein, die sollen auff ain Malzeit  
vber Sechs Nicht nit geben, dargegen vber ainen halben Reinischen  
gulden nit geweist werden, vnnnd mehr dann die Zway mal Abents  
vnd Morgens, zum Kirchgang nit halten.

Die gemainen Burger, Handtwercher, vnd Inwoner in Stet-  
ten vnd Märckten, desgleichen die Pawreleüt vnd Hawer auf de  
Lanndt, sollen zu jren Hochzeiten vber Sechzehen personen nit la-  
den.

den / vnnnd ober vier Richt nit geben / die mügen / ob Sy wellen / des abends zu ainem Tisch die negsten Freündt haben / vnd des andern tags Morgens / das Hochzeitmal halten / Dagegen die / so die zwomalzeit besuechen / nit ober ain ort ains Keimischen gulden / vnnnd die / so allain zu morgen bey den Hochzeitmal erscheinen / ain halb ort weysen sollen.

Auf den Versprechen aller yes beschribnen Hochzeiten / sol nit mer dann ain malzeit / vnd dieselben mit Ladschafft derhalben anzahl Personen / vnnnd mit den Richten gehalten werden / die oben außgezaigt ist.

Gleicherweisz Ordnen / mainen vnnnd wellen wir / das mit allen andern gemainen Ladschafften vnnnd Gastungen / Also / wann yemandts wes Standts der sey / ain Erlich Ladschafft von Freünden oder frembden halten welle / auch guete bescheidenhait gebraucht aller vnnotturfftiger oberflusz abgestellt / von Burgern / Khauffleuten / vnnnd Inwohnern in Stetten / nit ober Vier / oder Fünff / vom Adl Sechs / Grauen / vnd Herrn / nit ober Siben / oder Acht Essen / gegeben / vnnnd dermassen aufgehauft / dauon etwo vil Tisch vnnnd Tafeln zuespeysen weren / fürgestelt werden sollen / all geuerd / arglist / vnnnd verplüemung / so diser vnser Sagung / in was schein das jmer geschlech / zuwider erdacht werden möchten / hierin genglich außgeschlossen.

So wellen wir auch die Rhindmal / so biszbeer an vil Orten mit grossem gepreng / vncossen / vnd vnnotturfftiger verschwendung gehalten worden / auch beweglichen vsachen genglich aufgehobt vnd abgeschafft / doch den Rhindpetterin / vnnnd iren Mannen / ob Sy wellen / allain ire Eltern / Geschwistern / vnd Geuattern / zue dem Rhindmal zu sich zuladen / Sy obbestimpter Ordnung nach / zübegastten / vnd sich mit inen zuergehen vnuerpotten haben.

Welcher oder welche aber / wider dise vnser Ordnung / Hochzeitten / Ladschafften / oder Rhindmal halten / vnnnd die in was schein das jmer geschlech / überschreiten wurden / die sollen so oft vnd vil das beschlecht / von yeder Oberkait nachuolgunder Wasz vnnachlässlich gestrafft werden.

Nemblich der Pawrshman / vnnnd Hawer auff dem Landt / von ainer verpotnen / strefflichen Hochzeit Zehen Gulden / ain Burger / Khauffman / vnnnd Handtwercher in Stetten vnnnd Märckten / von ainer Hochzeit / Zwainsig / vnnnd von ainer Ladschafft / Vier gulden /  
D ain Edel

IIIX  
ain Edelman oder Ritter von einer Hochzeit Dreissig/ vnnnd einer  
Ladschafft Sechs gulden/ Grauen vnnnd Herrn vonn yeder Hoch-  
zeit Fünffsig/ vnnnd einer Ladschafft Acht gulden/ Darauf nun die  
Oberkaiten yeder zeit jr vleissig aufsehen haben/ vnd hierinn gar nie-  
mandt verschonen sollen/ bey vermeydung vnser schwären straff.

Es soll auch mit solchem Straff gelt allermasz vnnnd gestalt / wie  
hieoben bey der Straff der verpotnen Claidung vermeldt / gehan-  
delt werden.

### Vom Hoffgesindt.

**G**reicher gestallt, sol dise vnnsere Ordnung, Gepot, Straff vnnnd  
Vuess der Vortzlesterung, Zuetrinckhens, Epruchs, leichtuer-  
tiger Vneelicher beywoning, vbermessigen Claidung vnnnd Lad-  
schafften/ Vnser vnd Vnserer geliebten Sone Hofgesindt, vnd der-  
selben Diener auch begreifen, vnnnd pinden, vnnnd durch vnser vnnnd  
Ermelter vnnsere geliebten Sone Hofmaister, Marschalch, oder  
jre Verweser gestrackts gehandthabt, auch die Verprecher vnnnach-  
lässlich, vnnnd on alle verschonung ainicher personen, wer die sein, ge-  
strafft werden.

### Verkhauffung der wullen Tüecher gang oder zum Ausschnidt, mit der Eln.

**D**zweil auch befunden, das in verkhauffung der wullen Tüech/  
gang oder zum Ausschnidt, vil vortails gebraucht, auch der  
Khauffer in dem schwärlich vberfortailt, Nemlich das die Tüech-  
er an den Ramen zuvil gestreckht, vnnnd demnach im Wasser ain  
mercklichs dem Khauffer abgeet, auch zue zeiten die Tüech plate-  
rig werden, Alles zu abbruch vnnnd geringering Gemaines Nutz.  
Demnach Sezen, Ordnen, vnd wellen wir, das hinfürter in vnsern  
Niderösterreichischen Landden, vnd Fürslichen Graffschafft Görz/  
shain Tüech mit der Eln im Ausschnidt verkhaufft werden solle, Es  
dann zuuor genezt, vnnnd geschom/ Was aber gange Tüech wären,  
die sollen vngerechht, oder gestreckht, aber doch genezt, verkaufft we-  
den, bey Straff, verlierung derselbigen Tüech.

Wer die aber genezt vnd geschom, vnnnd wider an die Ramen  
gespant befunden, dieselben Tüech sollen verloren, vnd in baiden ob-  
berürten säalen, die Straff der Oberkait, darundter die Tüech säil  
gehabt werden, vnd denen die Burgerliche Gerichtszwang one mit-  
tel der Orthen zuegehörig, zuesteen.

Dieweil

Diweil auch der Arm gemain Mann, durch die Tüechler vnnnd Gwändler, so das Tuech nach der Ein außmessen, in dem, das die Tuech nach dem Endt außgemessen, hoch vnnnd vil verfortailt werden, So wellen wir das nun hinfüro die Tuech, nach dem Stuersg oder Ruckhen, vnnnd nicht nach dem Enndt, außgemessen werden, Vnnnd sol dise vnser Ordnung in Sechs Monaten, den negsten nach Publicierung diser vnser Vollicey Ordnung angehen, vnnnd hinfürter also vnabläßig volzogen werden.

Vnd wo ainiche Oberkait derhalben vnfleissigs Einsehen thäte, vnnnd die Vberfarer nicht straffte, soll ainem yeden erlaubt sein, vor des Vberfarers gebüerlichen Richter, oder an dem Ort, Er damit betretten, zu den Stuckhen oder Tüechern, damit Er Legemelt vnser Sagung verprochen, Rechtlich zuclagen, vnnnd ime zuestellen zübegeren, die alsdā auß genuegsamer erfahrung ime Rechtlich zueertailt, vnd darauf verholffen werden solle.

Diweil auch an den Gwandtläden vnd andern Rhamen, grose Tache, Nlahen gemacht, vnnnd angehengt, dardurch die Farben vnd Faden der Tuech vnnnd anderer waar, geplent werden, das man Sy nit wol erkennen mag, wellen Wir das solche Tach vnnnd Nlahen abgethan, vnd von den Obrigkeit mit mehr geduldet, oder gestattet werden sollen, damit der Kauffer vnuerfortailt vnnnd vnbetrogen bleiben müge.

### Von thewrer zerung bey den Viertten.

Diweil auch Thewrer zerung halber, bey den Viertten, vil beschwörung den Gesten, vnd andern, so die strassen Teglich gebrauchen müessen, zuestet, vnnnd darauß erfolgt, das alle zerung täglich aufsteiget, auch all essendt Speiß vnnnd Narung, höchlich verthewret wirdet. Vnnnd aber solcher Mangl, von wegen vnderlichait der Landt, Crays, Stett, Märckht, vnnnd Fleckhen, auch fürfallender Thewrung, oder wolfayle, durch ain gemaine Sagung nit wol zewenden sein mag. Demnach wellen wir vnsern Landt marschalch, vnd Landtshaubtleüten, vnserer Niderösterreichischen Lande, vnnnd Fürselichen Graffschafft Görz, hiemit Ernstlich außgelegt vnnnd beuolhen haben, das Sy hinfüran Zärlich zu den letzten Landt Rechten, so vor außgang ains yeden Zars gehalten werden, sambt iren Beysigern, nach gestalt der Zargennig, ob, vnnnd welcher massen, die geratten, oder misratten, auch Thewrer oder

IX  
wolfayler fürfallen/ Erbar zimlich maß/ vnnnd Ordnung beratschla-  
gen/ vnnnd verfassen/ wie in ainem yeden Landt/ vnnnd aines yeden  
Orts/ die Malzeit von Speiß vnd Trancck/ auch Stallmuet/ vnd  
Fütterung das gang darnach volgendt Jar gerait/ vnd bezalt wer-  
den sol/ vnnnd alsdann solch verfasste Ordnung/ vnserer Nideröster-  
reichischen Regierung zuersehen/ die nach gelegenhait zumessigen/  
vnnnd volgendts vnnnder vnserm Namen durch offen General in alle  
Landt/ Stett/ Märckht/ vnnnd Gericht zupublicieren/ vnnnd zuuer-  
schünden vbersenden sollen/ Welche Ordnung auch nach gestalt der  
Jar vnnnd zeitgenng/ yedes Jars obgelautter massen vernweert/ ge-  
steigert/ oder geringert/ vnnnd den Viertten ainicher vngbürliehen  
obermässigen beschwerlichen gewynnung nit stat gethan/ sonnder die  
Verpreecher/ nach gestalt irer vngheorsame/ so oft das geschiecht/ her-  
tiglich gestrafft werden sollen.

Vnnnd nachdem wir erinnert werden/ das in Stetten/ Märckhten/  
vnd auf dem Landt/ Gastgeben oder Viert sein/ die nit allain den  
Gestten/ so hin vnnnd wider/ oberlandt wandlen/ vnraine speiß/ auch  
Zäch/ Gemacht/ khomig vnnnd andern schedlichen Wein fürtragen/  
Sonnder auch noch darzue/ grosse vberschätzung der Zörung thuen/  
vnnnd fürnemblichen auch/ khainen Gast/ so bey jnen zert/ die Kait-  
tung vndereschidlich/ Sonnder/ allain Summarie vnnnd in pausch an-  
zaigen sollen/ Welches dann den Gestten zu grosser mercklichen  
beschwerung geraitet/ So Ordnen vnnnd beuelhen Wir/ mit allem  
Ersnt/ vnnnd bey vermeydung vnser vngnad/ vnnnd ernstlichen straff/  
vnnnd wellen/ das khain Viert oder Gastgeb/ hinsüro seinen Gestten/  
die seyen wer Sy wellen/ vnraine Speiß/ noch auch Zäch Gemacht  
Khomig/ noch ainich anndere schedliche Wein fürtrage noch gebe/  
auch die Kaittungen/ von wegen der Gest zörung/ nicht Summarie  
vnnnd in Pausch/ sonnder von Speiß/ Trancck/ Fütterung/ Stal-  
muet/ vnnnd andern sachen/ vnnndereschidlich thuet/ Damit ain yeder  
Gast wüssen müg/ warumben Er sein Gelt außgeben habe. Wo aber  
ain Gast/ bey ainem Viert ain zeitlang stil ligen/ vnnnd mit jme nach  
dem tag/ wochen oder zeit/ vmb ain genants abkhomen wolte/ das  
soll niemandt verpotten sein.

#### Vom Fürkhauß.

**W**iewol die gemainen Jar/ vnd Wochenmärckht/ in Stett/ vnd  
Märckhten/ darumben eingesezt/ verlichen vñ gehalten wer-  
de/ damit meniglich Reich/ vñ Arm/ alle waarn/ Gattungē/ Handt  
wercks

werchs beraitschafft, vnd sonderlich Profandt, Speiß, vnnnd anndere  
 hausznotturfft, auch alles das, so zu der Menschen gebrauch, Na-  
 rung, vnnnd notturfft dient, in rechtem gleichem, vnd faylem Khauff,  
 finden vnd belhumen mügen, vnnnd dardurch alle beschwörung, ver-  
 fortaillung bey Reichen, vnnnd Armen, verhüettet werde. So befin-  
 den wir doch in Täglicher erfahrung, das durch etlich vnserer Land-  
 leüt vnd Vnderthanen, Geislich, vnnnd Weltlich, auch Hochs, vnnnd  
 Niders stamnds, in vil weg züuerhinderung der gemainen Nug,  
 vnnnd verthierung aller waaren, durch fortailligen fürkhauß, gang  
 eigennüzigelich gehandelt werde, Vnnnd Innsonderhait werden wir  
 erinnert, das der selben etlich, in vbung vnnnd gebrauch haben möch-  
 ten, Nicht allain jr erwachsen, auch Zehendt, vnd dienst, Wein vnd  
 Traidt, in jre Rheller, vnd Rhässen, einzelegen vnnnd aufzeshütten,  
 vnnnd zu jrer gelegenhait, auch oft nit one verderbung der Edlen  
 Frücht, auftherung innen zubehalten, sonder das Sy, auch jre Vn-  
 derthanen, so sonst jre Frücht jrer notturfft nach, in die Stett, vnnnd  
 Märckht, auf die offne Jar, vnd Wochenmärckht, zuuersilbern gern  
 füreten, mit Gewalt dahin nöthen vnnnd dringen sollen, jnen jr Wein,  
 Getraidt, vnnnd anndere notturfften, etwo in schlechterm vnnnd ge-  
 ringerm werdt, Als Sy solches auf den Jar, vnnnd Wochenmärckht-  
 ten, Versilbern möchten, züuerkhaußen, vnnnd so Sy volgendts jre  
 gelegenhait ersehen, das das Traidt in auffschlag khumbt, Alsdann  
 die Vnderthanen, drungenlicher weiß, verrer dahin anhalten, das  
 Sy jnen solch Frücht mit der Kobat auf die Wochen, vnnnd Jar-  
 märckht führen, das auch etlich den Vnderthanen auflegen, wie hoch,  
 vnd Theur Sy die Waaren geben sollen, vnnnd wo der Arm Vnder-  
 than die Summa nicht erraicht, Sy mit ernster straff dahin hal-  
 ten, das Sy den abgang auß jrem eigen Deckhl, erstatten müessen,  
 durch welche vnbilliche, schedliche, vnnnd verderbliche handlung, vnnnd  
 fürkhauß, wie augenscheinlich am tag, alle Waar, Profant, Handt-  
 werchs beraitschafft, vnnnd Narung, so zü täglicher notturfft des  
 Menschen gebraucht wirdet, in so hohe erstaigerung, vnangesehen  
 der gueten geratenen Jar khomen, das nicht allain die täglich Na-  
 rung, sonder auch die belonung der Dienstpotten, Tagwercher, vnd  
 Arbeiter in gemain, vnser Landtleüt, vnnnd Vnderthanen in jrem  
 hauszhaben hochbeschwerlichen ankumbt, welch eigennüzig, vnnnd  
 schöddliche handlungen, Vnns auch zuegesezzen vnnnd zuegestatten,  
 khains wegs gemain ist. Demnach Ordnen, Sezen, Erclären,  
 vnd Gepieten Wir, ernstlich vnnnd wellen, das nun hinfüran khaine  
 vnserer Prelaten, Grauen, Freyen, Herrn, die vom Adl, Burger in  
 Stetten, vnnnd Märckhten, auch sonderlich die Pawerschafft, vnnnd

Vnnderthanen, auf dem Landt, auffer der Stett, vnnnd Märckht,  
sich thainerlay Khaufmanschaft, Handtierung vnnnd Fürthauffe,  
mit nichten vnd in thainerlay waar geprauchten, sonder was ain ye-  
der, so auff dem Landt sitzt, für waar, es sey Traidht, Süetterung,  
Holz, groß vnnnd clain Viech, Rhäs, Schmalz, Ryr, vnnnd in der ge-  
main alles anders, so Er inn, oder bey seinem Closter, Schloß,  
Haus, Mayrhoff, Pfarhoff, vnnnd Gründten erpaut, erzeucht, Zin  
in Zehenden, oder Diensten gefellt, vnd des selber nicht zu hausz not-  
turfft gebrauchen, noch darinn, wie hernachvolgt, Versilbern mag,  
vnnnd doch verkauffen will, das der solches alles in Vnser, oder Vn-  
serer Landtleüt, Stett vnd Märckht, auf die offen Jar, vnd Wochen-  
märckht bringen, vnnnd zu offem freyem khauf führen vnnnd sayl  
haben.

Es sol auch den Viertten, Fragner, vnnnd andern Fürthausen, in  
Stetten, für die Thor, vnnnd auf die Strassen, den Patwischleuten,  
entgegen zelauffen, vnnnd alle notturfft aufferhalb der gewondlichen  
Märckhtet fürgethauffen, bey schwerer straff genglich verpotten  
sein.

In denselben Jar vnd Wochenmärckhten, soll ain Sändl, Busch,  
oder Wisch, wie man solch zaichen yedes Landts gebranch nach-  
nennet, zu Summer vnd Winterzeiten, ye alweggen ain stundtlang,  
vnnnd nemblichen im Summer, bisz auf Michaelis, vonn Siben bisz  
auf Acht vhr, vnnnd im Winter von Michaelis bisz auf Georgij, von  
Acht, bisz auf Neun vhr, aufgesteckht werden, vnnnd als lang solch  
zaichen aufrecht, soll niemandt ander die saylen Pfennbert khauffen,  
als allain die angefessnen Burger, vnd Inwoner in denselben Stet-  
ten vnd Märckhten, vnnnd doch auch nur souil, als Sy zu irer eigen  
hausz notturfft bedürffen, Wann aber die stundt verschinen, vnnnd  
bemelt zaichen vnnnd Fendel weeg gethan, So soll alsdann nicht al-  
lain den Burgern, in derselben Statt, oder Märckht, sonder menig-  
elich, zu seiner hausz notturfft, auch den Burgern in denselben vnnnd  
andern Märckhten vnnnd Stetten, solche sayle Pfennbert, auf Gwynn,  
vnnnd verrier zuuersilbern, einzukhauffen gang frey sein vnnnd beuor-  
steen.

Es sol auch den angefessnen Burgern in Stetten vnnnd Märckht-  
ten, dergleichen den außlendischen Khauffleuten, nicht verpotten  
sein, bey vnsern Prelaten, Herrn, denen vom Adl, vñ Pfliegern, auch  
Pfarherren, Vicarien vnd Beneficiaten, derselben Patw, Zins, vnnnd  
Zehend

Behendt, Traidt, auch den Wein, in der gemein, an allen Orten, auf dem Gey, da derselb wechset, gepawt, gezinst, vnnnd gezehendt wirt, frey zukauffen, doch das die Kuszlendischen kauffer, solch Wein, die Sy auf dem Gey, auch in Stetten vnnnd Märckten khauffen, in den gewondlichen Ladstetten anziehen, auch den Getraidt, vnnnd Wein, die Sy bey den Schloßern, Elostern, auch Stetten vñ Märckten khauffen, an den Orten Sy des am negsten bekhummen, anschütten vnd anziehen mügen.

Damit auch in zeit fürfallender Kriego, oder Hungers not, vnser Burger schafftten vnnnd Innwoner in Stetten vnnnd Märckten mit Traidt, Mel, vnd anderer notturfft fürsehen, vnd dest statlicher erhalten werden mügen, So wellen wir hiemit, all vnnnd yeglich Burgermeister, Richter, vnd Rat, der Stet vnd Märckht, genediglich verwarnet vnnnd vermanet haben, das Sy bedacht sein, vnnnd Ordnung fürnehmen wellen, Nach gelegenhait jr yedes vermügen, bey jnen gemaine Traidtkasten auffrichten, vnnnd die mit Getraide notturfftiglich zufürsehen, vnnnd zubeschütten, Vnnnd auf das solches dest füeglicher vnd statlicher beschehen müg, So soll denselben Stetten vnnnd Märckten, auch zuegelassen, vnd vnuerwerdt sein, Nicht allain auff dem Landt, sonder auch auff den Jar, vnnnd Wochenmärckten, in obuermeler scundt, dieweil das Fändl, oder Ruch, auffrecht steet, vnd darnach jrer gelegenhait gefallen, vnnnd notturfft nach Traidt, vnnnd anders zue jren gemainen Traidtkasten, eingehauffen, vnnnd zü gemainer not zubehalten, auch dasselb zue gelegner zeit, wo sich des verderbens zubeforgen sein wolte, zuuerhüttung jres nachtails, wider zuuersilbern vnnnd zuuerkhauffen, vnnnd ander frisch Traidt, an desselben stat, wider züschtten, Doch das hierinn, bey vermeydung Vnnsrer schweren vngnad vnnnd Straff, aller geselicher, vnd aigenmüßiger fürkhauff, vnd verfortaillung verhüet, vnnnd allain gemeinem nutz zü guettem gehandelt werde.

So soll auch bemellten Prelaten, Herrn, den vom Adel, auch den Burgern, vnnnd Pawm, so nicht Wochenmärckht bey jnen haben, nicht verpotten sein, was Sy zü jrer hausnotturfft allain zuegebrauchen bedürffen, von jren negsten Nachpaurn, vnd aignen Vnderthanen, nach gemeinen Rheuffen, vnd rechtem werde, zukhauffen, Doch das hierinn khauff gefär geprauchet, sonder durch die Obrißghait vnd meniglich guet auffsehen gehalten werde.

Dergleichen wellen wir die Beckhen, Müllner vñ Fleischhacker,  
die zu

VX  
die zu verfehung irer werckhstet, sich mit Kell, Traidt vnnnd Viehe,  
yeder zeit verfehen, vnnnd solchs an allen Orten khauffen, auch ire  
Wfenwerdt vor der Kkirchen, vnd sonst in Flecken, wider verkauffen  
mögen, außgeschlossen haben, Doch das Sy von iren Obzighalten  
guet Passporten haben, damit die, in irem einkhauffen, khain gefar  
brauchen, sonder allain das, so zu irer werckhstet verfehung gehört,  
vnnnd weiter nichts ein, noch fürkhauffen, das Sy vnzergenzt wider  
verkhauffen.

Wann auch Vnnserer Lanndtmann oder vnderthan ainer, ain  
Viech khaufft, vnnnd dasselb ain zeitlang auff seinen Gründten selbst  
Kessit vnd pessert, volgendes seiner gelegenheit nach wider verkaufft,  
Wollen wir das solches für khainen Fürkhauff gehalten, sonder zue-  
gelassen sein soll.

Wir nemen auch hiemit auß, die Vaurzleüt, so sich der Wagen-  
fart insz Weinlesen, dergleichen zu verfürung allerlay Khauffman-  
schafft gebrauchen, darzue auch die andern Vnnderthanen, so nach  
verrichter irer Veldtarbeit, ire Nahrung mit dem Furerwerch auff  
dem Lanndt suechen, das dieselben Furerleüt, wo die in das Lesen,  
oder aber vmb Lon, den Burgern vnd Kaufleuten, auf Zarmärckt,  
Khauffmannszwar, oder Profanndt führen, zu ainer gegensuer in  
Stetten vnd Märckten, oder auff dem Lanndt, Wein oder Kost,  
auch Getraidt, Viech, vnnnd anders khauffen, vnnnd den Stetten,  
Märckten, vnnsern Lanndtleüten, oder derselben Eetafern zue-  
führen vnd verkhauffen mügen. Es sol auch sonst in denen Landen,  
darinn khain Weinwachs ist, den dreyen Stennden, von Prelaten,  
Hern, vnd Ritterschafft, so nicht aigen Weingarten haben, allain  
zu der selben jedes hausnotturfft, vnd Hoffstafernen, Wein zeführen  
vnd zeschenckhen, vnnnd nicht mehr gestattet werden, Doch das die  
Lanndtleüt solch Wein weiter nit, dann wie oblaut, zue irer hausz-  
notturfft, vnnnd die Viert, auff iren Eetafern zum verschenckhen  
brauchen, aber nit weiter vnnder den Raiffen verkhauffen sollen,  
Wellich vnser Lanndtleüt aber aigen Weingewachs haben, den soll  
dieselben zuuersilbern, vnnnd damit wie von allter heerthomen zehan-  
dlen beuorsteen.

Aber der Sämerhalber, so gegen Getraidt, Salz, oder anders,  
in die Lanndt, da solches der gebrauch ist, führen, auch von wegen  
zueführung aller notturfft zu den Bergwerckhen soll es hinfüran, wie  
von alter heer gehalten, inen jr notturfft zu irer gegensuer, zukauffen  
gestattet werden, doch alle Berg, vnd Taler außzelauffen, vnd alles  
auszelauffen, verpotten sein.

Vnd nach

Vnd nach dem biszher die Schiffleüt / so inner vnnnd aussen Landts in Stetten / Märckten / vnd Dörffern / bey dem Thonawstram / auch andern Schiffreichen wassern / gefessen / so Sy mit lärem zeug / in vnser Landt Osterreich omb Wein / oder Most gefaren / zu ainer Gegenfuer / Läden / Schindln / Latten / Raiff / Taufeln / Bass / Weinsteckhen / Panteschab / vnnnd Brennholz / vnsern Stetten / Märckten / vnnnd andern Fleckhen / so am wasser gelegen / zubefürderung vnnnd vnderhaltung des Weingartpauß vnnnd derselben Arbeiter zuegeführt / Welche waar nu vil Ditten / vnnnd sonderlich mit der menig / nicht gewondtlich auff die Wochenmärckht zuegeführt / sonnder an den Walden / bey den Sagmaistern / vnnnd Parwersfleüten / so die schlagen / vnd zuerichten / bestellt / vnnnd Gellt darauff fürgelihen / werden muesß / demnach soll nicht allain angeregten Schiffleüten / sonnder auch sonst meniglichen die seyen inner oder aussen Landts gefessen / solch ebestimbte waaren / so zu erparung des Landts gehörig / vnnnd notwendig / an den Walden / bey den Wintern / Steckhen vnnnd Taufelshiebern / Sagmaistern / vnnnd Parwersfleüten / so die machen künden / zubestellen / vnnnd auf Wasser vnnnd Landt an die gewondliche Ladstett / auch sonst an die Ort / da Weingarten gepawt / vnnnd es die notturfft erfordert / zubringen vnnnd zuuersilbern / vnuerpotten sein.

Vnd indem allem / soll alle gefar / vntrew / haimblich / vnnnd öffentlich eigennüßig Practiken / Vact / vnd handlungen / bey nachuolgung der Straff verpotten sein / darauff sonderlich / durch vnsern Landtgrafen / vnd dann die Herrschafften / vñ Obrigkeit / auf dem Landt auch in Stetten vnnnd Märckten / yeder zeit guet kundschafften bestellt vnd aufmerckhen gehalten werden soll.

Dann welcher / oder welche / wider dise vnser Ordnung in ainem oder meh / Puncten / vnnnd Articln / verprechen / vnnnd den Fürkhauff treiben / prauchen vnnnd oben würden / der / oder dieselben / sollen die fürgelhaufft Baarn / vnnnd Gattung / sambt dem khauffgelt / so offte vnd vil das beschiecht / vnnnd beweislich fürkhombt / on alle verschonung zu Straff / verwürcht haben / vnnnd solche straff / in drey tail getailt / Der ain / Vnno / als Landtsfürsten / der ander der Herrschafft oder der Obrigkeit / deren die straff gepürt / vnd der drit tail dem Anzaiger zuegestellt werden.

Es soll auch meniglich / so solch eigennüßige Fürkhauff sehen / merckhen oder erfarn werdē / zu fürderung gemaines Nug / dieselben

E D yeder

IVX  
yeder Herrschafft/oder Obrigkeit, der ennden, da solches beschiecht,  
vnd darunnder die Verpfecher gehören, bey vermeydung gleicher  
Straff, wie die Thäter selbs anzeigien schuldig sein.

Vnd welche Herrschafft oder Obrigkeit in volziehung obbe-  
stimbter straff, saumig erscheinen, dieselben, inn yeclichen Landt,  
durch vnnsern Landtmarschalch, Landtshauptman, Verweser,  
oder Anwälde, nach gelegenheit, vnd gestallt, irer vngehorsame vnd  
nachlässigkait schwärlich gestrafft werden.

Doch wollen wir vns, in allweeg hierinn behalten haben, des  
Getraids, dergleichen der Müllner, Beckhen, Fleischhackher, vnd  
anderer dergleichen Handtwercher halben, nach gelegenheit der  
Leuff vnd zeit, auch der gebrauch yedes Landts, Stett, Vnd Ort,  
durch vnnsere offne General oder in ander gebürlich weeg, besondere  
Ordnungen fürzunemen, vnd die notturfft zuuerordnen.

#### Von wuecherlichen Contracten.

Nach dem ons auch fürkhombt, wie bisz anheer in vnsern Nider-  
österreichischen Landden, manigfeltige wuecherliche Contract,  
die nit allain vnzimblich, sonder auch vnchristlich, wider Gott, vnd  
Recht, getiebt werden, Als das etlich ain Summa Geldts, als Acht  
hundert Gulden hinleihen, vnd doch in Khauff buef, mehr dann  
Tausendt Gulden, setzen lassen, dardurch jnen mehr, dann fünff,  
vom hundert verginst, vnd im widerkhauff, mehr dann jr haubt  
summa gewesen, emphaben, Deszgleichen das etlich sein sollen, die omb  
ain claine versäumung der zeit, so Sy zu der bezallung ansetzen, ain  
obermässig Interesse fordern, vnd mit der haubtsumma steigen vnd  
dieselben ombschlagen.

Item das etlich Getraidt, Vherdt, Tücher, vñ dergleichen waer  
an ain Geldt, khauffweis, anschlagen, vnd vil höher dann solche wa-  
ar jmer mag werdt sein, vnd dardurch ain mercklichen grossen wue-  
cher, als menniglich wissendt zuwegen bringen.

Item das etliche jr Geldt hinweckh leihen, vnd nemen vom hün-  
dert ain Nemlichs, vnd muesz der Entlehner, jnen darzue ain merck-  
lich dienstgelt, darumb Sy doch zudienen nicht schuldig sein, ver-  
schreiben, auch solch dienstgelt one bezallung der haubtsumma nicht  
auffschreiben oder auffagen dörfen oder mögen.

Item

Item das etliche allain Gellt an Nützig hinweckh leihen / lassen  
doch die verschreibung auff Gollt stellen.

Item das ain Nembliche summa Gellts / auch vergeblich hinlet-  
hen / aber dagegen muesz der Entlehner Zuen / etwo ain grosse waar /  
vnd gang in ainem geringen werdt / zustellen / darinn Sy ire haubt-  
summa vnnnd ain grossen geniesz / wol doppelt / oder dryfachtig haben  
vnd befinden.

Item etliche leihen jr Gellt / mit disen verpotnen dingen / vnnnd  
Dacten / hinweg / das der Entlehner zu vier Märckten / so die ime  
ernennen / ain Namhaftigs darfür verginsen / oder aufgelt geben  
muesz / thuet wol etwo mehr / dann von hundert zwainzig.

Die weil aber solche vnd dergleichen Contract / auch der Wuecher  
vngöttlich / in gemeinen geschribnen Rechten verpotten / So setzen  
Ordnen / vnnnd wellen wir / das solche vnrechtliche Contract vnnnd  
alle vnzimliche Dacta / geding / vnnnd handl / wie der genent / oder er-  
dacht werden mügen / ganglich vnnnd zumal vermitteln / vnnnd durch  
niemandts / was Wir den / Stanndt oder wesens der sy / sürgeno-  
men / oder gebraucht werden sollen / Damit allen Richtern / Geista-  
lichen / vnnnd Wellichen gebietendt / wann solche wuecherliche Con-  
tract / für Sy bracht / das Sy dieselben vnwürdig / Crafftlos / vnpin-  
dig erkennen / erklären / vnd Declarieren / wie wir Sy auch / als vn-  
crefftig vnd vnwindig / erklären / vnd erkennen / vñ auf solchen Contract /  
thain Execution / oder volziehung thuen / oder verhelffen / Zu dem  
das der ihenig so solchen wuecherlichen Contract / hinsüro künfftig-  
lich nach Publicierung diser vnser Ordnung oben wurde / den vier-  
ten tail / an seiner haubtsumma verlor / vnd derselbig seiner Obrig-  
kheit haingefallen / vnnnd auf solchen vierten tail / durch dieselbig Ob-  
rigkheit / gestrafft werden solle.

Vnd nach dem die widerkauffs Gültten / allenthalben in Zann-  
den gemein sein / so sollen mit hundert gulden haubtgellts / nicht mehr  
dann fünff gulden jårlicher Gültten / wie von allters gepreüchlich ge-  
kauft / vnd vnangesehen wie die Gülttverschreibungen gestellt seyen /  
verginst werden / vnnnd was darüber gegeben / genommen / oder gehan-  
delt / wellen wir das dasselbig / vnd alle andere / vnzimliche Dacta oder  
geding / für wuecherlich / vnnnd vncrefftig / geacht / gehalten / vnd von  
den Richtern nit darüber erkent / oder geurtailt / sonnder wie obbe-  
melt gestrafft werden solle.

Von gleicher Eln vnd Gewicht auch  
Wein vnd Traidt maß.

Nachdem in vnsern Niderösterreichischen Landden, an den mer-  
ern Orten nach der Wiener Eln, Gewicht, vnnnd Weinmaß  
khauffet, vnnnd verkaufft, vnd der Orten dahin die Wiener Eln,  
Gewicht vnd Weinmaß nach aines yeden Landts gelegenheit, ge-  
braucht wirdet, derhalben wol zimlich vnnnd pillich wär, das auch  
an allen Orten vnd sonderlich in ainem yeden Landdt, nach ainem  
gleichen gerechten vnd geprenten Megen, oder Traidtmaß khaufft  
vnd wider verkaufft wurde, Vnnnd wir ye ain hohe notturfft seiner,  
achten, das zu fürkumbung vnd verhüttung allerlay gefärd vnnnd  
betrug, so sich zwischen khauffern, vnnnd verkauffern zuerregt, in  
allen vnsern Niderösterreichischen Landden, vnnnd fürstlichen  
Graffschafft Görz, wo es jmer möglich ain gleicher Eln, Gewicht,  
vnnnd maß auffgericht vnnnd gebraucht werde, So beuelchen vnnnd  
wellen wir, das vnser Landtschafften ain yede besonder, zülhünff-  
tigen iren besamblungen, disen Artikel gleiche Eln vnnnd Gewicht,  
auch Wein vnnnd Traidtmaß belangend, in bey sein vnser yedes  
Landts Bisdomben fürderlich fürhanden nemen, nach notturfft  
erwegen vnnnd wie solche vergleichung auff die Wiener Eln, Ge-  
wicht, vnnnd Maß, oder doch wo solches nit sein khundte, in ainem  
yeden Landdt b. sonder ain gleiche Eln, Gewicht, vnnnd Maß der-  
gleichen auch ain einhellige Ordnung der Müllner halben, fürge-  
nomen vnd aufgericht werden müge, ain Ordnung verfassen, vnnnd  
stellen, vnnnd vns alsdann sollich jr bedencken vnnnd verfaßte Ord-  
nung, mit dem Seilten oberfenden, dann wir vns darinnen zuerse-  
hen, vnd verner mit Publicierung solcher Ordnung vnnnd in ander-  
weeg der notturfft nach haben zuentschliessen, Hie zwischenn aber  
so Segen vnd Ordnen wir, das ersilich an allen ortten vnnnd enden,  
do biszbeer das Wiener Gewicht, Eln, vnd Weinmaß geprauchet,  
die Obzigkheit derselben ortten jr vleissig aufsehen haben, das yeder  
zeit Inn vnd Außlender, sich in khauffen verkauffen ainer gerech-  
ten geprenten vnd zimten Wiener Eln, Gewicht vnd Wein-  
maß geprauchten, vnnnd das im Jar auffo wenigist zwaymal, sollich  
Ellen, Gewicht, vnd Weinmaß in allen Kramen, Fleischpenkhen,  
Läden, bey den Viertten vnnnd Weinschenckhen, zu vngewarnter  
zeit aufgehebt, geercht, zimenter vnd angossen werden, vnd bey wel-  
lichen vnngerecht Maß, Ellen, vnnnd Gewicht befunden, dieselben  
vnnablätzlich nachuolgender maß gestrafft werden solle. Der  
gleichen solle es an andern ortten, vnnnd in den Landden do nicht die  
Wiener,

Wiener, sonder ain ander Ellen, Gewicht, vnnnd Weinmaß ge-  
 praucht, obgemellter massen nach yedes Landts vnnnd ort gebrauch  
 vnd herkhomen gehalten werden. Wir ordnen auch das in ainer  
 yeden Statt, Marckht, oder in Dörffern der Neges viertail, oder  
 ander Traidmaß, wie die von alter heer gebraucht, von den Landt  
 gerichtten oder andern Obrighaiten die des hievor in gebrauch seyē,  
 geprennt, vnnnd abgeecht, auch nach kainen andern, dann sollichen  
 geprennten Neges, inner noch aussen der Jar vnd Wochenmärckht  
 vnnnd Hewser, weder verkhaufft noch gelhaufft werden soll. Verhal-  
 ben dann die Neges auch auffz wenigist zwaymal im Jar zū vnn-  
 gewarneten zeitten, durch die Obrighaiten an allen ortten auffge-  
 hebt, vnd damit in massen wie oben von Ellen, Gewicht, vnd Wein  
 maß gemelt, gehalten, vnnnd darinnen auch die Müllner mit jren  
 Neges verstanden werden sollen.

Vnnnd nach dem wir glaubwürdig bericht, das an vil ortten bisz-  
 heer nicht zū klainem betrug des gemainen manns, die Leütgeben  
 vnd Viert, in Stetten, Märckhten, vnd auf dem Gey, auch die Süet-  
 terer vnd Greißler in Stetten vnd Märckhten, so das schwär vnnnd  
 ring Trayd, Neges vnd Viertailweiß verkhauffen, in jren Heusern  
 vnd Läden nit die recht gehambt Weinmaß, sonder vil ain klainer  
 Maß, als Sy aussenhausz außgeben, so Sy Tisch oder Hausmaß  
 nennen. Auch die Süetterer vnnnd Greißler das Traid, vnd Süet-  
 ter, nach ainem klainern Neges, Viertail, Achtel oder Wässel, dann  
 dabey Sy es einhaufft, vnnnd wie sonst der enden der recht geprent  
 Neges ist, verkhauffen vnd außmessen, darin dan vil eigennüßig-  
 khait gesuecht, vnd befunden wirdet. So wellen wir sollich vermaine  
 Tisch, oder Hausmaß, auch Traid vnnnd Süetter maß genglich  
 auffgehebt vnnnd vernichtet haben. Vnnnd gebietten Dezen, vnnnd  
 Ordnen, das nun hinfüran all Leütgeben, Viert, vnd Weinschenc-  
 en, jr Wein, Met, Bier, vnd ander Tranckh, nach der gerechten vnd  
 abgehambten Wiener, oder sonst Landtpreüchigen maß inner-  
 hausz so wol als aussenhausz, zū gangen oder halben Achterin, vnnnd  
 Seytln verschenckhen, auftragen, vnnnd verkhauffen. Auch die Süet-  
 terer vnnnd Greißler das Traid vnnnd Süetter, an dem gerechten ge-  
 prenten, daran Sy es auch einhauffen, vnnnd kainen andern Neges  
 wider außmessen vnnnd verkhauffen, darauff auch durch die Obrig-  
 khaiten vleissig auffsehen gehalten werden soll.

Wir wellen aber in dem allem vnser, auch vnserer Prelatē, Herrn,  
 vnd vom Adel Castenmaß, vnnnd Verckhmaß, dauon vns vnnnd inen

bissher nach altem heerthomen, Wein, Most vnd Trayd gedient  
werden außgeschlossen vnd vorbehalten haben.

Welcher aber wider dise vnser sagung handln, vnd bey wellich-  
em vngerecht Eln, Gewicht, auch Wein vnd Traidemasz befunden  
wurden, der oder dieselben sollen on alle verschonung, aller masz vnd  
gestalt, wie hieoben beyrn fürthauß vermeldt, gestrafft, auch sollich  
straff nach gestalt der verprechung durch die Obrigkeit geschöpfft  
werden.

Souil dann den Fleisch, vnd Fischthauß belangt, Ordnen vnd  
wellen wir, das zuuerbüertung geuerlicher vertewrung, all Fleisch  
vnd Fisch von den Obrigkeiten in Stetten vnd Märkten, ye  
alwegen nach der zeit vnd leuffen geschägt, vnd auf zimlichen  
we dt gesetzt, auch in ains yeden kauffers willen gestellt werde, Fleisch  
vnd Fisch, nach dem Gewicht oder augen zethauffen.

#### Von Fürleihen auff Rhünfftig Frücht.

Wo sich oft begibt, vnd an vil orten gewonhait ist, das die vn-  
derthanen vnd Pawleut manigmal zu jren obligenden nottürff-  
ten von jren Herrn vnd andern fürleihen mit gelt oder waar auf Ir  
Rhünfftig frücht, Wein vnd Traidts, die noch das Erdtrich regt  
werben, vnd annemen, vnd darinn zuvil beschwörung der Armen,  
vnd aignem Nug der vermöglichen gehandelt wüdet, Demnach  
Ordnen, vnd Segen wir, Welcher oder welche vnser Landtleüt,  
Geistlich, oder Weltlich, Burger, Holden, vnd vnderthanen, hin-  
für auf Rhünfftig, Wein, oder Traidt, fürleihen, oder leihen annemen  
wellen, das solches annderst nicht geschehe, nach dem Rhauß, Wein  
oder Traidts, Rhain andere Summa, dann wie Wein, vnd Traid,  
baldt nach dem Lesen, vnd Schnidt, Nemblich der Most vmb  
samt Martins tag, vnd das Traidt vmb samt Michaels tag, in  
dem gemainen Mitlthauß, yedes Orts leuffig, gab, oder genng ist,  
bestimbt werde, vnd das der Vnderthan vnd Hold auf dieselb zeit  
die wal hab, sein Glaubinger, der im fürgeleihen hat, Quintweters  
die Frücht, in demselben Mitlthauß, oder das entnomen Geltt,  
doch mit gepürlichem Interesse, yedes jars von Zwainzig, ainen  
gulden zuerstatten, darzue auch ain yede Herrschafft vnd Ober-  
thait, jre Vnderthanen vnd Holden, halten sollen, Welcher oder  
welche, aber solch fürleihen, vnd Rheuff, anderer gestalt, vortailig  
handlen, vnd das erfahren wurd, derselb soll sein fürleihen verloren  
haben

haben/ vnnnd ain halb tail, den hauszärmen dürfftigen Leuten/ vnnnd der ander halb tail dem Ansgaiger/ vnnnd Erkhundiger/ oder wo thainer verhanden / der Oberkhat erfolgen/ welch Gellt auch also durch ain yede Oberkhat mit ernst eingehacht / vnnnd bestimbter massen/ außgetailt werden solle.

Von der Pupillen vnnnd Kinderjârigen Rhindern  
der Tutorn/ vnnnd Vormündern.

**W**erwol in gemainen geschribnen Rechten / ernstlich versehen vnnnd geordnet ist/ das den Pupillen vnnnd Kinderjârigen Rhindern / von iren Vormündern vnnnd Gerhaben/ mit allem vleisz vnnnd ernst fûrgestanden/ vnnnd derselben Nutz/ vnnnd wolfart gesuecht/ vnnnd gefûrdert werden solle / So thumbt vns doch in vil weeg glaublichen fûr/ das in solchen sachen/ von vilen Vormündern/ vnnnd Gerhaben/ versaumblich/ Rigenmûsig/ auch wol etwo betrûglich / vnnnd nit mit dem vleisz vnnnd ernst/ wie Sie zuthuen schuldig/ gehandelt werden solle/ alles zû mercklichem nachtl/ vnnnd schaden/ der Pupillen vnnnd Kinderjârigen/ dieweil aber vns / als Christlichem Rhûnig / vnnnd Reglerendem Landtshfürsten in Crafft vnser traganden Ampts zusehen vnnnd gepûren will/ hierinn gepûrlich einsehen zethuen/ vnnnd Ordnung fûrzûnemen/ damit diser grosser mangl abgestellt/ vnnnd die Pupillen vnnnd Kinderjârige Rhinder/ vnnuernachtailt bleiben/ So Sezen/ Ordnen/ vnnnd wellen wir/ das es nun hinfûro mit den Vormundtschafftten/ vnnnd Gerhabtschafftten/ der Kinderjârigen/ nachuolgender Mass gehalten werden solle.

Anfenglichen/ soll mit allem vleisz besehen/ vnnnd erkûndigt werden / ob den Pupillen/ durch ire Eltern in Testamenten/ oder letsten willen/ Vormûnder vnnnd Gerhaben benent / oder verordnet worden seyen/ vnnnd wo die verordnet / soll es bey solcher der Eltern verordnung bleiben.

Wo aber durch die Eltern thain verordnung besehen / sollen die negsten angebornen Freûndt / Welche sonst wo es zu fallen thomen solt/ in die Erbschafft steen wurden/ als Agnaten/ one besoldung oder genieß von der Obrighait / vnnnd nemblichen in Stetten / vnnnd Mârckthen / durch Burgermaister / Richter vnnnd Rat / auff dem Landt/ durch die Grundt Obrighait/ oder Gerichtsherrn/ vnnnd der Landtleut Pupillen in Osterreich vnnnd der Ennsz/ durch vnsern Landtmarschalch / vnnnd in den andern Landden / durch vnser

Landtsh-

Landtszhauptleut / oder Landtszuertweler / oder was Vrbar / vnd Ca-  
merguet ist / durch vnser Vgdomb zu der Verhabschafft verordnet /  
vnd verschafft werden / vnd wo die Agnaten solch Verhabschafft  
nicht annemen / sonnder sich derselben verwidern wurden / sollen Sy  
khünfftiger Erbschafft beraubt / vnd entsetzt sein / allain solch Agna-  
ten weren zu solchen Vormundtschafften vntauglich / oder weren an-  
der genuegsam vrsachen / darumben Sy deren pillichen erlassen wer-  
den sollen / verhanden / oder aber das solicher negster Freündt / zu des  
Dupillen gangen Erbschafft vnd Guet / selbst forderung vnd An-  
sprach hette / alsdann soll ime solche Vormundtschafft nicht auffgelegt  
werden / im faal aber / das ain Agnat / zu ainem tail des Dupillen  
Guet aussprach hette / soll alsdann ain Curator in Ritem / die sachen  
gegen dem Verhaben / haben auszuführen / verordnet / aber dise des  
Verhaben aigne Anspruch zu seiner entschuldigung enthebung von  
der Verhabschafft nicht gnuegsam sein / Dergleichen soll es gehalten  
werden / wann ain Verhab von der Oberhait zu grossen Ambtern /  
oder ferrer Kaisz fürgenomen wuerde.

Wo auch ainem Agnaten / oder negstem Freündt / mehr als aines  
seines abgestorbenen Freündts Verhabschafften auferlegt werden /  
also das Er zwo / drey / oder mehr Verhabschafften / der Sipschafft  
halben / versehen müesse / vnd aber denselben Verhabschafften all en-  
one sondern Nachtail / Schaden / vnd versaumbnuß der Dupillen /  
nicht statlichen vor sein / noch die verriichten khöndte / sollen alsdann  
die Dupillen vnd Winder jârigen / durch die Obrikhaiten / mit an-  
dern tauglichen vnd vertrautten Personen / ob gleichwol die / dem  
Dupillen nicht gefreündt sein / nach notturfft versehen werden.

Nach dem wir auch erinnert werden / das ye zuzeiten den Dupil-  
len mehr / als ain Verhab verordnet werden / vnd wir aber bey vns  
genediglich bedenkhen / Wo vil Verhaben sein / das nuer merer  
verhinderung vnd zerrüttlichait darauß erfolgt / vnd der Dupillen  
notturfft / auß vrsachen das ainer one den andern / nichts handeln wel-  
len / nicht dermassen / wie es sich gepürt / gehandelt / vnd verriicht wir-  
det / So wellen wir / das die vile der Verhaben abgestellt / vnd zu  
ainer Verhabschafft allain ain Verhab / oder wo beweglich vrsach-  
en verhanden / auff das maist zwen fürgenomen / vnd verordnet  
werden.

Im faal aber das khain Testamentlicher Verhab / noch auch kain  
tauglicher negster Blutsfreündt / so den Dupillen zu Verhaben ver-  
ordnet

ordnet werden möchte, verhanden, So soll alsdann ein ander tauglich, vnd im Landt, genuegsam angelesene Person, durch die Obrigkeit oben vermeldet, den Pupillen zu Verhaben verordnet, vnd gesetzt werden.

Diweil aber beschwerlich vnd ungepürlich, das ein Frembder, so zu einer Verhabenschaft verordnet wirdet, vnd kein hoffnung, künfftiger Erbschaft hette, vmb sonst dienen, vnd schwere verantwortung der Raittung vnd andere puerden/vergeblich tragen solte, so soll denselbigen, nach gelegenhait, grösse der Verhabenschaft handlung, vñ derselben Güetter, durch die ordenliche Obrigkeit, vñ Raitthandler, ein besoldung bestimbt, verordnet, vnd bezalt werden.

Vnd sollen obernente Verhabe, alle ire Pupillen vñ Pfliegkinder Leib, Haab vnd Guets, getreue vnd vleissige Vorsteer, vnd versorger sein, dieselbigen anfangelichen vnd vor allen dingen, zu der Ehre, vnd forcht Gottes, in der heiligen Christlichen Religion, vnd zu guter Erberkheit, Tugent vnd Lernung, guter Khunst auferziehen, Sy als Pfliegvätter bey jnen selbst, oder jren Küncktern, wo die eines Erbar gueten wandels, vnd wesens sein, Fürnehmlichen aber, was Kaidlen oder Frewlein sein ennthalten, die Khnaben alsbald Sy soult erwachsen, das Sy die Schuelen besuechen vnd lernen mügen, zu der Schuel, oder wo die zu der Schuel nicht geschickht, zu lernung anderer Khünst, vnd händl, dauon Sy sich Erbarlich ernieren mügen, oder doch zu Erbarn diensten halten, Vnd wo die Pupillen so Khnaben sein, etwas zu jrem allter komen, vnd derselben Freündt oder Verhaben, Sy von wegen lernung der Sprachen, Studierens oder anderer händl vnd vsachen halben, in frembde Landt, oder Ort schicken wolten, soll solches durch die Verhaben mit vorwissen vnd bewilligung vnserer nachgesetzten Obrigkeit, als Landtmarschalchs, Landtszhaubtleüt, Landtszuerwesser, der Grundt, oder Gerichtsherrn, oder Bisdombs, vnd in Stetten vnd Märckhten Burgermeister, Richter vnd Rat, auch des Pupillen negsten Freündtschaftt beschehen, vnd sollen solche Verhaben, in allweeg jrer Pfliegkinder Guet vnd sachen, zum trewlichisten, pesten, vnd nütlichisten handlen, derselben nutz vnd pestes, jrem höchsten versteen vnd vermügen nach, fürdern, Nachtl vnd schaden fürkhome vnd wenden, vnd alles dermassen handlen, wie Sy des bey jren gewissen vor Gott Christlich schuldig sein, vnd vor der welt Erbar vnd pillich ist.

Wir wollen auch, wo ain Verhab, im Lamdt mit genuegsamblich angelesen, oder sonst zu der Verhabschafft nicht gnuegsam wäre, das derselb, ob er gleich ain negster Freündt, oder durch den Testator in seinem Testament, oder seine verlassne Rhinder, haab vnnnd Guet zu ainem Verhaben benent, vnnnd gesetzt wäre, zu Verhaben nicht angenommen werden solle. Er thue dann zuuor der Obrigkeit oben vermeldet, neben seiner Ridspflicht, gnuegsame Caution, vnnnd versicherung, der Dupillen Güetter halben.

Berner so Ordnen, vnnnd wollen wir auch, das sich nun hinfüro kein Verhab, Er sey gleich Testaments oder Freündtschafft weiß, oder durch vnnsere nachgesetzte Obrigkeit verordnet, der Verhabschafft vnderziehe, die verwaldung sey Ime dann zuuor, durch dieselb Obrigkeit zuerkhent, vnd beuolhen, vnd sollen in alweg vnd vor alendinge durch solch Obrigkeiten oder Gericht, tauglich geschickt, vnd vnuerdechtig Commissarien gesetzt, vnd ain Ordenlich Inuentarium, aller brieflicher vnd hunden, Schulden, ligunder vnd varunder Güetter, aufgericht, vnd verfertigt werden, Was auch nach aufrichtung solches Inuentarij erkhaufft, erfragt, ererbt, oder mit Rechte vberkhome wirdet, das alles sol auch glaubwürdig zu dem Inuentario gebracht, vñ von stundan an den Rathhandlern, zue dem Rathpuech zulegen fürgebracht werden, wo Er das nicht thäte, soll derselb Verhab von stundan als verdächtlich von der Verhabschafft abgesetzt, vnnnd wo Er vermuetlich oder beweislich ichtes verhalten vnd veruntrewt hette, alsdann mit Straff, vnnnd allen behelffen des Rechts, als per Iuramentum in litem, dasselb den Dupillen wider zetheren Condemniert werden.

Wo dann die Rathandler für guet, vnd den Dupillen für nüglich ansehen wurde, die Güetter ainem Verhab, in ainem Bestande zuuerlassen, mügen dieselbigen, doch mit vorwissen der Obrigkeit, oder des Gerichts, nach eigentlicher, vnd gnuegsamer erkundigung, aller gelegenheit der Güetter, mit dem Verhaben ainem Bestand, one vernere besöldung, mit notturfftiger fürscheidung, das die Güetter nicht geschmöllert, vnd der Dupillen Arme vnderthanen, wo deren vorhanden sein, nicht beschwerdt werden, aufrichten, vnnnd derhalben gnuegsam Bestamdtbrief, mit allen notturfftigen Clauseln fertigen, vnd was den Verhaben, von der Dupillen Güettern, nicht verlassen wurde, dauon sollen Sy gewondliche jährliche Raytrung zethuen verpunden sein.

Es sollen

Es sollen auch alle, es seyen Rait, oder Bestandt Verhaben, vom Testator, Freünden, Obrigkeit, oder Gericht gesetzt, irer Verhabschafft handlungen halben, alle Jar jarlichen guete ordenliche Raitung thuen, vnd wo Sy für sich selbst, solche Raitung zuthuen nicht erscheinen, so sollen Sy alsdann auff der Raithandler anrueffen, vnd auf der Pupillen Cossung vnnnd Vottenlon erfordert, auch daneben zu solcher Raitung, ainem oder zwayen negsten Freünden, darzue verkhündt werden, da dieselben, in solch Raitung einredt haben, vnnnd in sachen notwendigen bericht thuen möchten, wo aber keine Freündt vorhanden wären, oder zu der Raitung nicht erscheinen, so soll nicht weniger, mit der Raitung fürgegangen werden, vnnnd die mangel vnnnd vnrichtighaiten, durch die Raithandler aufgestellt werden.

Vnnnd so die Raitungen also der notturfft nach vbersehen, vnnnd Justificiert, sollen alsdann die Raithandler dieselbig der Obrigkeit fürbringen, sambt irem Rat vnnnd guet beduncken, Darauff volgendts nach erledigung der sachen, durch die Obrigkeit der Verhaben, gnuegsame Raitbrief, vnd vkhündt, gefertigt, vnnnd darüber khain Verhab verner solcher handlungen halben, durch niemanden angesprochen belesstiget, noch in ainich weeg angemuettet werden, Es wäre dann in solchen Raitungen offennliche gefär gebraucht, oder ychtes in der Raitung außgelassen oder nicht eingebracht worden, vnd wo solch gefär oder außlassung, in der Raitung befunden wirdet, soll den Pupillen, vnangesehen der Raitbrief den Verhaben gefertigt vnd gegeben, jr notturfft gegen den Verhaben zehandlen beuorsteen.

Wo sich auch in den Raitungen, in ainem oder mer Articln ainicher miszuerstandt zuetruége, sollen solch miszuerstandt nach gnuegsamen bericht, der Raithandler, durch die Obrigkeit oder Gericht, fürderlich durch erkantnuß erleüttert vnd entschaiden, vnd den Verhaben ainiche verzugige, vnnnd vngepürliche außslicht nicht gestattet werden.

Wo auch ain Verhab außserhalb genuegsamer, vnd beweglicher vrsachen, ober beschehne erforderung, wie oben vermeldet seine Raitung, jarlichen zuthuen saumtig sein, vnnnd die nicht thuen wurde der selb Verhab soll, als verdächtigt abgesetzt, vnnnd ain ander tauglicher, an seiner stat verordnet werden.

IXX  
Vnd damit solche Raittungen / best ordenlicher vnd formlicher  
beschehen mügen / soll zu merern vnderrichtung der sachen / durch  
aines yeden orts Obrigkeit / ain Raitformular auffgericht / gesetzt /  
vnd inhalt desselben die Raittungen beschehen / vnd aufgenommen  
werden.

Es sollen auch alle Verhabschafften / mit vorwissen der Rait-  
handler von der Obrigkeit oder Gericht außgeen / vnd die Rait-  
handler ain ordenlich Raitpuech haben / darein sollen von stundan /  
solche Verhabschafften / auch Inuentarij beschriben vnd gelegt / vnd  
zu yeder Verhabschafft / sonder die jährliche Summa der emphang  
vnd außgaben / vnd der Rest / ordenlich vnd mit vleisz beschriben wer-  
den / da nit also den Verhabten / auch den Pupillen vorthünfftiger ir-  
rung vnd nachtail für gesehen vnd geholffen werde.

Vnd was also alle Jar jährlich an dem Emphang ober die Auß-  
gabn im vorrath vberpleiben würdet / das alles / wo es anderst souil  
das es ainen geniesz ertragen khan / sol als bald den Pupillen nach ge-  
legenhait solches vorrats / auff Eerlichen vnd Christlichen gewynn-  
geniesz vnd einhomen angelegt vnd verordnet werden.

Wo aber ain Verhabschafft ansehnlich vnd groß wäre / soll der  
Verhab von solchem Rest oder vorrat / ober fünff / oder das maist /  
ober Sechshundert gulden nicht inwendig behalten / sonder solch  
Gelt jeder zeit an ligende Güetter / oder sonst den Pupillen zu Nug-  
vnd guetem / anlegen / vnd verwenden / welcher Verhab aber hierin  
saumig vnd lässig sein würdet / vnd solch vberpleibend Gellts seines  
aignen Nug oder lässigkeit halben inwendig behalten / oder selbs  
gebrauchen wurde / derselb soll zu ainer straff schuldig sein / den Pu-  
pillen / das ihenig so inen das beuorsteend Gellts ertragen mögen vol-  
liglich zuerstatnen vnd zubezalen.

Die Weibs personen / sollen zue den Verhabschafften nit gelas-  
sen werden / es sey dann ain Erbare leibliche Muetter der Pupil-  
len / doch auch nit anders / als obgeschribner massen / nach erkantnuß  
der Obrigkeit / oder des Gerichts vnd Raithandler / vnd mit ainem  
Nitzgerhabten / vnd wo sich zuetruüg / das solch Muetter zu der an-  
dern Ehe greiffen wurde / soll Sy von stundan der Verhabschafft  
bemüessigt / vnd sollen die Stieffmuetter hierinn gar außgeschlos-  
sen sein.

Vnd im

Vnd im faal, das sich veränderungen der Verhabſchafften auß  
 pillichen vrsachen / oder auß Todtsfal aines Verhabens zuerüegen,  
 ſollen vonn ſtundan, durch die Obrigkeit Neue Verhabens verord-  
 net, vnd denſelben newgeordneten Verhabens, all vnnnd yede Güetter  
 ligund, vnnnd farend, inhalt des Inuentarij mit gueter ordnung ein-  
 geantwurt werden, vnangesehen ob die Raitungen von den verstor-  
 bnen Verhabens zuuor nicht beſchehen, ſonder anhengig worden wäre,  
 Vnd ſoll auß kainerlay vrsachen das lautter, mit dem vnlauttern ver-  
 hindert werden.

Wo auch ain Verhab, den Pupillen vbl/verdächtlich, ſchädlich  
 hauſet, oder derhalben ainicher ſchwärer verdacht auff ime were, ſoll  
 ime die administration vnnnd verwaltung der Güetter in verpot ge-  
 legt, vnd in ſachen gepürlich vnd notwendig, doch fürderliche Ingu-  
 ſition, nachfrag, vnnnd erkündigung auch beſichtigung der Güetter  
 gehalten, vnnnd volgendts darauff nach geſtalt vnnnd gelegenheit der  
 ſachen, der Pupillen notturfft, durch die Obrigkeit fürgenommen,  
 verordnet, vnd gehandelt, vnnnd darinn khain ſaumbnuß, verzug noch  
 verlengerung gebraucht noch geſtattet werden.

Was dann die farende, oder bewegliche, der Pupillen Güetter  
 belangt, welche durch ligen verderben, verlorn, oder vertragen wer-  
 den, darauff dann die Pupillen nachtl vnd ſchaden eruolgen möchte,  
 Wollen wir, das ſolche Güetter vnd varnuß nach inhalt des Inuen-  
 tarij, durch Erbar vnnnd Geſchworn Schagleüt, geſchägt, vnnnd mit  
 vorwiſſen der Obrigkeit Subſtañtiert, verkhaufft, zu gelt gemacht  
 vnd ſolch Gelt, in die Raitung gebracht, vnnnd an ligende Güetter  
 oder ſonſt den Pupillen zue beſſtem genieß, angelegt werden.

Aber ligunde vnbewegliche Güetter, ſollen anderſt nit, dann auß  
 genuegſamen vrsachen, vnd mit vorwiſſen ſtatlicher erwegung vnnnd  
 erkantnuß des Gerichts, vnnnd Raithandler verwendet, vnnnd in all-  
 weg erſelich die varunden vnnnd volgendts die vngelegniſten ligende  
 Güetter angegriffen werden.

Truege ſich dann zue, das die Pupillen farende Güetter als Klai-  
 der, Clainater, vnnnd dergleichen ſachen, ſo am ligen ſchadhafft vnnnd  
 lezer werden möchten, im faal der not nicht verkhauffen laſſen wol-  
 ten, ſoll alſdann ſolches der Obrigkeit angezaigt, vnnnd darüber ob  
 die verkhauffung beſchehen ſoll erkantnuß gethan werden.

Es soll auch kainen Pupillen, vor zwainzig jarn sein Guet oberantwort werden, angesehen, das dasselb vorgeend alter sonnderlichen zum liederlichen verthuen genaigt vnnnd genaturt ist, welches doch auch nit annders verstanden werden soll, dann so der Pupille mit zwainzig jarn heüßlich vnnnd Tugentlicher eigenschafft wär, ob Er aber liederlich vnd verthuenlich befunden vnd gespürt wurde, soll ime die Erbschafft vor Zwayundzwainzig jarn seines erraichten alters, nicht eingantwort werden, welche einantwortung auch allain mit Rath, vorwissen vnd erkhanntnuß der Obrigkeit, oder Gerichts vnd der Rathhandler beschehen soll.

Wo auch Zwainzig, vnnnd Zwayundzwainzig jährige, oder noch aines merern allters personen Prodigigang verthuenlich, vnnnd inen selbst verischwendlich, vnnnd verderblich gespürt, vnnnd befunden wurden, Ordnen vnd wellen wir, das solch die Freündt, wo dern ainiche vorhanden, schuldig sein sollen, solchen personen Curatores zubegern oder soll inen sonst ex Offitia von der Obrigkeit Curatores vnnnd Sorger gegeben werden, die alle Güetter ligund vnd farend ordentlich beschriben vnnnd Inuentiert, vnnnd den verordneten Sorgern zue Administriern oberantwort, Vnd fürnemblichen alle Alienationen one mittl durch sondere offne Mandat nidergelegt, vnnnd eingestelt werden, wann dem gemainen Nutz nit wenig daran gelegen, das ainer seiner selbst aignen Güetter sich nicht misprauche.

Es sollen auch in allen Verhabschafften vnnnd Curatoreyen, die Mütter, sonderlich wann Sy sich mit anderer Ehe beheyraten, vnd ain yeglicher negster Freündt verpunden sein, den vnmündigen, oder verthuenlichen personen in jars frist Verhaben, oder Curatores, bey der Obrigkeit oder Gericht, vnd den Rathhandlern zubegern, alles bey verliering künfftiger Erbschafft, Ob sich auch zuetruөг, das ainer seiner Synn beraubt, vnnnd mit schödlicher vn Sinnigkheit beladen wurde, soll es hie negst obbeschubner massen mit desselben person vnd Güetter n gehalten vnd gehandelt werden.

Wann sich dann zuetregt, das vnuogtarn Kindern, Mütterliche oder anndere aigne Güetter erblichen abfallen, Sol derselben Kinder, der Seleiblicher Vater, wo der im leben ist, auch one erkhentnuß der Obrigkeit, Verhab, vnnnd zu kainer andern Raittung, der nuzung oder niesung halben verpunden sein, als allain das er vonn stund, an in einnehmung solcher Güetter, dieselben vnuerdächlich durch Commissarien Inuentiern, vnnnd beschreiben lasse, vnnnd solches bey  
den

den Rathhändlern, in das Verhabpuech bringe, damit solchen Rhindern das Eigenthumb, wesentlich vnnengeschmellert bleibe, allain der Vater wär ain verthuenliche vnnugnuesame Person, alsdann sol es, wie hieoben anndrer vntauglichen Personen halber geordnet, gehalten werden. Aber die Stieffvötter sollen ganz außgeschlossen sein.

Wann ain Rechte, oder Stieff Muetter der Pupillen von iren verstorbenen Ehwirt, ain gemain vnderpfandt aller Güetter hatt, wie dann an mehr Orten gepreüchig ist, soll solche Rechte, oder Stieffmuetter alszald nach jres Ehwirts abgang, aller ligunden, vnnnd varunden Güetter, ain ordenlich vnuerdächtig Inuentarium aufzerichten schuldig vnnnd verpunden sein, wo Sy aber solches nicht thäte, soll Sy das Vnderphandt mit solcher verdächtlichkeit verwircht haben, Doch Ir vorbehalten sein ire andere gerechtighaiten, zu den Güettern zusuechen wie Recht ist.

Es soll auch die abuertigung solcher Muetter, durch die Verhaben mit müglicher fürderung beschehen, Angesehen das den Rhindern dauon nicht wenig nutz, vnd wolffart, erspriesen, vnd oft nachtailliger, vnd verderblicher schaden verhüet werden mag.

Ob auch gleichwol die Muetter Verhab wär, so soll nicht minder die abuertigung außzaigung durch die Verhaben yetzt gehörter massen beschehen, damit die vngerechtighaiten, so auß irriger vermischung der Güetter enstehen mag, verhüet vnd fürkomen werde.

Wo sich auch zuetregt, wie dann oft, vnd vilmaln beschiecht, das ain Ellterer Brueder, der jungern seiner Brüeder als negster Agnat Verhab würde, vnd von seinen jungern Bruedern abgetailt ist, oder durch den Vattern ain Aufsatzgen der Güetter beschehen, Sol sich solcher Ellter Brueder in der Verhabschafft allermassen wie oben von andern Verhaben vermeldet, halten.

Ist Er aber von seinen gepreüedern engetailt, vnd in der gemainschafft der Güetter, so soll Er nichts minder das ordenlich Inuentarium, aufzerichten, auch die Raittung volziehen, oder die sachen mit jme auf ainen Bestandt gehandelt, vnd sonst allermassen wie in den vorgehenden Articln meldung beschehen ist, gehalten werden.

So soll auch der Ellter Brueder, der sich der Administration gebraucht, mit seinen jungern Brüedern, so Er die hat, vmb jren tail  
der

der Nutzung, in beywesen der negsten Freündt, den Bestanndt ma-  
chen vnd beschliessen, vund alsdann derselb Bestanndt dem Herrn  
Landtmarschalch, Landtszhauptleuten, oder der andern nachge-  
setzten Obrigkhaiten anzeigt werden, damit also die jüngern Bräu-  
der, durch die Eltern nicht veruortailt werden.

Es sol auch khain Verhab, sein Vleg Tochter selbs zu der Ehe  
nemen, die auch khainem andern, als mit vorwissen der negsten  
Freündt, vnd der Obrigkhait, zu der Ehe versprechen, noch khainer-  
lay Guet seines Pupillen, in waserlay schein oder Contráct, das  
wäre zu sich, in sein gewalt vund Nug pringen, wo Er aber das  
oberfuer, soll gegen demselben mit gebürlicher Straff verfahren wer-  
den.

Demnach Sezen, Ordnen, vnd wellen wir, das in allen vund ye-  
den Verhabschafften dise obgeschribne unsere Ordnung, stat vund  
vestiglich gehalten, vnd derselben nachgegangen vund gelebt wer-  
den soll. Es wäre dan sach, das der Testierer in seinem Testament,  
oder letzten willen seiner Rhinder vund verlassenschafft halben, son-  
dere Ordnung gemacht, vnd hindter sein verlassen herte, alsdann soll  
es dabey auch bleiben, man befunde dann spürliche vnd augenschein-  
liche verdächtlichkeit, vund schaden der Kinder, in demselben faal, sol-  
len die sachen zu erleütterung vund erkantnuß der Obrigkhait, oder  
Gerichts vnd der Rathandler gestellt sein.

#### Von den Zech, Probsten vnd Vhlegern der Kirchen vnd Gotszheuser.

Nachdem wir auch, auß täglicher erfarnhait, in Erinnerung tho-  
men das der Kirchen, vnd Geistlichen Stiff Gütter, so durch  
unsere Vorfarn, Löblicher gedächtnuß, vund ander Christglaubige,  
Gottforchtige Menschen, dem Allmechtigen zu Lob, Eer, vnd preiß,  
vund zu hayl irer Seelen, auß Christlichem, wolmainenden, getrew-  
em gemüet, zu den Kirchen vund Gotsheusern verstift, gewidembt,  
vund gegeben worden, durch der Kirchen Probst, vund Kirchen  
Vhleger, lässigkhait, vnd vble eigennüziige hauswirtschaft, an mer  
Dritten, vnnüßlich verschwendt, vund angewendt werden, Daraus  
dann auch erfolgt, das die Kirchen, vund Stiffungen, zue nicht  
geringer schmellerung, der Eer, vund Lob Gottes, in mercklichen  
abfaal thomen. Also, das die notturfft, höchlich erfordern wil, das  
hierinn auch zeitliche Einschen beschehe. Demnach vund dieweil  
vass

dass ain yede Kkirchen / in vnsern Niderösterreichischen Landden,  
 vnnnd Fürstlichen Graffschafft Görz, ainen Vögt, oder Lehenherrn,  
 hat, vnnnd bey etlichen derselben Vögten oder Lehenherrn der ge-  
 brauch ist, wann die Kkirchen Pröbst, oder Vbleger der Kkirchen,  
 irer handlungen, Einnehmens vnnnd Außgebens Kayttung thuen  
 sollen, das allwegen der Vögt, oder Lehenherr, oder wen Sy dar-  
 zue, an irer stat verordnen, bey solcher Kayttung sein, vnnnd dieselb  
 vonn den Kkirchen Pröbsten, oder Vblegern aufnehmen. So Ord-  
 nen, Segen, vnnnd wellen wir, das solcher Ordnung, nun hinsüro  
 gleicher gestalt, an allen Orten, obermelter vnnserer Fünff Nider-  
 österreichischen Landde, vnnnd Fürstlichen Graffschafft Görz, nach  
 gegangen, vnnnd sárlich Kkirchen Kayttung, in beysein aines yeden  
 Vharherrn, Ordenlich gehalten werden, Vnnnd wo in solchen Kayt-  
 tungen, die Zech, Pröbst, oder Kkirchen Vbleger, den Kkirchen vnnnd  
 Vortheüßern, jchtes schuldig, oder ain oberflusz, verhanden seinn  
 wurde, so soll derselbig Rest, in ain Rad oder Truben, so aines ye-  
 den Orts, darzue verordnet werden soll, gelegt, vnnnd der Lehen, oder  
 Vogt herr ainen, der Vharherr den andern, vnnnd der Zech, vnnnd  
 Kkirchen Pröbst, oder Vbleger den dritten Schlüssel, darzue haben  
 Auch die Zech, vnnnd Kkirchen Pröbst, vnnnd Vbleger außserhalb vor-  
 wissen vnnnd bewilligen, der Vögt, oder Lehenherrn, kein Außgab  
 zuthuen macht haben, vnnnd sollen die Vögt, oder Lehenherrn, vonn  
 der Kkirchen Gellt, zue irem aignem Nus, nichts nemen, noch ge-  
 brauchen, Sonnder aller Rest, vnnnd vorrat an Gellt, den Kkirchen  
 zu pesttem nus, yeder zeit angelegt werden, Vnd In sonderhait die-  
 weil solche Kayttungen biszbeer mit grosssem vncofften beschehen, vnnnd  
 also die Kkirchen gefell, dar durch verschwendt werden, soll nun hin-  
 süro, solcher vergebllicher vncofften, genslichen abgestellt vnnnd ver-  
 hüettet werden.

### Von den Arzten vnnnd irer belonung.

DZweil ons auch in vil wege, glaubwürdig fürkumbt, das etliche  
 Arzt, so Sy zu den Khrancken berüefft werden, die Leüth mit  
 der belonung ganz beschwárlich halten, dringen vnnnd schágen, vnnnd die  
 Armen, so nit Gellt haben, gar nit besuechen, sonder hilff vnnnd trost-  
 losz, verlassen sollen, welches aber ye beschwárlich, vnnnd khains wege  
 zuegesehen, Demnach Ordnen, vnnnd wellen wir, das all vnnnd yede  
 Arzt, so wie oblaüt zu den Khranckhen berüefft werden, bey ver-  
 meydung

III XX  
meydung ernstlicher straff meniglichen mit irer khunst, trewlich vnd mit pestem vleisz, hilfflich, Ratsam, vnnnd beystendig sein, vnnnd des, auffer gnuegsamer verbinderungen, niemandt walgern, verziehen, noch verkhürzen, Daentgegen soll ainem Arz, so nit Provisioniert, oder bestellt ist, vnnn ainem yeden gang, als offft Er zum patienten, oder Khranchen berüefft wirdet, vnnn den vermüglichen Personen Zwainzig Creüzer, von den gemainen vnstatthafften Personen vnd Diener zehen Creüzer gegeben werden.

Wurde aber ain Arz, zu ainem gar Armen, der obbestimmbten Lon zugeben nicht vermöcht, berüefft, solchem Armen dürfftigen Khranchen soll der Arz, on ainiche belonung, vnnb Gottes willen, auß Christlicher Brüederlicher Lieb, vnn in erwegung, das im solches von Gott in ander weeg erstat werden khan, gewärtig vnnnd willig, auch mit seiner khunst, trewem Rath, vnnnd beystaandt, zuhelffen schuldig vnd verpunden sein.

Ob dan ain Arz, auß den Stetten, von yemandt auf das Landt hinauß berüefft wurde, soll Er wie obsteet, sich desselben auffer gnuegsamer Redlicher verbinderungen nit walgern, Doch soll der, so nach dem Arz schickht, auf sein aigen vncosten, jne mit Koss, Fuor, vnd Zerung, hin vnd wider bringen, vnnnd jme doch dargue, zu ainer belonung, von yeder Meil, die der Arz zu dem Berüeffter zuziehen hat, zwainzig Creüzer, vnnnd als offft Er ainen gangen tag stil ligt, ain Keinschen gulden, zu Sechzig Creüzer oder Fünffzehen Paßgen gerait, neben der vnderhaltung geben, Aber am wider haimbziehen, soll dem Arz für die Meilen der Lon der zwainzig Creüzer nicht bezallt, auch vber dise Sagung niemandt beschwerdt werden.

Wo dann ain Arz, zu ainem berüefft wurde, in welches Prott, mer als ain Person khranch wer, soll dem Arz yedes gangs, für dieselben Khranchen Personen alle nit mer, als ob Er nuer ain Patienten daselbst besuchet, obgehörter massen gelont werden.

Doch soll niemandt verwordt sein, ains yeden gueten willen nach den Arzten nach gestaltsam irer gehalten müe vnd vleisz, ychtes vber obbestimmbten Lon zuuereeren.

Dann so Ordnen, vnnnd wellen wir auch, das die Appoteccken durch der Obrigkeit darzue verordnet, vnd der sachen verstendige Personen, allenthalben Ordenlich, vnd aufs wenigst, jedes jars ain mal, vleysig Visitiert, vnd besichtiget, all alt verlegen, vnnnd vntaugliche Materialia, vnnnd Speties abgeschafft, sonder maß, vnd Ordnung gegeben, damit die Appoteccken, mit guettem f. ischem, vnnnd gerechten Zeug, vnd Materialien versehen, auch die Recept, nit zue hoch gestayert, vnnnd niemandt in begalung der Arzneyen zuul beschwärdt werde.

Von Aduocaten, Procurator, Schrifftmachern,  
vnd Supplication Schreibern.

Nach dem Vnns anlangt, das etlich Aduocaten, Procurator, Schrifftmacher, vnnnd Supplication Schreiber, die Partheyen von denen sy gebraucht werden, zumblich hoch, vnnnd hart vbernehmen vnnnd beschwären sollen, Vnnnd aber der vngleichait halber, so in den Länden vnnnd bey den Gerichten allenthalben in Processen befunden würdet, nicht wol ain gewisse maß, für geschriben noch gegeben werden mag. Demnach Ordnen, Sezen, vnnnd wellen wir hiemit ernstlich beuelchend, das bey vnserer Niderösterreichischen Regierung, auch vnsern Landtmarschalch, vnnnd Landtshaubtleuten sambt den Verordneten, vnnnd Beysigern, jeder Hof vnnnd Landt, rechten, auch von Burgermaistern, Richtern, vnd Rätthen in Stetten der ebestimbtten Personen belonung, vnnnd auch benäntlich der Taxen halber, Erbar vnd zimbliche Ordnungen fürgenomen, vnnnd aufgericht, damit khain Parthey wider die gepür, vnnnd pillichait beschwärt, vnd sonderlich die Armen vnuermügigen nit recht hilff, noch weyß lose gelassen, Sonnder jnen so wol one, als den Keychen vmb Gell, gedient vnd geholffen. Vnd ob dem allem von den Obrigkeiten vleysig vnd ernstlich gehalten werde.

So wellen wir auch, allen Obrigkeiten vnnnd Richtern hiemit ernstlich auffgelegt vnnnd beuelhen haben, den Partheyen jeder zeit schleinigs Rechtens fürderlich vnd vnuerzüglich zuuerhelffen, vnnnd die Aduocaten, vnd Procuratores, mit gepürlichem Ernst, vñ straff dahin gehalten, die sachen geuärlicher fürsäglicher weyse, nicht auffziehen noch zuverlengern, sich auch des Zniurierens vnnnd schmähes in Schrifften, Rechtsägen, oder Fürträgen gegen einander genzlich zuenthalten.

Von ledigmüessigen Personen.

Nach dem vil lediger/müessigen Personen allenthalb durch vnse  
 re Landt, hin vnd wider ziehen, stilligen, Zeren, vnd Kaysern/  
 deren thuen vnd fürnemen unbekant, vnnnd deszhalben nit wenig ge-  
 fährlich vnd beschwärllich sein. Demnach wellich ledig Personen zü-  
 pawen Weingärten, oder ander arbeit vnnnd tagwerckh geschickt  
 wären, die sollen dem Gericht oder der Herrschafft, an dem ort da sy  
 arbeiten, gehorsam thuen, vnnnd vnderworffen sein, wie sich gepüert/  
 Vnd die Obrighaiten, sollen vermüg vnserer hievor außgezangner  
 Mandaten, sollichen frembden unbekantem müessigern vnnnd  
 streichern, den Müessigang, darausz allerlay leichtfertigkeit, vbel  
 vnnnd schaden gewondlichen eruolgt, nicht zusehen noch gestatten,  
 sonder dieselben darumben vnnnd fürnemblich, so sy an den wercktä-  
 gen müessig gesehen werden, rechtfertigen, vnnnd wo Sy darüber  
 ferner müessig betreten, nyndert gestattet, oder gelitten werden,  
 Aber ain yeder Herr, soll bedacht sein, khainen ledigen knecht fürter  
 khain Gresten, noch ander Weingart arbeit, in bestanndt oder ge-  
 ding, auch khain Weingart oder ander Gründe erblich zuuerlassen,  
 allain Er sage zue, sich nach gelegenheit der zeit, vnnnd fürnemblich  
 innerhalb zwayen Jaren im Landt heüßlich nider zesehen.

Dann das Anuogeten der Vogtknecht, vnd Schermleut, sol hin-  
 füro allenthalben in vnsern Niderösterreichischen Landden, bey me-  
 niglich, Hohen Nidern Stammdts, gang absein.

Von Schotten vnd Saffoyern, ic.

Dzweill wir auch bericht sein, der beschwörung vnnnd geprechen/  
 so sonderlich die Ster vnd Märckht, in vnsern Niderösterrei-  
 chischen Landden bißher mit den Schotten, Saffoyern, Welschen  
 Mauren, Rauchfangherern, vnd dergleichen Außlendischen vnnnd  
 vnangesehenen Kramern vnnnd Landtfarern getragt haben. Dem-  
 nach auß beweglichen vrsachen, Gebietten, vnd wellen wir, das hin  
 für kainer derselben Schotten, Saffoyern, Welsch Mauren, Rauch-  
 fangherer vnd dergleichen vnangesehenen Kramer, vnnnd Landtfarer  
 zwischen den Zarmärckhten, in vnsern Landden, sayl haben soll/  
 Er sey dann in vnsern Landden in ainer Statt, oder Märckht an-  
 gesehen, hab auch Burgerrecht, vnnnd vonn solcher Statt oder  
 Märckht ain genuegsam vrkündt, vnnnd glaubbrieff, darinn Sy be-  
 khennen, das Er jr Mitburger sey, Alßdann mag Er an den orten,  
 wie ander e

wie andere Kramer im Landt sein Kram auffschlahen, vnnnd fayl haben, doch nicht hawsiern, welches auch allen Burgern verpoiten sein soll. Welcher aber nicht angelesen wär, vnd sollich Brief wie yez gemelt ist, mit het, der sol nicht in vnnsern Landden auffschlahen, noch fayl haben, dann allain auff den Zarmärchten vnd Rirchtäggen, vnnnd sonst in thainen weeg. Vnnnd omb deszwillen sollen die Burger in Stetten vnd Märchten, aller Khauffmanswaar vnnnd Gattungen, allzeit nach gelegenhait der leuff zimbliche Wfenwerdt, in recht fayllem kauff, vnnnd guettem werdt geben. Wellicher Schott, Saphoyer, Maurer oder Rauchfangtherer, auch nach eröffnung diser vnnsrer Pollicey ordnung, in ainem halben Jar betretten, vnnnd befunden wurde, das Er derselben vnser Ordnung zewider gehandelt, der soll das Landt zuraumen, oder aber Burger zu werden, gewissen werden. Aber wellicher nach ausgang des halben Jars, der gemelten Publicierung, als ain obertretter sollicher Ordnung befunden wurde, dem soll erselich durch die Obrighaiten der zehent tail, Zum anndermal der halb tail, vnnnd zum dritten mal sein waar, Hab, vnd Kram, gar mit ainander genomen werden. Doch hierinn außgeschlossen, wo wir mit vnserer Hoffhaltung sein, da soll gedachten Schotten, Saphoyern, vnnnd dergleichen Personen, jr Kram außzuschlagen zuegelassen sein.

### Von Zettlern.

**W**ir wellen auch, das ain yede Obrighait, der Zetler halben ain Ernstlichs einsehen thue, damit niemanden zupetlen gestattet werde, der nit mit schwachheit oder geprechen seines Leibs, beladen, vnd des nit nottürfftig seye. Dergleichen das der Zetler kinder, so Sy jr Drott zuuerdienen beschickt sein, von jnen genomen, vnnnd zu den Handtwerchen, oder sonst zu diensten geweißt werden, damit Sy nit für vnd für, dem Zetln anhangen, Item das auch die Obrighaiten auf Erbar Christlich wege, vnd das mittel bedacht seyen vnd fürsehung thuen ob, vnd wie ain yede Stat vnd Commun, ire Armen selbst ernöden, vnd vnderhalten möchte, vnnnd den Frembden nicht gestattet werde, an ainem yeglichen Ort vnnsrer Niderösterreichischen Landde, vnnnd Fürstlichen Graffschafft Görz, zupetlen, sonder wo solche frembde, vnnnd andere Starcke Zetler befunden, das dieselben aufgepunden, besichtigt, vnd wo die Argwenig er funden, vermüg der Rechten, oder sonst gepürlich, andern zu Exempel gestrafft werden, Es wär dann sach, das ain Statt, Markt, oder Flecken, also mit vilen Armen beladen, das Sy der Ditten nicht

G iij möchten

möchten erneert werden, So soll die Obrigkeit, dieselben Armen/  
mit ainem Brieflichen, schein vnd vkhundt, in andere Stet, Märck,  
oder Flecken, zufürdern macht haben, Item ain yede Obrigkeit  
soll auch an Ditten, da Spital sein, darob vnnnd daran sein, das die  
Armen Leüth in den Spitalen fleissig vnderhalten vnnnd gehandt-  
habt, der Spitalmaister, oder derselben verwalter Raitungen, jähr-  
lich aufgenommen, auch die Spital auf das wenigst im Jar ainmal  
von der Obrigkeit Visitiert, vnnnd Einsehung gethan werden, das  
die Nuzungen, vnd gefell, zu thaimen andern sachen, dann allain zu  
vnderhaltung, der Armen nottürfftigen Leüth, vnnnd zu guettem  
barmherzigen Sachen vnnnd wercken, gethert, vnnnd gebraucht  
werden.

### Von den Juden.

**W**erwol wir auff glaubwürdige erinnerung, das sich die Juden/  
welchen wir an etlichen Duten vnserer Niderösterreichischen  
Fürstenthumben vnd Lannden, zuhause, vnnnd zu wonen, auß gna-  
den zuegelassen, vnnnd bewilligt, Nicht allain mit irem vnzimlichen,  
vnd vnleidlichen besuech, vnnnd Buecherlichen Contracten, vnserm  
Christlichen volck, vnnnd Vnderthanen, zu derselben beschwärlich-  
en, vnnnd verderblichen Nachtl, vnd schaden, sonst in vil  
ander weeg, sich allerlay böser ergerlicher, vnnnd lasterlicher thaten  
zu schmach, verschimpfung, vnd verachtung vnserer Heiligen Christ-  
lichen Namens, Glaubens, vnnnd Religion vben, vnnnd gebrauchen,  
Welche ergerliche böse handlungen, merern tailt auß dem eruolgen  
sollen, das Sy die Juden an mehr Ditten, on alle Jüdische zai-  
chen, vnd on vnderschied der Klaidungen, vnnnd trachten, vnder den Chris-  
ten wonen, vnnnd wandlen, vnnnd von denselben nicht vnderscheiden,  
noch erkhendt werden, in denselben vnsern Niderösterreichischen  
Lannden, durch vnser offen General vnd Mandat, gesetzt, vñ geor-  
dent werden, das alle vnd yede Juden, so in Ermellten vnsern Ni-  
derösterreichischen Lannden gefessen sein, vnd darinn hin vnd wider  
handlen vnnnd wandlen, zu ainem zai-  
chen, daran Sy von den Chris-  
ten vnderscheiden, vnnnd erkhennt werden sollen, Nun hinsüro an  
iren obern Köckhen oder Klaidern, auff der Linckhen Seiten,  
vornen an der prust, ainem Gelben Ring, von ainem Gelben Tuech  
gemacht, offenlich, vnnnd vnuerporgen tragen sollen, Mit der ange-  
hengten Deen, wo ainer, oder mehr, auß den Juden vnser Sagung  
vnnnd Ordnung, vbertretten, vnnnd sich obbemelts zai-  
chen nicht ge-  
brauchen wurde, das der zum ersten, vnd andern mal, die Klaidung  
so Er

so Er angetragen, vnd alles das ihenig so bey jme befunden wurde, verwürcht haben, vnd der halb tail dem ansaiger, vnd der vbrig halb tail der Obrigkeit oder dem Gericht, darunder der Jud also one zeichen betretten worden, zusehen, vnd eruolgen, Im faal aber das Er zum dritten mal betretten wurde, das Er nicht allain yeghörter massen, die Klaidung, vnd was bey jme befunden wurde, verwürcht haben, sonder Er, sambt seinem Weib vnd Kindern, noch darzue vnd als baldt aller vnserer Osterreichischen Fürstenthumben vnd Lannden, in Ewig zeit verweisen werden, Doch wann Sy die Juden irem gewerb vnd notturfft nach, ober Lanndt ziehen, solch zeichen auff der Strassen zutragen nicht schuldig sein sollen, bis Sy in ire Herbergen vnd Nachtleger, in die Stett, Flecken, oder Dörffern thomen, alda Sy das zeichen wider herfür nehmen, vnd tragen, vnd sich dardurch für Juden zuerkennen geben sollen ic. Wie dann solch vnser Sagung, Ordnung, vnd Mandat merers mit sich bringt, So werden wir doch yest erinnert, das die Juden die Gelben Ring innhalt vnserer außgegangnen, vnd öffentlich Publicierten Mandat, nicht sich bar noch öffentlich tragen, sonder zuuerpergung solcher Ring, inen ire Röckh zu vleisz mit grossen vberszlegen dardurch die Ring verporgen, vnd verdeckt werden, anmachen lassen, vnd tragen sollen, Die weil nun aber pillich, das obberüerttem vnserm Mandat gänglichen gelebt, vnd nachgegangen, vnd zwischen den Juden vnd Christen ain vnder schidt gehalten, vnd ainer von dem andern erkendt werde, So wollen wir angeregt vnser Publicierte, vnd außgehundte General Mandata, hieher wider erholt, vnd vernewert haben, vnd Segen, Ordnen, vnd wollen, das die Juden, so obgehörter massen in vnsern Lannden zu wonen, vonn Vnns bewilligung haben, Nun hinfüro thainen Samat, Atlas, Tamaschkh, noch ainiche andere Seyden, sonder vonn Büllen Tuech, vnd schlechten Gefülwerch, als Fuchslaen, Künigl-Rücken, Rembren, Gaißen, oder dergleichen schlechten Gefülwerch Klaiden anmachen, vnd den Gelben Ring innhalt vnd vermüg angeregt vnserer General, öffentlich vnd vnuerporgen damit Sy von meniglich erkendt werden mügen, tragen sollen, alles bey den Straffen vnd Peenen, in angeregtem General Eingeleibt, vnd vermeldet.

Damit auch vnser getrewe Vnderthanen, von den Juden mit frem Besuech, vnd vngöttlichem wuecher nicht verderbt, noch beschwärdt werden, So wollen wir dises falsz zum cheisten notwendig gebürlich einsehung zethuen, vnd Ordnung fürzunemen, genediglich bedacht sein.

IVXX  
Wir Sehen, vnd wollen auch, das die Juden die gestolnen vnd geraubten Güetter zuhauffen, sich genglichen enthalten, wo Sy aber hiewider thuen wurden, sollen solche Güetter, wo die hinder jnen befunden werden, den jhemigen, denen Sy zuestendig sein, vnd beweislich beybringen, das jnen nie zugehörig, wider on alle entgelt, nutz zuegestellt, vnd die Juden noch darzue nach gebürlichen dingen, gestrafft werden.

### Von Zigeynern.

**W**iewol wir auch hievor in vnsern Fünff Niderösterreichischen Landden, vnd Fürstlichen Grafschafft Görz, auß bewegenden guetten vrsachen durch vnser offne General Mandat, zu mer maln vnd meniglich aufgelegt vnd beuolhen, das Sy zu abstellung der beschwården so vnnsern Vnderthanen durch die vmbschwairffenden Zigeynern, zuegefüegt, auch allerlay Veretereyen, Practikhen vnd anderer pöser handlungen, so durch dieselben Zigeynern geuebt, vnd gebraucht werden. Auff solch Zigeynern jr fleissig achtung haben, vnd wo die in vnsern Landden erfarn, vnd betretten wurden, alsdann denselbigen Ernstlich, vnd bey Leibstraff einbinden, das Sy sich in ainer kurtz bestimmbten zeit, auß vnsern Landden, thuen, vnd sich weiter darinn mit betretten lassen sollten, Mit dem vererem vermelden, wo Sy aber ober die vil beschehne warnungen, vnd verpot sich in vnsern Niderösterreichischen Landden vnder schlaipffen, oder enthalten vnd betretten würden, das alsdann nach jrem Oberrn gestrackts gegriffen, derselb fenglichen angenommen, vnd vnser Niderösterreichischen Regierung, ob sich ainicher Practikhen oder Veretereyen, bey jnen zubelhomen sein möchte, zuegeschickht werde, vnd das die vbrigen mit Leib vnd Guet menigentlich frey, vnd ainem yeden nach jnen zugreiffen, vnd seines gefallens mit jnen zuhandlen, zuegelassen sein solle, So werden wir doch berichtet, das solches alles vnangesehen, die Zigeynern sich an etliche ort vnserer Niderösterreichischen Landde, Einstraiffen, vnd enthalten sollen. Dieweil aber meniglich wissent ist, das die Zigeynern Ausspeher, Rhuntschaffter, vnd vereter sein, vnd die Christenlandt dem Türckhen vnd andern der Christenhait widerwertigen, vnd Veinden verkhundtschafften, vnd derhalben, sonderlich dieweil der Türck seinen Suez so nahent an vnnsere Christliche Landt gesetzt hat, in denselben vnsern Landden khains wegs zuegedulden sein. So wollen wir angeregte vnser Auszgegangne General, hie mit wider erholt, vnd vernewert haben, Vnd beuelhen demnach  
allen

allen vnd vreden vnsern Vnderthanen Geistlichen vnd Weltlichen, vnd insonderhait denen so Lanndt oder andere Gericht innen/vnnd in verwalting haben. Ernstlich vnd vestiglich, Vnnd mainen vnnd wellen/das Sy angeregten vnnsern General Mandaten gehorsamlich geleben vnd nachthomen.

### Von Schalckhenarn.

**I**tem von deren wegen die sich Narzhait annemen/wellen vnnd Ordnen wir/wo yemandts dieselben haben wil/das Er Sy halte/das Sy ander Leüt vnbelästigt lassen. Es sol auch niemandt alnichen Man oder Frawen/der/oder die nicht in sein Drott, gehörig weder Schildt, Wappen, Ring, oder dergleichen anhengkhen oder geben/vnnd welche yest Schildt, Wappen, Ring, oder dergleichen haben/die jnen ire geprötte Herrn nit gegebenen hetten, die sollen Sy bey verlorung derselben abthuen/vnnd nit tragen/damit die alle gewonhait der Newen Ordnung thain jrung mache.

Aber andere Schalckhsnarren, so mit diensten nit verwont sein/vnnd weder dise vnnsere Ordnung in vnsern Niderösterreichischen Lannden erfunden/sollen nit gelitten/sonder durch ain yede Obrigkeit wo die betretten gestrafft werden.

### Von Lanndtfarern, Singern/ vnd Reimsprechern.

**N**ach dem auch mancherley leichtfertig Volckh befunden, die sich auff Singen vnnd Sprüch geben/vnnd darinn den Geistlichen vnnd Weltlichen Stanndt, verächtlich antastten/vnnd zu beden Seiten gefasst/sein Sy bey den Geistlichen/Singen Sy von den Weltlichen, vnnd herwiderumb bey den Weltlichen von den Geistlichen/daraus dann oft ergernusz, zwispalt, vnainigkeit, vnnd ungehorsam erwachst, Ist vnnsere Ernstliche maynung, vnnd Beuelch/wo solch Lanndtfarer betretten/das Sy vonn der Obrigkeit gestrafft, vnnd mit jnen in aller massen gehalten werde, als von den Schalckhsnarn/hieoben vermeldet ist, Doch wellen wir die jhenigen so den Maister Gesang singen, hierinn außgeschlossen haben.

Ob auch die Vnderthanen, Burger, Inwoner vnd andere hausgeseßne oder vnangeseßne Personen/wer die wären, leichtuertig vnd vnshampere Lieder singen vnd betretten wurden, sollen die durch jr ordenliche Obrigkeit nach gelegenhait auch notturfstiglich gestrafft werden.

Von Gulden Tuech vnd Seyden Waarn.

Dañ von wegen der Gulden vñnd Silberen Tuech, auch Samat, Damascif, Atlas, vñnd anderer Seydener Waar, so in Welsch Landen vñnd andern ortten gemacht, die an der güet vngleich Aber danocht erwann die schlechten, neben den guetten, durch die Rauffleüt vñnd Saffoyer in vnsern Lannden, in Zarmärchten, vñnd dazwischen in Stetten, vñnd auf dem Landt hingeben vñnd verkaufft werden, darinn der gemain man vnwissendt mördlich vbernommen, auch dardurch ain Grosz Velt auß vnsern Lannden verführt würdet. Darauff gebietten vñnd wellen wir, das hinfüran thain Gulden noch Silberen Tuech, Samat noch Seyden stuckh oder Waar, Es sey dann von dem ort, da solchs gemacht ist, glaublich damit es erkent werden müg verzeichnet, in vnnsere Lanndt gefüert noch verkhaufft werde, bey der straff hernach gemelt, Vñnd sollen darüber in yeglichem Lanndt in Stetten vñnd in Märchten, mit wissen, Rath vñnd willen der Obrighait, an vnser stat verstendig Beschawer geordnet werden, die stettiglich auff den Jar vñnd Wochenmärchten, auch dazwischen auffsehen, vñnd darob sein, damit ain yede Guldene, Silberine, oder Seydene Waar gesündert, vñnd nach jrer güet, in zimlichem thauff gegeben vñnd gehalten werden.

Gleicherweisz so soll auch der Arras, Satin, vñnd dergleichen Waar auch Varchant vñnd Reinbat, mit der Stett Siglen vñnd zaichen, von dannen ain yedes thombt, gezeichnet, gerecht an guetter leng, vñnd brait, in die Lanndt gefüert, geschawet vñnd verkhaufft werdē. Wer aber nach publicierung diser vnserer Pollicey Ordnung ober ain halb Jar befunden vñnd betretten wurde, der sollicher vnser Ordnung zewider gehandelt, dem soll erstlich der zehent tail seiner Waar vñnd Kram, Vñnd wo Er zum andern mal verprüchlich befunden, der halb tail, Vñnd zum dutton jme sein Waar, Hab, vñnd Guet mitainander, souil der betretten, genommen, Vñnd solliche straffen jnmassen wie hieoben der Claderhalben bestimbt, eingezogen vñnd verwent werden.

Von Gerassigen, Wagen, Weingart, vñnd Hausknechten, auch andern gemainen Dienern vñnd Gesinde.

Als wir

Es wir allerlay beschwörung der Geraysigen, Wagen, Weingart vnd Hausknecht halben in vnsern Niderösterreichischen Landen vnd Fürstlichen Grafschafft Görz befunden, Nemblichen das sich dieselben etwo vnzichtig, vnfleissig, vnd leichtfertig in iren diensten halten, Vnd doch derhalben von iren Herrn straff nicht leiden, sonnder ehe vmb geringer sachen willen vrlaub nemen/ auch vnuersehenlichen abschaiden, vnd dann gleich vnerforscht wie Sy sich gehalten haben, vonn andern angenommen werden, ire besoldung vnd vnderhaltung hoch stellen, Vnd dannoch, sonderlich die Kaynsigen irer dienst etwo maß fürnemen, vnd all ains Herrn notturfften zu handeln, vnd fürnemblich auf vbl leüt zuraysen, die zu vreckhüssen, vnd der gleichen aufzurichten, als ob jnen das vnerlich sein soll, sich verwidern vnd waigern. Derhalben Ordnen vnd setzen wir, das nun hinfuro khain Herr, Edelman, Burger noch ander, Geistlich oder Weltlich, khain in Geraysigen, Wagen, Weingart noch Hausknecht des Zars ober Sechs, Syben, oder auffo mayst Acht gulden Keimisch, vnd den Geraysigen ain Claid, neben der lyferung essen vnd trinckhen, on ainich vorgeding, sonder nach aines yedes Herrn gelgenhait vnd hauszuermügen zusagen noch geben, Auch weder Stifl noch anders mehr darüber schuldig sein soll, Doch vorbehalten, wo sich ain knecht im dienst gegen seinem Herrn zu seinem gueten geualten so getrewlich vnd vleissig gehalten wurde, So mag ain yeder denselben auß guettem willen, nach gestalte solliches redlichen verdienens ain Lering an Gellt oder anderm thuen.

Es solle aber ain yeder Knecht seinem Herrn in allen seinen notturfften, vnd zuestenden, mit Kaynsen, angreiffen, vnd vreckhüssen der vbeln leüt, straffmäßigen veinden oder widerwertigen, auch hauszgeschafften, vnd allen andern sachen khaine außgenommen, so ul vnd weyt sein Lab vnd Leben vermag, volkhomne gehorsam vnd dienstparhait beweysen, nicht wagern noch verschmeben, sich auch in vbeln, vnd vnzüchten, rechtuertigen vnd straffen lassen. Es soll vnd mag sich auch khain Knecht mit sollichen diennsten nicht vermailigen noch yemandt khainem darumb vnerlichs reden, noch zuemessen, sonnder alle verantwortung bey dem Herren steen.

Vnd obgleich ain Knecht seines Herrn dienst beschwörung trüege, oder sonst willen hetre von pesserung wegen ander dienst zuesuechen, so soll Er doch verpunden sein, seinem Herrn die bestimbte zeit, dar-

auff Er vorhin gedingt worden ist, volligklich außzudienen. Wo Er aber vber die bestimbt gedingt zeit seinem Herrn nit lenger dienen wolt, So mag Er den dienst seinem Herrn zwen Monatläng daruor auffagen, vnnnd der Herr ime darüber lenger zudienen nicht dringen. Wellicher Knecht oder Diener sich aber so vbl hyelt, oder wider seinen Herrn was beschwärlichs verpäch, in sollichem faal soll in des Herren macht steen, den Knecht strackhs auff die posz verweisslich handlung zu vrlauben. Wo aber ain Herr außserhalb sonder verpreehung ainem Knecht nicht lenger halten, oder den sonst verendern wolte, soll Er dem Knecht seinen dienst auch zway Monatläng vor außgang der verdingten zeit auffagen. Wellicher Knecht dann also on vbl vrsach abschid, dem soll sein Herr ain richtige Passport vnnnd abschidbrieff zu geben schuldig sein, vnnnd ime die auß khainem vnlust, oder vnansehnlicher bewegnuß vorhalten. Alßdann mag ain sollicher Knecht bey andern Herren gefürdert vnnnd angenomen werden. Aber on ain solliche Passport solle khain Herr hinfuran khainen frembden Knecht annemen, bey straff, so durch die Obrigkheit denselbigen Herren auch außgelegt werden sol. Vnnnd ob sich sollicher Passport halben zwischen ainem Herrn vnnnd Knecht strit erhebe, so mag ain Knecht der Obrigkheit seines Herrn sein notturfft anbringen, Dagegen dann der Herr eruordert, vnnnd durch die Obrigkheit entschaiden, vnnnd dahin gehandelt werden soll. So befunden wurde, das der Herr dem Knecht die Passporten vnbilllichen gemert hette, das dem Knecht die Passport, sampt abtrag seiner costerung, vnnnd versaumbnuß nach zimbllichen dingen erfolge. Wo aber der Knecht vnrecht befunden, solle er auch andern zu Ebenbildt, es sey mit vengkhnüss oder in ander weeg vngestraft nit beleiben.

Solliche vnser Ordnung solle sich auch nichts weniger, auff die frembden Knecht, es sey von was ortten es well, so in disen Landen dienst suechen, erstreckhen vnnnd verstanden werden. Vnnnd in sollichem vall die waigerung der Passporten betreffent, sollen zuuordrist Goglesterung, Zuetrincken, vngheorsam, vnnnd vntrew angesehen, außgeschlossen, vnnnd derhalben khain Passport oder abschid gefertigt, damit der Herr, darbey derselbig vnphillich Knecht, wetter dienst suechen möcht, durch solliche Passport nit verfürert werde.

Vnd in sonderhalt Orden vnnnd Segen wir, Wellicher Herr dem andern sein Kayffgen, Wagen, Weingart, oder Hausknecht auß seinem dienst, dergleichen ain Herr dem andern seine Vnderthanen/eo

nen / es sey durch was weeg es well abredt / des beweislich gemacht würdet / der soll derhalben Zwenunddreissig Gulden Keimisch / halben tail vns als Herrn vnnnd Lanndtsfürsten / vnnnd den andern halben tail dem / so des abreden seines Knechts oder Vnnderthan beschehen verfallen sein / vnd durch die Obrigkait also gestrackt eingebraucht werden.

Wär n / das ain Knecht den andern auß seinem dienst abredt oder beweget / vnnnd mit grund darbracht wurde / der selbig so solliche thuet / soll mit venschmuzz gestrafft werden.

Aber den Knechten / Dienern vnd gemainem Gesind die nit vmb obbestimbten noch anndern benanten Lon gedingt sein / sonder auff Gnad dienen / vnd in der abuertigung zwischen jnen vnd den Herrn jrung fürstelle / Wellen wir / das durch vnnser Lanndmarschalckh / vnd Hauptleut / sambt der Lanndrecht Bepfugern / vnd in Stetten vnd Märckten durch Burgermeister Richter vnd Rath irer vnderhaltung vnnnd belonung halber / nach gelegenhait der Personen dienst vnd Lanndt / gepürlich maß vnd Ordnung fürgenommen / vnd gestrackt darob gehalten werde.

#### Von Köchin vnd andern dienst Weibspersonen.

Dergleichen solle ain yede Köchin vnnnd dienst Weibspersonen jren Herrn vnd Frawen in jren diensten / vnd hausgeschäften / alle gehorsam / vñ dienstparhait beweysen / nichts walgern noch verschmehen / sich auch in vbln vnd vnzüchten / vnnnd des so jnen nit wol ansteet / recht fertigen / vnd straffen lassen.

Vnd ob gleich ain Köchin / oder ander dienst Weibspersonen / jreo Herrn oder Frawen dienst beschwörung trüeg / oder sunst willen het von pesserung wegen / ander dienst zeszuechen / So solle Sy doch verpunden sein / Jrem Herren oder Frawen / die bestimbt zeit darauf Sy vor gedingt worden ist völliglich außzudienen. Wo Sy aber ober Jr bestimbt gedingt zeit / jrem Herrn oder Frawen nicht lenger dienen wolt / So mag Sy den dienst jrem Herren oder Frawen zway monat lang daruor aussagen / vnnnd der Herr oder Fraw / Sy darüber lenger zudienen nicht dingen.

Welche Köchin / oder andere dienst Weibsperson / sich aber so vbel

XXX  
hielt, oder wider iren Herrn oder Frawen, was beschwärllich ver-  
sprach, In solchem faal sol in des Herrn, oder Frawen macht steen,  
die Dienerin stracks auf die pösz verweiszlich handlung, zu vrlaub-  
en, Wo aber ain Herr oder Fraw, aufferhalb sonder grosser ver-  
prechung, ain Dienerin nicht lenger halten, oder die sunst verändern  
wolt, soll der Herr oder Fraw der Dienerin iren dienst auch zway  
monat lang, vor außgang der gedingten zeit aussagen. Welche  
Köchin, oder ander dienst Weibspersonen, dann also on vbl vrsach  
abscheidt, der soll jr Herr oder Fraw ain richtige Passport, vnnnd  
Abschiedt brief, zugeben schuldig sein, vnnnd Ir die auß thainem vn-  
lustt oder vnanschlicher bewegnuß vorhalten, als dann mag ain  
solche Dienerin bey andern Herrn oder Frawen, gefürdert, vnnnd  
angenomen werden, aber on ain solche Passport, soll kein Herr oder  
Fraw hinfüron thain Dienerin annemen, bey straff so durch die  
Obrigkheit denselben Herrn oder Frawen, auch aufgelegt werden  
soll, Vnd ob sich der Passporten halben, zwischen Herrn oder Fraw-  
en vnd der Dienerin strit erhieb, so mag ain Dienerin der Obrig-  
kheit ihres Herrn oder Frawen jr notturfft anbringen, Dagegen dann  
der Herr oder Fraw erfordert, vnnnd durch die Obrigkheit entschaiden  
vnnnd dahin gehandelt werden soll, So befunden wurde das der  
Herr oder Fraw, der Dienerin die Passporten vnbillichen zugeben  
gewaigert het, das dann der Dienerin die Passport, sambt abtrag  
irer Cost, Zerung, vnnnd verßaumbnuß, nach zimlichen dingen er-  
uolge. Wo aber die Dienerin vnrecht befunden, solle Sy auch  
andern zu Ebenpild, es sey mit gefenckhnuß oder in ander weeg vn-  
gestrafft nicht bleiben.

Solcher vnnsrer Ordnung, solle sich auch nichts weniger auf die  
frembden Köchen, vnnnd dienst Weibspersonen, es sey von was ort-  
ten es wöll so in disem Landt dienst suechen, erstreckhen, vnnnd ver-  
standen werden, Vnnnd in solchem faal sollen zuuordrist Voglesste-  
rung, Hurerey, Vberweinen, Vngehorsam, vnnnd vntrew angesehen,  
außgeschlossen, vnd derhalben thain Passporten oder Abschiedtbrief  
gefertigt, damit der Herr oder Fraw dabey dieselb vnbillich Dien-  
nerin, weiter dienst suechen möcht, durch solch Passport nit verführt  
werden.

Vnd in sonderhait Ordnen vnd Segen wir, Welcher Herr oder  
Fraw dem andern, ire Dienerin auß irem dienst, es sey durch was  
weg es welle, abredt, das beweiszlich gemacht würde, dieselb Person  
soll derhalben Zwenunddreissig gulden Keinisch, halben tail Vnno  
als

als Herrn vnd Landtshürsten, vnd den andern halben tail dem so das abreden seiner Dienerin beschehen verfallen sein, vnd durch die Obrigkeit also gestrackt eingeprecht werden.

Wär dann das ain Dienerin die ander in irem dienst abreht, oder beweget, vnd mit grundt darbracht wurde, dieselbig so solchs thuet soll mit gefencknuß gestrafft werden.

### Von den Heb Amen, Beseherin, vnd Amblen.

Nach dem auch an khündigen vnd erfarnen Heb Amen nicht wenig gelegen, hierumb vnd damit Sy dann meniglich, Reichen vñ Armen so irer bedürfftig werden, zurath zuhelffen vnd zudiennen dest williger vnd genaigter seyen, So achten wir für recht vnd pillich sein, das solchen Heb Amen, fürnemblich den ihenigen so in den Stetten, Märkten, vnd Flecken, nicht mit bestimbtem dienstgell oder Prouision versehen sein, in den Burgerlichen mitleiden ain zimlicher vortl gethan, vnd etwas vor andern nachgesehen werde, inmassen dann auch solches an andern orten yeblich vnd gebreuchig ist, doch das die Heb Amen dagegen meniglich, so ir bedürfftig gewertig, trew, vnd vleissig sein, niemandt versaumen noch verwarlosen, noch mit der belonung, fürnemblich aber die Armen nicht beschwären, noch auch die ihenigen so nicht Gell haben, mangl haben dises Gellts hilflos verderben lassen, So sollen auch die Beseherin vnd Amblin, so sich auff ain bestimbte zeit verdingen, vor außgang derselbigen zeit, one groß beweglich notwendig vrsachen, vnd außserhalb vorwissen vnd zugeben irer Herrschafft deren Sy sich in dienst versprochen, nicht auß dem dienst treten, sonder die zuegesagte zeit, volkhomenlich außdiennen, wo aber vor verscheinung der bestimbten zeit wie oblaut on genuessam vrsachen auß dem dienst treten wurde, gegen derselben soll nach gelegenheit, mit gepürlicher straff verfahren werden.

### Ordnung der Handwerker halben.

Und nach dem wir auch hievor im verschinen Sibenzwainzigisten jar, auf vnderthenig ansuchen vnd bitten, auch mit zeitigem wolbedächlichem Rat vnserer Niederösterreichischen Landtschafft, vnd derselben Ausschuß der Handwerker halben, ain Pollicey ordnung aufgericht, Welcher aber gleicher gestalt wenig gelebt worden,

IXXX  
worden, vnd vns dann der Handtwercher halben, allerlay vnd vil-  
feltige hohe beschwörungen fürhomen / Demnach haben wir solch  
Ordnung wider fürhanden genomen, mit vleisz erschen / Erwegen/  
ernewert vnd gepessert wie hernach vnderwidlich volgt vnd be-  
griffen wirdet.

### Von den Zechen vnd Zünfften.

**W**iewol vil zeitheer, Zechen vnd Zünfften, der Handtwerch ge-  
wesen sein, die inen villerlay Gesez vnd Ordnungen, irer we-  
sen, Arbeit, belonung, vnd anderer sachen halben aufgericht, vñ da-  
rüber etwo bestattung hinderuckhs, vnd on wissen irer Obrißkheit er-  
langt, in krafft derselben inen selbst straffen gesezt, vnd aufgelegt,  
vnd vil mer gehaimter verstandnuß, vnd mispreuch vnder inen ge-  
habt haben, alles wider g. mainen nuß, vnd menigentlich zu beschwe-  
rung, auch eilichen vnder inen selbst, allain zu irem vortail, eigen  
willen, vnd gefallen. Auß den vnd andern ansechlichen gegründten  
vsachen, auff anlangen begern, vnd mit Rate der Ausschüß von  
vnsern Erblannden, nach genuegsamer erwegung, zu fürderung  
gemaines nuß, sonderlich auch zu guetem Regiment, vnd aufnemen  
der Stet vnd M. ärcht. Heben wir auf vnd thuen ab, die Zechen  
vnd Zünfften, aller vnd yedlicher Handtwerch, mit allain mit dem  
Namen, sonnder auch mit allen inen selbst gemachten Sayungen,  
Ordnungen, vnd darüber erlangten bestattungen, wie die bißheer  
gestalt gehabt haben, auß fürßilicher macht, in krafft diser vnser  
Ordnung, vnd Sayungen, Mainen, gebietten, vnd wellen, das alle  
Handtwerch irer Ordnungen, Sayungen, Confirmation, vnd al-  
ler gehaimten verstandnuß vnd eigennüßigen gebreuch, genglichen  
absteen, vnd die verlassen, die inen auch thain Obrißkheit, Herr-  
schafft, Burgermeister, Richter vnd Rate, der Stet vnd M. ärcht  
oder auf dem Lande, mer gestatten noch zusehen. Sonder alle  
Handtwerch, Maister, Gesellen, vnd Junger, ain yedes seinen Na-  
türlichen namen haben. Also, der Zimerleüt handtwerch, der Mau-  
rer Handtwerch, der Schneider Handtwerch ic. vnd also mit allen  
andern. Vnd die sollen nachuolgendt, vnser Gesez vnd Ordnung  
halten, auch anderst oder außserhalb derselben kainen Handtwerch  
Maister, Gesellen, noch Junger, weder in Stetten, M. ärchten,  
noch auff dem Lande, in vnserm Niderösterreichischen Landden  
zu arbeiten gestat werden.

Begegngknußten.

Wann

**W**ñ ain Maister, Maisterin, oder Gesell, jren gestorben freünd  
tē ain Begengnuß, oder Gottesdienst halten wil, darzue doch  
niemandts verpunden sein sol, so mögen die andern Maister, oder  
gesellen, so ferz sy gern wellen, zu demselben Gogdienst geen, doch das  
sy von stundan, nach volbringung des Gogdienst, ain yeder wider-  
umb zu seiner arbeit vnd geschefften trachten, vnnnd weder mit Zech/  
Malzeit, oder in ander weeg khain versammlung haben.

### Versammlung vnd Sagung.

**V**ñ also sollen Sy hinfüro khainerlay gemain gesellschaft, oder  
versammlung in khainerlay sachen, on wissen vnnnd willen aines  
Burgermaisters, oder Richter, vnd Raths, halten, noch ainicherlay  
gesaz, oder ordnung, vnder jnen machen.

### Geschwornen Maister vnd Gesellen.

**W**er ain yedes Handtwerch, soll allzeit zwen Maister, vñ zwen  
Gesellen, erkhiessen vnnnd verordnen, die ainem Burgermaister/  
oder Richter vnnnd Räte, darzue dem gemainen Handtwerch, zu al-  
len hernachuolgenden sachen gelobt vnd geschworn sein, vñ demnach  
die zwen geschworn Maister, vnd zwen geschworn Gesellen genant.  
Es sollen vnnnd mögen auch, dieselben geschwornen Maister vnnnd  
Gesellen, jährlich oder so oft es durch absterben der geschwornen oder  
andere ehehaften vrsachen halben, die notturfft eruordern wil, veren-  
dert, oder von neuen widerumb fürgenomen, oder ander geordnet  
vnd erkhiest werden.

### Handtwerch sachen.

**V**ñ wo ain Handtwercher zu seiner notturfft, etwas an ainem  
Burgermaister, oder Richter vñ Räte zubringen hat, oder jnen  
vonn andern Handtwerchen, brieff, oder verkündungen khomen,  
das sollen die gedachten geschwornen Maister, vnd Gesellen, ainem  
Burgermaister, oder Richter vnnnd Räte fürbringen, vnnnd anzei-  
gen. Die sollen alsdann dieselben Maister vnd Gesellen, aigentlich  
vnnnd gründlichen vernemen, vnnnd darauf die billichheit handeln.  
Doch sollen dieselben vnser Burgermaister, oder Richter vnd Räte,  
jnen khain newe Ordnung oder gesaz, on vnser, oder vnserer Re-  
gierung vorwissen, hinfüro, aufrichten noch bestätten.

## Straff vnd wändel.

**G**S soll auch durch khain Handtwerch khain wandl noch straff mer wider die, so in irem Handtwerch sein, wie biszbeer beschēhē ist. Es sey in was gestalt das welle, fürgenomen werden. Auch soll von khainer vrsach wegen, ainem Handtwercher, die arbeit nidergelegt sein, oder die Gesellen auffsteen, sonder wo ain Maister, dem andern Maister, in den Handtwerchen, desgleichen ain Gesell, dem andern Gesellen, oder die Gesellen den Maistern, oder hinwiderumb die Maister den Gesellen, etwas vngbürlichs beweysen, das selb soll ainem Burgermaister, oder Richter angezaigt werden, der soll dann allweg ainen, zwen, oder mer, des Rats, derselben Stat, Marckht, oder Fleckbens, nach gelegenhait des handels, zu imenemen, vnd mit denselben, die straff erkennen, fürnemen vnd thun.

## Nach beschreibung.

**D**S sich auch ainicherlay zwitteracht, oder vnainigkheit, zwischen den Handtwerchern zutrüg, das soll an yeden enden, wo sich solches begibt, anbracht, gehöret, vnd entschiden werden, vñ hiemit die nachschreiben, so biszbeer vnder den Handtwerchern gebraucht worden, verpotten sein. Wo aber ainer ain vnzucht, vñnd sträflich sach, wo das wäre, anfieng, vñnd vor aufztrag der sach von dannen entwiche, soll solches dem Burgermaister, oder Richter anbracht werden, der darauf denselben (so ferz es not ist) nachschreiben sol. Ob auch ainicherlay nachschreiben, von andern örten den Handtwerchs gesellen, an die ört, vnserer Lande, da sy wären, beschähe, vnd sich die selben vor dem Burgermaister oder Richter der selben ort zu verhör vnd recht, erpieten, vñnd die sachen vor den selben Burgermaister oder Richter, in ainer zeit, imen gesetzt, auß zu führen angelobt, soll er verrier, wie vorsteet, nit geschichen, oder von dem Handtwercher gejrit, sonder dem, oder denen, die im nachschreiben, verhör vñnd rechtens, derselben ort gestat werden.

## Straff mässig sachen.

**G**S soll ain yeder Handtwerchs Maister oder Gesell, wie ander Burger, ainem Richter in zuefallende sachen die straffmässigen gefenckhnussen zuuerhelffen, schuldig sein.

## Gefenckhnuss Zewg.

**D**esgleichen soll sich khain Maister noch Gesell eüssen, sonder schuldig

schuldig sein / alle arbeit seines Handtwerchs / sonderlich auch die Instrumenta vnd Zeüg zu den fencknissen vnnnd straffen der Vbel-täter / vnd was darzue dient zumachen. Welche machung der Gefenckhnusz zeüg vnnnd Instrumenten auch den Maistern vnnnd Gesellen / an iren Eeren vnd sonsten aller ding on nachtl sein soll.

## Etlicher Thier halben.

**M**ir wöllen auch hiemit die schmach / so die Handtwercher bis-her bey jnen von etlicher Thier wegen / als Hundt / Ragen / vnd dergleichen / wo ainer derselben ye erschlagen / abgethon vnnnd aufgehebt haben der gestalt / das von solcher sachen wegen / dargu ob ain Handtwercher in aines Edlen / oder Burgers dienst / gewesen wär / vñ etwo yemandts auß beuelch / desselben seines Herrn / het helffen vnnckhnussen / das jm darumb nichts schmächlichs zugezogen / oder die andern des Handtwerchs / jme darumben zured / n / noch in scheihen sollen. Wo aber durch die Handtwercher darwider gehan- delt wurde / soll ain Burgermaister oder Richter / dieselben darumben straffen / vnd dem belaidigten / abtrag vnnnd widerthierung zuthuett verschaffen.

## Verpotten pächt.

**E**s sollen auch die Handtwercher / khain verainigung oder pact machen / wie man die Gattung jres Handtwerchs geben / ver- kauffen / oder arbeiten / noch das ainer vor dem andern / an die arbeit nit geen / sonder ain yedlicher sol nach zimlichait sein arbeit verlauf- fen / vnd außs treulichist solcher arbeit außzwarthen. Wo aber darwi- der gehandelt / der soll durch ainen Burgermeister / oder Richter / dar- umben schwärlich gestrafft werden.

## Der arbeit zimbliehen werdt setzen.

**D**ie gedachten geschwornen Maister vnd gesellen / aines yeden Handtwerchs / mit denen / die jnen von Burgermaister oder Richter / in gleicher anzal zugeordnet werden / sollen auf iren and / ainem yeden seiner arbeit / wo der Herr / oder Kauffer / solcher arbeit irer vorderung beschwörung trüeg / zimbliehen werdt setzen. Wo sich aber dieselben nicht vergleichen könten / so soll dann darinnen durch Burgermaister / oder Richter / entschid gegeben werden.

Beuelch der Beschaw.

**V**nd in welchem Handtwerch, derselben geschwornen Meister/ vnd Gesellen, sambt aines Rats verordenten, die beschaw beuolhen wirdet, die sollen sy bey irer Vhlicht vnd Ayd treulich thuen/ vnd darinnen niemands, auß ainicherlay vrsach vberschen. Auch von kainem tail weder Erung noch Gab nemen, noch auch iechtes von denselben entlehenen, dargegen sol den Meistern vnd Gesellen, vmb jr müe vnd versaumbnusz auß dem Gelt, so zu desselben Handtwerchs, Gotediens, oder Almuesen gefellt, nach gelegenheit der sach, zimlich belonung beschehen. Wo sy aber in solcher irer handlung betrüglich befunden wurden, sollen sy von ainem Burgermaister/ oder Richter, schwerlich darumben gestrafft werden.

Hassung der Beschaw.

**W**ir wollen auch, das die Beschaw Meister vnd Gesellen, jres Ampts vnd beschawens halben, von niemant gescholten noch gehasst, noch jnen darumbenichts freuenlichs, zuegefüegt werden solle bey der straff aines Burgermeisters, oder Richters, die er nach gestalt der verhandlung erkennen vnd thuen soll.

Vom Handtwerch.

**I**tem ob ain Meister mehr Handtwerch, dann ain Handtwerch kündet, vnd darumb gelernt hat, vnd wil derselb Meister dieselben Handtwerch treiben, so solle er zu ainem jeden Handtwerch, ain besondere werchstat ha'ten, vnd vonn ainem jeden Handtwerch thuen, was ander Meister desselben Handtwerch thuen, vnd aufgelegt wirdet, doch soll dise Ordnung allain vonn den Handtwerchen die ainander eenlich sein, Als nemblich, welcher ain Maurer war, das derselb daneben ain Ziegldeckher oder Stainmes, desgleichen ain Zimmerman ain Tischler, Item ain Müllner ain Zimmerman, vñ ain Sporer ain Schlosser sein müge, verstanden werden. Es soll auch ain Handtwercher dem andern wissentlich in khainen khauff steen der Waar, der er zu seinem Handtwerch notturfftig ist.

Leer Junger dienst.

**V**nd so ain Junger seine Leer jar volliglichen aufgelernt, wie ime als ainem Leerjunger zethun gepürt hat, vnd alsdann noch ain Handtwerch

Handtwerch lerent, vnnnd darumben auch die Leerjar auß dienen wil, so soll jme darinn thain ver hinderung beschehen, sonder in dem selben Handtwerch auch zu ainem Leerjunger aufgenommen, vnnnd treilichen gelernt werden.

### Vorbehalt der Landtlewt Obrigkeit.

**W**onser Landtleüt, Prelaten, Herrn, auch vom Adl. Stet vñ Märcht haben, soll jnen jr Herrlichkeit vnnnd Obrigkeit, wie vns, ober die vnsern, vorbehalten sein. Vnnnd wo Burgermeister, oder Richter vnnnd Räte, an diser ordnung, der Handtwerch serwig, oder hinlässig erscheinen wurden, soll ain jede ordenliche Obrigkeit oder Herrschafft, darinnen zu straffen vnd fürsichung zuthun haben.

### Wie die Maister der Handtwerch aufgenommen sollen werden.

**W**er ain Maister in ainem Handtwerch zusein begert, so ferz der nicht offenwar Cerlosz, oder das er an andern orten, vneerlich abgeschiden, oberwisen wurde, vnangesehen, ob er vor, ain Stör rer genant, gewest ist, oder Felich, oder vneelich sey, der sol sich zu dem Burgermeister, oder Richter ansagen, darauf derselb Burgermeister, oder Richter, zwen auß dem Rat, zu sambt den zwayen geschwornen Maistern vnnnd Gesellen, von dem Handtwerch, zu im eruo dern, dieselben sollen jme vngeuerlich vonn Fünff, Sechs oder Siben Artickeln, des Handtwerchs, frag aufgeben, darauff Er antwortten, vnd darnach vnangesehen solcher frag, sol jm der Burgermeister, oder Richter, bey seinen Eren zusprechen, ob er bedencf vnd nit anders wisse, dann das Er das Handtwerch, als ain Maister desselben, zuuerichten wisse, dann wo Er yemandt zu schaden arbeiten, wurde Er solchen schaden abtragen müessen, vnnnd sein straff darumb empfangen. Wo Er solches bey seinen Eren, ainem Burgermeister oder Richter, in sein handt gelobt, alsdenn soll der selb new Maister des Handtwerchs, dem Burgermeister, oder Richter, ainen Eyd schweren. Im faal aber das die verordneten vnd befrager die Antworten des jhenigen so Maister zu werden begert auf die fragstück vnlauter befunden, also das Sy zwey fleten ob derselb mit der handt vnd arbeit tauglich sein möchte, so soll alsdann jme nach gelegenheit des Burgermeisters oder Richters, der zwayer Verordneten vom Rath auch der geschwornen Maister vnd Gesellen gueten ansehen nach, ain prob der gewöndlichen vnnnd

III XXX  
am selben ort gebrüchigen sachen vnnnd arbeit, die jme Täglichen in  
seinem Handtwerch zuesten möchten zuthuen auffgelegt werden,  
doch das in allweg herinn die frembde vngewöndliche Meisterstück  
vnd der beschwerlich vncosten abgestellt vnd verhüet werde.

Wo auch die wissentliche vneheliche Kinder Handtwerch geler-  
net sich bey jren Leermastern vnnnd dem Handtwerch Erlich vnnnd  
wol gehalten, auch jres Handtwerchs kundig vnnnd erfahren weren,  
vnnnd sich bey den Stetten, Märckten, oder Flecken, nider thuen,  
Meister werden, vnd sich Erlich ernern wolten, Ordnen vnd wel-  
len wir, das jnen, vnangesehen ob Sy kain Legittimation oder be-  
gnadung jrer gepürt fürzepinggen hetten, solches zuegelassen vnnnd  
nicht verpotten noch verwerdt werde, Es soll auch kham Gesell oder  
Knecht, so bey solchem vnehelichen Meister arbeit, von dem Handt-  
werch oder den andern Gesellen oder Knechten geschickten, oder dest  
geringer gehalten werden, sonder jme solch arbeit gang vnuerleglich  
vnd on allen schaden sein.

#### Wie ain Meister schweren soll.

Nemblich das Er die gemainen Artikel, wie oben vermeldet,  
die besamlung betreffend, vnd das Er in seinem Handtwerch  
niemandt vber zimbliche belonung vbernehmen, oder beschwären,  
noch desselben, wie ain yedlicher sein Gattung verkauffen sol, ver-  
standt vnd ainigung machen, vnnnd treülichen halten welle, vnnnd soll  
darüber den gepurdt brieff zupringen, oder die Meistersstück anderst  
dann wie obsteet zümachen, nicht schuldig sein. Derselb new Meister  
soll zu erkantnuß seiner vnderthenigkeit vnnnd gehorsam, gegen vns  
als Herrn vnd Landtsfürsten, vnd wo vnser Landtleüt, Stett vnnnd  
Märckht, heten, gegen denselben, nach der Ordnung vnd Sagung  
hienach begrieffen, zu vns, vnnnd vnsern Hauptleüten, oder handt-  
aines Richters, an yedem ort, auch zu dem Gotodienst oder Almue-  
sen, auf gemaine Statt, oder Märckht geben, die leydenlich anzal  
Gellts, wie hernach in ainem besondern artikel begriffen wirdet,  
vnd sonst kham Kall zugeben, oder ander aufgab zuthuen, wie bis  
heer der gebrauch gewest ist schuldig sein, Vnnnd darnach an yedem  
ort, für ainem Meister des Handtwerchs gehalten werden. Er  
mag auch wie ain ander Meister, sein Tafl auffhengen, vnnnd jme  
durch die Gesellen des Handtwerchs, wie andern Meistern dessel-  
ben Handtwerchs, vnuerhindert menigklich gearbeit vnnnd gedient  
werden.

Vneerlich

## Vn̄erlich beziicht.

**W**auch ainer gleich von stundan, on verrier verlengerung außgesehenlich beweist, vnd zu ime bracht wurde, das Er vneelich geboren, oder mit pösen vn̄erlichen sachen besleckt, oder an andern ortten vnerberlich abgeschiden wär, Alsdann sol der Burgermaister, oder Richter still halten, Wo aber yemandt ainen, solcher bösenhandlung zeihen, vnd dieselb nicht klar vnd lauter, wie yez begrieffen, fürbringen wurde, soll der selb, so also beziicht wurd, nicht destminder, mitler weil zu Maister angenommen werden, vnd der, so solch zicht auf ime thuet, als anklager, wie recht ist, gegen ime beweisen, So das der klager, gegen ime weist, das der vneelich ist, sol ime dannoch das Handwerk, für sich selbst, vnd mit Gesellen, die geren wollen, vergönt werden. Ist Er aber sonst besleckt, sol Er auß der Stat geurlaubt, oder nach gelegenheit seiner verprechung, gestrafft werden. Wo aber der anklager, oder anzaiger, gegen demselben nicht beweisen wurde, soll Er den anklagten seiner Eren, irer notturfft nach, abtrag, vnd widerthierung thuen, vnd also, thainer in dem Handwerk, geschichen werden. Es sey dann, das der, so ainen bezeicht, dasselb beweise, Also, das der zeiber oder anklager, vnd nicht der, so bezigen wurde, zuweisen schuldig sey, Damit wollen wir den mißbrauch, so bey vil Handtwerchern biszbeer gewest ist, Wo ainer von dem andern schmächlichen geredt, oder fürgeben, das der, so bezigen, solches von ime bringen oder weysen soll, auffgehebt, vnd als vntüchtig, auch vngegründt, abgethan haben, sonder der, so ainen bezeicht, soll solches, auff den, so bezigen würdt, genuegsam darbringen, vnd wo solches nicht geschiecht, sein straff darumben emphahen.

Gleicherweise solle es auch, mit allen Handtwerchs Gesellen, gehalten werden.

Ztem welcher Maister oder Gesell, aber anderer gestalt geschichen oder verworffen wurde, der soll solches ainem Burgermaister, oder Richter, vnd den geschwornen anzaigen, die sollen darinnen gebürliche straffe, vnd fürsehung thuen.

## Anffnehmung der Knecht.

**W**ir wollen auch, welcher Maister, was Handtwerchs der sey, ainē Knecht oder Gesellen aufnimbt, zustundt, als er ine dingt  
oder

VXXX  
oder setzt, das Er on verziehen ine für ainen Burgermaister oder  
Richter bringe, damit Er ine die gewönlich ppflicht, wie hernach  
steet, thue, vnd sonst kaines wegs behalt, noch arbeit gebe.

### Abreden der Gesellen.

**G**S soll auch khain Maister dem andern sein Handtwerchs ge-  
sellen abreden, oder vonn seinem dienst, geuürlich bringen, oder  
abweyßen, auch khainer dem andern sein Leerjunger die im auß dem  
dienst vnd Leerjaren gangen wären, aufnehmen noch halten, oder  
sonst abreden, Auch inen ainicherlay vngesuer zugestatten, Auch  
khainen Gesellen oder Knecht aufnehmen, der wissentlich von ainem  
andern Maister, vnerberlich abgeschiden wär.

### Lon der Gesellen.

**G**S sollen auch die Maister, den gesellen oder Knechten, ainem  
Lueden noch seiner kunst, schicklichkeit, vnd gelegenhait seiner ar-  
beit, den Lon geben vnd bezallen.

### Übertretung der sagung nicht zuuerschweigen.

**W**die Maister ainicherlay vngesür oder übertretung, diser  
vnserer sagung, vonn iren Knechten vnd gesellen erindert  
wurden, oder westen, dieselben sollen Sy in kainen weg verschwei-  
gen oder vertilgen, sonnder ainem Burgermaister oder Richter an-  
zaygen, welcher aber, solcher Artickhel ainen, oder mer oberfür, soll  
nach erkhandtnuß Burgermaisters, oder Richters, darumben ge-  
strafft werden.

### Störer.

**D**ie Handtwercher auf dem Gew, so nit seßhafft sein, die man  
Störer nent, sollen nindert gestatt werden, Es sey dann, das Sy  
sich heußlich niderthuen, Außgenommen die Handtwercher, so den  
Preläten, Herrn, vnd Edlen, oberhoff dienen, die mügen irer Herrn  
dienst mit dem Handtwerch wol verrichten, Inen soll auch nicht ver-  
potten sein ainer Nachpaurtschaft der enden, jr notturfft zu abaiten.  
Doch khainen khauß mit gewandt treiben, hierinnen vorbhallten  
vnsers Lanndts Steyr Reformation.

## Was ain Maister geben sol.

**W**ir Ordnen vnd Segen auch, dz nun hinfür ain yeder Handtwercher, Er sey was Handtwerchs Er welle, so Maister vnd Burger, in ainer Stat oder Marckht würdet, der sol vns, als Herrt vnd Lanndtsfürsten, zu erkantnuß seiner vnderthenigkhait, zue vnserer Hauptleüten, oder handen aines vnnsers Richters, an yedem ort, vnd ainer yeden Obrtkhait, darunder er gefessen ist, zu irem Gots dienst ain Phundt phenning, vnd ainer yeden Stat, oder Marckht, für empfangung des Burgerrechts, zway Phundt phenning, raichen vnd geben, vnd darüber nicht gedungen, noch beschwerdt werden.

## Von Witiben.

**D**ie Witiben sollen nach irer Hauswirt absterben, die Handtwerch, so dieselben jr abgestorben Hauswirt, gearbeit haben all dieweil Sy vnuerhayrat bleyben, auch arbeiten, vnnnd Gesellen haben mögen, vnd mit diser vnserer Sagung begrieffen sein. Wann Sy sich aber verhayraten, sollen Sy des nimer macht haben, jr Hauswirt werden dann Maister, nach innhalt diser vnserer ordnung.

## Fürderung der Gesellen.

**W**as Handtwerchs Gesellen in die Stet vnd Marckht komen, vnd da arbeiten wellen, sollen ander besuechung vnd vncostent vnderlassen, sonder sich ain yeder, den geschwornnen Maister, vnnnd Gesellen desselben Handtwerchs, ansagen, vnnnd dieselben sollen ine zu dem Handtwerch, vnd vmb das sein notturfft ist, anweisen, vnnnd in solchem nicht ainen für den andern, sonder ain yedlicher Maister des Handtwerchs, gleichmässig fürdern. Wo sy aber befunden, das sy auß Neyd oder vngunst, die Gesellen ainen Maister, für den andern zueschickhen, oder abweisen wurden, sollen sy durch den Burgermaister oder Richter darumben gestrafft werden.

## Gelübde vnd Gehorsam zethuen vnd wider die Veindt zudienen.

**W**id wann also ain maister ainen Gesellen annimbt, oder dingt, soll Er in zustundt, wie vorsteet, für den Burgermaister, oder Richter bringen, demselbē soll derselb Handtwerchs gesell, bey seinen trewen

IVXXX  
trewen vnd Eeren geloben, all dieweil er in derselben Stat, Marckt  
oder Fleckhen arbeit vnnnd wonet, vns getrew vnnnd gehorsam zusein  
Auch dise vnser Ordnung zuhalten, vnd darwider nit zuthaen, bey  
den peenen darinnen begrieffen. Wo auch jne die veindts not in ai-  
ner Stat, Marckht oder Fleckhen betretten oder ergreifen wurde,  
das Er daselbst neben andern pleiben vnnnd vmb gepürlichen Gold  
diennen vnnnd sich treulichen gebrauchhen lassen welle, bey straff vnnnd  
peen verpiettung vnserer Landde.

Nach gethaner Pflicht Erber-  
lich zuhalten.

**W**nd so Er also vnserm Burgermaister, oder Richter, die pflicht  
gethan hat, soll Er alsdann bey seinem Maister, sich Erber-  
lich vnd gebürlich halten, vnnnd wann Im bey demselben Maister,  
nit lenger zubleiben fügen wil, soll Er Im vor aussagen, vnd Erber-  
lich mit im Abraiten, wo sy was mit einander, zuaiten haben,  
vnnnd alsdann mag derselb Gesell, ainem andern Maister dienen,  
doch das er solches mit wissen der geschwornen Maister thue, Wär  
es aber, das jne der Maister vrlaubt, so mag Ime der Gesell, woll  
bey ainem andern Maister, vnnnd arbeit sehen, doch das Er in all-  
weg in seiner pflicht, dem Burgermaister, oder Richter, gethon,  
bleib.

Schandchung.

**W**ann Frembd Gesellen ankomen, sollen die andern Handt-  
werchs Gesellen jnen zuschenecken, nicht verpunden sein, noch  
kainer darzue gedungen werden, sonnder solch gewonhait mit dem  
schenecken, so biszheer gewest, gang aufgehbt, ab, vnd verpotten sein.

Gehorsam vnd nicht vn-  
Eerlich  
wort zusehen.

**I**r Sehen vnd wellen auch, das die Handtwerchs Gesellen/  
jren Maistern, in gebürlichen dingen gehorsam sein, Auch Dy  
vnnnd jr Hauszfrauen Eeren, vnd vor augen haben, vnnnd denselben  
jren Maistern, Hauszfrauen vnd Rhinden, nicht vnzimlich oder  
vneerlich wort zusehen, in jrer Maister, oder Maisterin heüser, nicht  
vnerbar Frauen füeren, Darzue sollen auch die Handtwerchs ge-  
sellen, selbst an ainander nicht schelten, oder mit ainander vngefuer  
anfahen.

Seyertag

## Feyrtag halten.

**G**S soll khain Handtwerchs gesell, den andern seinem Maister auß dem dienst reden, oder pringen. Sy sollen auch jres gefallens, kainen Feyrtag mehr machen, sonnder die Feyrtag, so jnen die Handtwercher selbst aufgesetzt, abgethan sein. Vnnd sollen allain in Bierzeihen tagen, souerz in denselben Bierzeihen tagen, khain vnderfeyrtag ist, nach auffagung der Regenspurgertischen Reformation, ainen vnderfeyrtag, vnd nicht mehr halten.

Desz gleichen, wann sy wandern, soll darumben khain feyr, vnder den andern Handtwerchs gesellen beschehen.

## Vberaitten.

**G**S soll auch khain Handtwerchs gesell, seinen Maister vberaitten, Velttschuldt oder anders, weglh tragen.

## Auffsteen der gesellen.

**W**Ir verpieten auch hiemit, das die Handtwerchs gesellen jren Maistern, auß vnwillen nicht auffsteen, oder sich damit ainich erlay stols, oder poehens gebrauchen.

## Vn-Esigen

**G**S soll auch khain Handtwerchs gesell, offentlich an der vn-Esigen mit ainer, die nit sein Eelich weib ist, sigen. Welcher aber ain Eelich weib hat, vnd Gesellen weyse arbayten wil, das soll er thuen, mit desselben seines weibs willen, vnnd wider jren willen, von jr nicht auff dem Handtwerch umbwandern. Wo aber bey ainem Handtwerchs gesellen, sein weyb nicht bleiben wolt, vnd Sy von jme weglh gieng, mag Er wol Gesellen weyse arbayten.

## Dem Handtwerch nach ziehen.

**G**S mag auch ain yeder Handtwerchs gesell, der Eelichen beyhayrat ist, vnd mit seines weybs willen, wie obsteet, dem Handtwerch nach zeucht, oder das weib bey jme nicht bleiben will, sein Handtwerch Gesellen weyse, bey ainem Maister wol arbayten, vnnd soll von niemands darinnen verhindert werden. Dargue soll auch kainer khain ver hinderung haben, Maister oder Gesellen weyse zu arbayten, der ain freye Diern nimbt.

Tanz vnd Spil auff offen plätzen.

**W**Ir wollen auch hiemit den Handtwerchs Gesellen verpotten haben, das sy auff offem Platz mit den gemainen Frauen mit Tangen, das sy auch nicht Spill Tisch besteen, vnd die halten, noch auf dem offen Platz spillen, sich auch sonst im Spil, das Eiber zimlich sein soll, valscher Würffel, oder Karten nicht gebrauchen, oder bey jm haben, vnd wo ain Gesell, vber den andern, ainicherlay vber tretung diser vnserer Ordnung, oder anderer vntaten oder fräuel, erinnert wurde, soll Er die, ainem Burgermaister, oder Richter, anzeigen, vnd jm deszhalb, von dem andern Gesellen, khainerlay nachtail zuegefüegt werden.

Kain Gesellen in der verdingten zeit zu vrlauben.

**W**Ir wollen auch, so sich ain Maister vnd Handtwerchs gesell zu ainander verdingen, vnd einlassen, das der Maister den Gesellen in derselben verdingten zeit, wider seinen willen nit vrlaub, noch der Gesell von dem Maister nicht auffstee, oder vrlaub vordern soll, Es wär dann genuegsam vrsachen vorhanden, dieselben vrsachen sollen durch ainem Burgermaister oder Richter erkant werden.

Auszbelaitten der Gesellen:

**E**s soll auch khain Handtwerchs gesell, den andern auszbelaitten sonder denselben für sich selbst weeg ziehen lassen, Es wär dann das sich ye aines Gesellen weegziehen vngeuerlich, an ainem schlechten feyrtag begab, Ob sy ine dann belaitten wollen, das mügen sy thun, doch on schanckhung, vnd vortragen der Landt.

Überfarung der Artickl vnd vn-  
Erllich abschied.

**W**eicher aber, der vorzgeschriben Artickl, ahnen oder mer vber- fuer der soll nach erkantnuß aines Burgermaisters, oder Richters darumb gestrafft werden, vnd dazue, welcher Handtwerchs gesell, von seinem Maister vn-Erllich abschied, ime Gelltschuldt, oder anders entrieg, das wissenlich wär, soll von kainem andern Maister, auffgenommen noch gehalten werden, außer vnser, oder vnserer Landtmarschalch, Landtshaubtleüt, Verweser, Burgermaister/  
oder

oder Richters, sonder erkandtnuß, oder ainer yeden Obrigkeit des-  
selben orts, yedliches Landts.

### Die Ehe versprechen.

**W**ir setzen vnd gepieten, ernstlich vnd wellen, das im thain  
Handtweechs gesell, seines Maisters, noch Maisterin Toch-  
ter, Schwester, oder muemen, wider iren willen nicht vermähl, oder  
die Ee zuuersprechen oberrede, bey der peen vnd straff die ain yeder  
Burgermaister, Richter, oder die Obrigkeit, nach gelegenheit der  
sachen, darumben erkennen sollen.

### Weegführung der Meyber vnd Töchter.

**W**o aber, ain Handtweechs Gesell, seine Maister oder Mai-  
sterin, jr Tochter, Schwester, oder Muemen, hatmlich weeg-  
füeret, Es beschehe mit derselben Junckhfrauen personen, willen, oder  
mit gewalt, oder wie das wär, der soll nach dem gemainen Rechten,  
an Leib vnd leben darumben gestrafft werden.

### Vn-Eerlich beschlaffen.

**S**o aber ain Handtweechs gesell, seinem Maister, oder Mai-  
sterin, jr Tochter, Schwester, oder Muemen, vn-Eerlich be-  
schlieff, oder sy, irer Junckhfrawschaft entsetzet, der soll auch, nach ge-  
legenheit der sachen von Burgermaister, oder Richter, ainer yeden  
Obrigkeit, der enden, da solches beschiecht, schwärlichen darumben  
gestrafft werden.

Also, vnd gleichermasz, soll es auch, mit allen andern diensleüten,  
Dawerleüten, vnd ledigen in der gemain, an allen ortten gehalten  
werden.

### Arbait zugeben.

**W**ann aber ain Frembder Handtweechs gesell, in ain Statt/  
Markt oder ander Flecken käme, vnd sein kain Maister  
durfftig, oder aines yeden Maisters werchstat, versehen wär, so sol-  
len jne dannocht, so ferz Ers begert, die geschwornen, zu ainem Mai-  
ster, einschaffen, der jne Acht tag arbeit gibe, damit Er ain zerung  
verdienen, vnd verier kummen müge, Doch soll Er jne, ober Acht  
tag zuhalten nicht schuldig sein.

III V XXX  
Wieviel ain Maister Knecht mag halten.

**G**S soll hinfüro, ain yeder Maister, was Handtwerch der seye, Knecht halten, souil Er nach gelegenhait seines Handtwerchs, zufürdern vnnnd zuhalten wais, Doch das solchs nit geuerlicher weise beschehe, darinnen ain yede Obrigkeit, auch Burgermaister, Richter vnnnd Räte, in ainer yeden Stat, Marckht, oder Fleckhen, einsehung thuen, sollen.

Wie es mit den Kranckhen gesellen gehalten soll werden.

**D**S sich begäb, das ain Handtwerchs gesell, bey ainem Maister Kranckh wurde, vnnnd der Maister ime, so guetwillich ist, vnnnd in seiner kranckhait auff helt, bisz Er wider gesundt würdt, so soll der seib Handtwerchs gesell, von dem Maister wider seinen willen nicht abschaiden, bisz Er im solches abdiert, mit parem Gellt bezalt, oder sunst, daran der Maister zufriden ist, benüegig gemacht hat, Stirbt dann der Knecht, vnnnd aber die Maister nicht all dermassen vermügg, wo Sy des verstorbnen Guet beyhanden behalten, vnnnd etwo anwerden sollten, das Sy dasselb widerumb erstatnen vnnnd bezalen möchten, so soll die Obrigkeit des Ortes, all des abgeleitben Knechts gelassen gut in bey sein der Geschwornnen Maister vnnnd Gesellen Inuentiern lassen, vnnnd das in jrem gewalt auff verantwortung innen behalten, ob inner Jarfrist, desselben gestorben Knechts freündt, oder denen sollich guet billich zugehört, kömen, vnnnd sich mit dem Maister, omb das Er, den abgestorbnen Handtwerchs gesellen aufgehalten, vnnnd im dargestreckht hat, vertragen. Alsdann vnnnd nicht che, solle die Obrigkeit den freündten, dasselb gelassen guet, gegen irer Quittung, zustellen. Wo aber inner jarfrist niemandt thäm, soll alsdann die Obrigkeit sollich gelassen guet mit vorwissen der Geschwornnen Maister vnnnd Gesellen, lassen schätzen, vnnnd hingeben, vnnnd nachmals, was durch dieselb Obrigkeit vnnnd geschwornnen, zu dem Gotsdienst oder Almuesen verordnet, vnnnd erkhendt wirt, das demselben Maister, für sein vnderhaltung vnnnd darstreckhen, von sollichem Gellt billich zuesteen, das soll ime alsdann zuegestellt, vnnnd der obertail soll bey der Obrigkeit handen auff verantwortung bisz auff der freündt, oder der ihenigen, denen solch Guet pillichen zuesteen soll, ankunfft, oder erforderung, behalten werden.

## Darstrecken in Kranckheit.

**W**är aber sach, das ain Kranckher Handtwerchs gesell, bey seinem Meister nicht vnderhaltung het, vnd selbs so arm wer, das Er sich nicht vnderhalten möcht, so sollen jme die geschwornen Meister vnd Gesellen, mit dem verordenten ains Rats, aus dem Gellt, so sy in irer Dürhsen zu dem Gotodienst, oder Almuesen haben, so ferz es on nachtail sein mag, ain zimlich darstreckhen thuen, Doch soll Er angeloben, das Er on jr erlaubnusß von dannen nit ziehen well, Er hab dann sollichs ehe bezallt, oder zufriden gestellt, vnd das soll Er also, so ferz Er in leben bleibt thuen, Wer aber sach, das Er mit todt vergieng, so soll die Obrigkeit sampt den geschwornen Meistern vnd Gesellen sein gelassen guet Inuentiern, das Jar vnd tag behalten, ob des abgestorbenen Gesellen freünd, oder dem es billich gefellt, kömen, vnd jnen das, so jrem Freündt dargestreckht ist, bezallen, Alsdann, vnd nicht ehe, sollen sy jnen, solch jres Freündts, gelassen guet, gegen irer Quittung, volgen lassen, khäme aber inner jarfrist niemandt, so sollen sy das, aber schäzen lassen, vnd verkauffen, vnd sich des, so sy dem gestorben dargestreckht, bezallen, Vnd das vberig behalten, bisz das desselben abgestorbenen, negst Freündt, oder dem es Rechtlich zuesteet, darnach khämen, oder empietten, denen soll es gegen genuegsamer Quittung, auch geracht werden.

## Der Gesellen gelassen güetter halben.

**W**ann sich aber bezibt, das sonst ain Handtwerchs gesell, der seinem Meister nichts schuldig ist, abstirbt, so soll die Obrigkeit sampt den geschwornen Meistern vnd Gesellen, derselben ort, sein gelassen hab vnd guet, Inuentiern, verwaren, vnd desselben gesellen absterben, Auch was Er hinder sein verlassen, bey vergebner botschafft, in schrift, oder sunst, an das ort, dauon Er pürtig ist, verkünden, Wo dann darnach in aines jarsfrist, seine negste Freündt, oder dem sollich Guet billich zustuende, khämen, den soll es gegen irer Quittung, geracht werden. Wo aber in ainem Jare, niemandts khäme, so sollen sy das schäzen, vnd verkauffen lassen, vnd das gellt bisz auff der nechsten Freündt, oder wem es pillich zuesteet ankunfft oder eruorderung behalten, Doch wo wissentlich gellter vorhanden wären, die sollen nach außgang ains Jars, von demselben Gellt, bezalt werden, Vnd wo nach ende des berüerten Jars, noch in zwayen jaren, niemandts khäme, dem sollich Gellt zuestuende, soll alsdann die Obrigkeit vnd die geschwornen, dasselb Gellt, auf Hauszarm/  
R iij oder

oder ander notturfftigleit, außgeben, vnnnd wenden. Dergleichen soll es auch mit dem Gellt, in den vordern zwayen Artickln, vermeldet, wo in dreyen Jaren niemant khome, gehalten werden. Doch ainer yeden Herrschafft vnnnd Obrißkhait jr Freyheit, ob sy ainich in solchen fällen hetten, vorbehalten.

### Von Leer Jungern.

**D**ie Leerjunger der Handtwerch in vnsern Niderösterreichischen Landden, sollen gedingt, vnd aufgenommen werden, wie dan aines yeden Handtwerchs, nach obberürter Ordnung, gelegenheit ist. Dieselben Leerjunger, sollen sich gegen jren Maistern vnd Maisterin, aller gehorsam vnnnd trew befeissen, alles das, so den Handtwerchs gesellen verpotten ist, auch mayden, bey der peen, darumben aufgesetzt, die durch ainen yeden Burgermaister, Richter, oder Obrißkhait, nach der gelegenheit der Person, vnd that, zumeren oder zumindern haben sollen, wie sy dann solches im Rat finden, Wo auch jr ainer, seinem Maister, auß den Leerjaren gieng, wider seines Maisters willen, sol jne kein ander Maister, weder zue Leerjunger oder Gesellen aufnehmen, Er hab sich dan ehe, mit demselben seinem vorigen Maister vertragen.

### Ordnung zuhalten.

**W**ir ordnen, Sehen, vnd wellen, das die obgeschribnen gemaine Ordnung, durch all Handtwerch, darinn kaines außgeschloffen, gehalten werden. Vnnnd das ain yedtweder, der selben Maister, bericht, vnnnd verstandt, emphaben, vnnnd den gehorsamlich, bey den peenen darinn begriffen, zugeleben wissen, dauon abschrifft hab, vnnnd die seinen Knechten vnnnd Jungern, offft zulesen, vnd zuuernemen, für geben.

### Beschluß.

**V**nd damit dise vnser Reformation Ordnung, vnd Sagungen nit in vergessen hülßigkeit, noch abfaal khome, sonder vnnmeniglich in stätter gedechtnuß, vnnnd vor augen gehorsamblich gehalten vnd volzogen werden. So beuelhen vnnnd gepietten Wir vnnsern Niderösterreichischen Statthalter vnnnd Regiment, auch Landtmarschaleh, Landtschaubtleuten, Berwesern vnnnd Anwalden yedes Landts, bey den pflichten damit Sy Vnns verwondt  
sein

sein / hiemit Ernstlich vnd wellen / das Sy für sich selbs / vnd durch die nachgesetzte Obrigkhaiten / ob diser vnser Reformation / Sagungen / Ordnungen / vnd Vollicey gestrackts hallten vnd handthabung thuen / Auch dieselben Järlich in den Viertln / vnd fürnemblich in Stetten offentlich vor allen Gemainen / die darzue beruefft werden sollen / Lesen / verkünden / vnd vernewern / vnd dann auch bey den nachgesetzten Obrigkhaiten yedes Jars / nach gelegenhait erkundigung hallten / wie dise Ordnung vnd Reformation in jren verwaltungen gehalten / vnd ob derselben gehorsamlich nachgelebt werde / Vnd so Sy an ainicher Obrigkhait derhalben mangl befunden / Sollen Sy dieselben Obrigkhait fürfordern / vnd mit gebürlicher straff / omb sollich obertretung verfahren / Es soll auch die Straff gegen den hinlässigen Obrigkhaiten yedes maals dryfach höher / dann wie den gemainen Verprechern / innhalt diser Ordnung auffgelegt ist / gestellt werden. Doch behalten wir Vns beuor sollich Reformation / Ordnung / vnd Vollicey / yeder zeit verzer zue erklären / zeminndern / zemenen / oder gar aufzheben / alles nach gestalt vnd gelegenhait der fürfallenden leuff nach vnserm wolgefallen. Das alles ist Vnser will vnd Ernstliche maynung. Geben vnd geschehen in Vnser Statt Wienn / den fünffzehenden Tag des Monats Octobris / Nach Christi vnsero lieben Herren gepurt fünffzehenhundert / vnd im Zwayundfünffzigisten / Vnserer Reiche des Römischen in Zwayundzwainzigisten / vnd der andern im Sechszundzwainzigisten Jaren.

## Ferdinand

Ad Mandatum Domini  
Regis proprium.

J. Janas D.  
Vicecangler.

A. Wagner

Faint, illegible text, likely bleed-through from the reverse side of the page.

Reformation

Ad Mandatum Domini  
Regis proclama

3. Anno D.  
1534

1534







